


देव वाणी

(पहाड़ी भाषा कुलवी)



लेखक :

कमल कान्त शर्मा 'विद्रोही'

tharakardu.in

tharakardu.in

tharahkarduin

देव वाणी

[पहाड़ी भाषा-कुलवी]

tharahkardu.in

लेखक

कमल कान्त शर्मा 'विद्रोही'

प्रकाशक :

कमलकान्त शर्मा 'विद्रोही'
जिला-कुल्लू (हि० प्र०)

卐

अधिकार :

सर्वाधिकारी प्रकाशक

卐

संस्करण :

प्रथम संस्करण—१९९५
१००० प्रतियां

卐

मुद्रक :

ब्रज बिहारीलाल शर्मा

बी. एस-सी., एल-एल. बी.

विद्यालय प्रेस केशीघाट,
वृन्दावन-२८११२१ (मथुरा)
☎ : (०५६५) ४४२ ५७१

卐


सम्पर्क सूत्र :


गांव चौकी (टापू)
अखाड़ा बाजार, कुल्लू,
जिला-कुल्लू (हि० प्र०)
पिन-१७५१०१

अथवा

गांव + डाकघर-शिरढ़
जिला-कुल्लू (हि० प्र०)

tharakardu.in





विद्रोही एवं प्रेरणास्रोत असीम
अर्द्धांगिनी असीमा शर्मा के साथ

सादर समर्पित

मां चामुण्डा

बाबा बालक रूपी,

तथा

प्रेरणा-स्रोत

पत्नी असीमा शर्मा

परिवार ।

(क) अगणित स्वतन्त्रता सेनानी

(ख) परमगति प्राप्त युद्धवीर

(ग) मृत आत्माओं एवं दीन-विहीन

(घ) मातृभूमि

(ङ) ईशिता

(च) अठारह करड़ू

(देवघाटी, कुल्लू के ३६५ देवी-देवतागण)

सत्य प्रकाश ठाकुर

मुख्य संसदीय सचिव

हिमाचल प्रदेश,

शिमला-171 002.

“दो शब्द”

कमल कान्त शर्मा, विद्रोही, (वर्तमान प्रधान साहित्य कला परिषद, कुल्लू रजिस्टर्ड संख्या: १६५६-८०), द्वारा रचित पुस्तक “देववाणी” जो कुलवी में लिपिबद्ध है, में ७२ कविताएँ १७० नए व पुराने लोक गीत, २५ प्रसिद्ध हिमाचली गीत तथा चार लघु एकांकी है। पाँच कहानियाँ यहाँ की सभ्यता और संस्कृति को अक्षुण्ण रखने में यह एक सराहनीय प्रयास है।

ह० सत्य प्रकाश

(सत्य प्रकाश ठाकुर)

प्राक्कथन

श्री कमल कान्त शर्मा 'विद्रोही' की पुस्तक 'देव-वाणी' को देख और पढ़कर बड़ी प्रसन्नता हो रही है। यह इनका दूसरा काव्य-संग्रह है। पहला काव्य संग्रह हिन्दी में था और यह पहाड़ी में है। साहित्यकार को भाषा किसी तरह की बाधक नहीं होती। भाषा तो भावों की अभिव्यक्ति के लिए एक माध्यम है। साधक की साधना माध्यम की गुलाम नहीं होती। उसे तो वायु-वेग की तरह बाहर निकलने के लिए मार्ग चाहिए। वह किसी भी निर्गम से बाहर निकल सकती है।

परन्तु भावना का भी तो अपना क्षेत्र है। कितनी भी उड़ान भरी जाए वह किसी विशिष्ट परिप्रेक्ष्य से बाहर नहीं दौड़ सकती। अतः उस भावना की अभिव्यक्ति उस माध्यम से अधिक सबल होकर प्रसारित होती है जो माध्यम हमें माँ की गोद से मिला है। इस तरह जो भावना मैं मातृ-भाषा में बखूबी व्यक्त कर सकता हूँ वह मैं सीखी भाषा के माध्यम से सफलता से जाहिर नहीं कर सकता।

छौली खाई तेरे बांहरे-बांहरे, काऊणो खाई तेरे तोवे ।
झूरी छूटी बोला पारलीधारेन, केण्डे हुए मेरे ते मोथे ॥

अब चाहे पहाड़ी को छोड़कर कोई भी और भाषा हो यह भाव अथवा बात किसी भी अन्य भाषा से इस विशिष्टता से नहीं कहीं जा सकती।

पहाड़ी भाषा के साहित्य को दिन-प्रति-दिन उत्तरोत्तर समृद्धता मिल रही है, यह देखकर बड़ी प्रसन्नता होती है। पहाड़ी साहित्य-रचना के आरम्भिक चरणों में इसके प्रति अनेक टीका-टिप्पणियों को देखते हुए लगता था कि सम्भवतः पहाड़ी-विकास यात्रा कहीं अवरुद्ध न हो जाए। परन्तु जो विद्वान् किसी उद्देश्य के प्रति सजग, कटिबद्ध और कृतसंकल्प हो वे इस तरह के अस्वाभाविक और पूर्वाग्रहों से भरे उपहासों की परवाह नहीं करते। पहाड़ी कवि और लेखक अपने उद्देश्य के प्रति वचनबद्ध थे और हैं। अतः उनका प्रयास हरदम अग्रसर रहा और आज पहाड़ी के आलोचकों को स्वयं आश्चर्य हो रहा है कि इस छोटी सी अवधि में पहाड़ी साहित्य-जगत का भण्डार खूब भर गया है और अभी साहित्य-समुद्र को आ-दिन अनेक सरिताएँ साहित्य-अमृत अर्पित कर रही हैं। भाषा या बोली किसी के बताने से नहीं बनती। सामाजिक आवश्यकता इसकी जननी होती है। परन्तु जहां भाषा या बोली को मानव स्वयं बनाता नहीं है वहां वह समृद्धता इसे अवश्य प्रदान करता है। और यदि बोली भाषा में कहीं कोई अपवाद है तो यही कि बोली का समृद्ध रूप भाषा है।

अतः भाषा के विकास में साहित्यकारों के योगदान को कौन ठुकरा सकता है? क्या यह ऐतिहासिक तथ्य नहीं है कि वाल्टयर तथा दान्ते की भाषा एक बार टिब्रिस के समीप पहाड़ियों पर झोंपड़ियों में रहने वाले कुछ किसानों द्वारा बोली जाती थी। दान्ते और वाल्टयर जैसे साहित्यकारों ने झोंपड़ियों की उस बोली को अन्तर्राष्ट्रीय ख्याति की भाषा के रूप में गढ़ा किया। ऐसे उदाहरणों के दृष्टिगत पहाड़ी का साहित्यकार कभी हतोत्साहित नहीं हो सकता है!

श्री विद्रोही का यह काव्य-संग्रह पहाड़ी साहित्य जगत
के लिए अनूठी देन है। आशा है इसे साहित्य जगत में पूर्ण
सम्मानित स्थान मिलेगा।

भवदीय

हस्ताक्षर


(एम. आर. ठाकुर)

दिनांक २२-७-६५ सेवा निवृत्त उप-निदेशक भाषा व संस्कृति,

देवप्रस्थ भवन, कुल्लू

॥

[Faint, diagonal red stamp or mark]



दूँ-गला

॥

मेरा ऐ पहिला प्रयास सा ।
पता नी ठठा सा, मज़ाक सा ॥
गौई गौई नौऊं वां विचार सा ।
ऊँई केरिया विरोधाभास सा ॥

सूति पूजा पांघै विद्रोह केरु ।
'स्वामी'रा चित्र छापणा परिहास सा ॥
ख्यालाता रा हेरा शुणा केरु मै ।
विरोधाभास भौरुआ इतिहास सा ॥
जी दोषा रा हाऊं पुतला सा ।
सलाह-सूत्र देलै विश्वास सा ॥
जगा, जगा बोली-भाषा बदला सा ।
हरेकी निःश्वासान बुरी बास सा ॥
शास्त्री ज्ञानी ध्यानी वेद जे वी सी ।
आन्ति दूर केरलै मुंभै अश सा ॥
कताव मेरी एतरी घटिया निकली थी ।
भाषा अकादमि ए बापश केरिदी सा ॥
'विद्रोही' री तैईयें सृष्टि गुरु सा ।
कणा, कणा न चिति शक्ति रा वास सा ॥

तुकबन्दी 'विद्रोही' री ऐण्ढी लगा सा ।
खरी, ता स्थिर बुद्धि, ख्यालाता रा हास सा ॥

[च]

वाणी वै, जाद ख्यालाता री तैईएँ ।
छन्द, अलंकारा रा प्रयोग बेकार सा ॥
शुणा 'जण्डा राजा तण्डी प्रजा' ।
नी सुधरै समाज दोष कुणी रा ?

आसरी खोपड़िए जबै खराब होआ सा ।
तवै अंगा बै दोष देणै रा की तुक सा ?
खोपड़ी जैण्डा, जैण्डा हुकम फरमाणा ।
अंगा ता सौए कौम केरदै जाणा ॥

जुणा लोका जबै प्रशासका वै सही रस्ता दसा सी ।
हतैदै प्रशासक तिन्हा वै तबै मकाई कौडा सी !!
जनता वै आपणी राय देणै रा अधिकार सा ।
भूल सुधार केरै जुण सौ असली सरकार सा ॥
सोढ़ी-टोपी कुप्रशासना रा उका केरना आसा ।
तभै असली जादी सा ऐहै 'विद्रोही' री अर्ज सा ॥
झँ वीहरदै देऊ-देवी मुँभै इन्हा पेहरू चढ़ाइया ।
ता डांहदा हांऊ तिन्हा वै कसाई रै घौरा सजाइया ॥

कुलवी रचना रा अंश समर्पित ।
भूल चूक, नीत हित क्षमा अर्थित ॥

हौछी नहिदैवै ।
राह दसैई मां ।
'कमल' 'विद्रोही' वै ।
वीर देई मां ॥

रथा : ठारा करड़ , (कुल्लू) कमलकान्त शर्मा 'विद्रोही'

ताली (सुची)

तिरतीव	मजमून	वरका	तिरतीव	मजमून	वरका
	काव्य-मंजरी			१९. महात्मा गांधी री आत्मा	
१. अर्ज (प्रार्थना)	१		(गीत)	२१	
२. जव्वर राष्ट्र (मुख) कुण	२		२०. विदाई गीत	२२	
३. परमेशरै री पूजा	३		२१. देश वणाणा	२३	
४. ओ ज़िमीदारा (गीत)	३		२२. समाजवाद	२४	
५. राष्ट्र गान	४		२३. पिशणा पिशदा	२७	
६. कव्वाली (१)	५		२४. कौरवै थो आसै		
७. कव्वाली (२)	६		कौरवै पुजै	२८.	
८. कव्वाली (३)	७		२५. लोकतन्त्र	३१	
९. पिछै ता नैई रोहणा	९		२६. कमौणै आलै सी थोड़ै	३१	
१०. होछै २ पाणी रै टिपणू	९		२७. पहाड़ी भाषा रा		
११. कुणी केरनी नागरानी			जन्मदाता	३३	
ओ	१०		२८. केण्डा छे का लाऊ ओ	३६	
१२. सुनहै री खाणी	१२		२९. नी आथो ढौकण डाली	३६	
१३. घौरा रा वजीर	१२		३०. कुलू घौरा रा मशहूर		
१४. बाँका सराज	१३		नाँ	३७	
१५. आगै पिछै वी हेरा	१४		३१. विद्रोही री अर्ज	३८	
१६. देशा सौरदै जाणा	१८		३२. देऊ वाणी	३२	
१७. सर्गा रा तारा	१९		३३. नशै सेभ सी बुरै	४५	
१८. कुलू री शान	२०		३४. शराहबी	४५.	

[ज]

तरतीव	मजमून	बरका	तरतीव	मजमून	बरका
३५. भारत माता वै सेभ सी प्यारै		४७	५६. झूरी (पहाड़ी पौप सोंग)	७०	
३६. लोक राजा रा सहाजा	४८		५७. झूरी री गाथा (पहाड़ी पौप सोंग)		७१
३७. कुणी रा क्रसूर	५१		५८. पौप सोंग	८०	
३८. वौण लाआ ता रोजी कमौआ	५२		५९. अम्बरै रै बादल	८२	
३९. गुरु नानक भगवाना रा प्यारा	५४		६०. हौसदी खाक	८३	
४०. मुंएंदै रा राष्ट्र	५५		६१. कुलू रा राम राजा	८४	
४१. मतबली यार	५७		६२. पौढ़दै जणा	८४	
४२. बाली ता रामा रा संवाद	५७		६३. गीत बाँठड़ा	८५	
४३. मिलावटा रा सैभा	६१		६४. गीत भौऊंरु वामहणू	८७	
४४. चौला पौढ़दै जाणा	६२		६५. झंझोटी (झूरी) वामहणू	८८	
४५. देश स्वर्ग वणाणा ओ	६२		६६. झंझोटी (वेबशी)	८९	
४६. देशा सौरदै जाणा	६३		६७. जैइण्ड-डफ (गीत)	८९	
४७. चौला सेईजा बै जाणा	६५		६८. जिहलू	९०	
४८. तेरा नखरा लिशकू	६६		६९. सुण्ड (सहकारिता) (१)	९५	
४९. शाफड़ा रा शवाल	६६		७०. सहकारिता (२)	९६	
५०. कुलवी गजल	६७		७१. दियाली (लघु नाटिका)	९७	
५१. भाग जागै	६८		७२. भारत या	९९	
५२. नी दुःख सोहणा	६९		नये व पुराने लोकगीत		
५३. जी ! केरना की	६९		१. शाढी झेची	१०१	
५४. जी केरा सी मौजा	७०		२. चाहै गौर्म	१०१	
५५. क्षणिका	७०		३. बिथा लै तू शूणी	१०२	
			४. म्हारै पण्डला राजकृष्ण गौड़ा	१०३	
			५. कैण्डा शोभला जीण	१०४	

तरतीव	मजमून	बरका	तरतीव	मजमून	बरका
६. कुलू प्याणा	१०५	३१. ढोलकी बाजी लोड़ी	११४		
७. हाऊली कटै/हाऊलिए	१०६	३२. कौहू धारै रीए	११५		
८. हा लामा लोरा	१०७	३३. फुलकै चाणै विरिए	११५		
९. हेसरू	१०७	३४. मोड़ो विसरी	११५		
१०. हुशा (काहिका)	१०८	३५. झाऊँ तीणै भामिए	११५		
११. एजे मेरी महामायी ए	१०८	३६. घिउआ तेलिया	११६		
१२. लाल्हड़ी (ढीली नाटी)	१०८	३७. घूघती	११६		
१३. आई लोड़ी	१०९	३८. चिड़ू रा चोकण	११६		
१४. झिऊँ चिड़िए	१०९	३९. झूरी लाड़ी उझी मनाली	११७		
१५. ढौलै रा ढमाका	१०९	४०. कौहू धारै	११७		
१६. मूं जाणा जाचा बै	११०	४१. विदा लागी दसमी	११७		
१७. हीऊँ लागा जोऊरा	११०	४२. हाईएँ बोला ऐ गेहरिए	११८		
१८. म्हारै चीनी साहिबा	१११	४३. आली काया	११८		
१९. दाणै हागै बै मोटर आई	१११	४४. नौवीं २ बैठी सरकारा	११८		
२०. झेचै री शोहरी	१११	४५. बेटी हुई बडड़ी	११८		
२१. भाऊआ रूपिए	११२	४६. नौई पारली शोहरिए	११९		
२२. ए आए ते कोटकै	११२	४७. ओरू २ ता सिकै	११९		
२३. उमा वतिए चौखिए	११२	४८. लाल चीड़िए घौरा			
२४. हौछे भाउआ	११२	बैजाणा	११९		
२५. किझी री तेरी कलगी	११३	४९. चिड़ू रा लैणा	१२०		
२६. जोघा बै सुथण	११३	५०. केण्डी चुटी तू काली			
२७. सिंह-शियाल	११३	हांटिए	१२०		
२८. नैई जाणा	११३	५१. राम सिघै री गेहरिए	१२०		
२९. हुई दियलिए हुई	११४	५२. केलहै ता नैईए सोईदा	१२०		
३०. राम-रावण	११४	५३. विदा लागी	१२०		

तरतीव	मंजमून	बरका	तरतीव	मंजमून	बरका
५४. लूंम्बारू दूई रा		१२१	७७. झेची शोभली		१२५
५५. निर्मण्डा री		१२१	७८. चोलै, टोपै, कलगी		१२५
५६. ओ मेरे हौरै		१२१	७९. कौना बै गोखड़ू		१२५
५७. शहाई भाली		२२१	८०. आगै न नौचलै		१२५
५८. ओरली घारान चौरली		१२१	८१. सेऊ बागै री पूनिए		१२५
५९. वेद रामा ठाकरा		१२२	८२. होछे बड़ भाईरी		
६०. भेड़ा चारी बोला....		१२२	सायलिओ		१२६
६१. गोभी नी टालदो		१२२	८३. ओ लता ठाकुरा		१२६
६२. लाणा चान्दी राजुटु		१२२	८४. ओरै वी ऐ गम्भरा		१२६
६३. गिरू पाणी री जूनी		१२२	८५. म्हारै देऊआ शिवजिया		१३६
६४. लाड़ी शहाऊं		१२२	८६. ओ देवी रेणुका		१२७
६५. कला शोहरू लागा रोंदा		१२३	८७. चामुण्डा धारा रिए		
६६. मोझ बज्जारान		१२३	भगवतिऐ		१२७
६७. नाथू री बागान		१२३	८८. ओरै दै भाभिए मेरी		
६८. घौरा बै ज्ञाणा सवित्ता		१२३	दाची		१२७
६९. सीता लाड़िए....२		१२३	८९. नाउवीं कराहड़ी रा		
७०. बाल्ह फूकू रुड़िए		१२३	विण्डा		१२८
७१. दासी लाड़िए		१२४	९०. घौरा पिछे बूटडी		
७२. भाणजिए सडकै सोई			शांघटी घौणी		१२८
राणा		१२४	९१. तू शोहरी बाल्है री		१२८
७३. ओ मेरिए गोलिये		१२४	९२. खोड़ै रै बूटड़ू हेठै		१२८
७४. हौरा बगिचड़ू रैड			९३. चल मेरी गंदणी		१२९
सेऊऐ रा		१२४	९४. किटमै रामा		
७५. गुइलूनै री चपली		१२४	पटवारिया		१२९
७६. हौरी डालिए वामाणिए		११४	९५. घौरा पिछे		१२९

तरतीव	मजमून	बरका	तरतीव	मजमून	बरका
६६. मीट ता शराब		१२६	११३. तुली शहाऊली		१३३
६७. एक शड़का			११४. ओ लाड़ी शानता		१३३
भौंगी मारी	१३०		११५. शूकी धारा रै गोरू		१३४
६८. बैडै साहिबा			११६. लाड़ा काला भलिए		१३४
रिगे बीबिए	१३०		११७. गोकलनन्दा		१३४
६९. बुढलु मामा भगतुआ	१३०		११८. कुलू केरू		
१००. तारा लाड़िए			पियाशा ओ		१३४
उत्तमीऐ	१३०		११९. म्हारै बज्जीरा गौड़ा		१३४
१०१. डोलमा सेवका	१३१		१२०. एसा डेहली		१३४
१०२. शुणै २ कान्हा			१२१. सेऊऐ रा सीजन		१३५
लाड़िए	१३१		१२२. लोका रा शोहरू		१३५
१०३. सोह केरै गे			१२३. ऐण्ढी की उठी		१३५
बामहणिए	१३१		१२४. ओ धौणी नी बुझदा		१३५
१०४. तुला लाड़िए			१२५. एक दूई लोड़ी		१३५
तुला लाड़िए	१३१		१२६. रेशमी सूट		१३६
१०५. सेरी बै जाणा	१३१		१२७. आरशी बिसरी बाई		१३६
१०६. उडी जाणा बसन्तिए	१३२		१२८. थोड़ा २ पूछ		१३६
१०७. जोड़ी मौगरू	१३२		१२९. पाणी रा लोटा		१३६
१०८. बेलो रामा गुडू २			१३०. धारा पौधे		१३६
रा बाज्रा	१३२		१३१. धारा पांघै शोभला		१३७
१०९. गुठा केलहै लागा थी	१३२		१३२. भेखली धारा री		१३७
११०. बागा फूली मालती	१३३		१३३. ज़ोलै गार्ड		१३७
१११. घौणी २ मौसरै री			१३४. ज़ादी मेली		१३७
दाल	१३३		१३५. झेची मामिए ओ		१३७
११२. बुन्है धिरै जौउली			१३६. बुढलू मामा		१३७
माहुला	१३३		१३७. पूईदै री खापरी		१३८

तरतीव	मजमून	बरका	तरतीव	मजमून	बरका
१३८. कुंगू-डोरी		१३८	१. पोषा मिहनै री दियाली		१४१
१३९. चुट जलाड़िए		१३८	२. बड़ा वौड़ा		१४४
लघु एकांकी कुल्वी बोली			३. धगड़		१४६
(पहाड़ी भाषा)			४. डुलकणू		१५६



१. अर्ज (प्रार्थना)

श्रीगणेश महाराजै री जैकार हो ।

किरपा केरा अना-धना री फुहार हो ॥

X X X X

माँ सरसूती विद्या, ज्ञाना री भण्डार ।

गरीबा-गुरबा संघै तेसा बै प्यार ॥

X X X X

लक्ष्मी री की करनी गल ।

सुर्ग बणाआ सा जल थल ॥

X X X X

शक्ति रा रूप सा ऐ काली माँ ।

बैरी रा नी रोहदा नाँ नशाँ ॥

X X X X

चाई शौऊ शौठिया-पौज, देऊ देवी रा कुलू सा घौर ।

ठारा करडू एक सा नाँ तिन्हा रा, देया सी सेभी बै बौरा ॥

X X X X

बाबा बालक रूपी री की करनी गल ।

तेईरी किरपा रोहा सा सदा जल थल ॥

X X X X

माँ चामुण्डा सा चण्डी रा रूप ।

कदी नी ओड़िदी तेसरी धूप ॥

X X X X

पित्त र परमेस्तरा

बौहरा सी कैसर ॥

卐 'ॐ तत्सत्' 卐

२. जब्बर राष्ट्र (मुख) कुण

मुन्हा, रूपा नैई ,
माँहणू लोड़ी तूँई री तैई ।
तोखलै लोका वै उत्थड़ा नैणै-
ता ताकती आला बणाणै-
बै सिहाँ सेंहीं ॥१॥

ते माहणू सत्त तपारी तैइयें ,
जब्बरा संघै मुकाबला केरा सी ।
एक चूँज एक पाँख केरिया रौहा सी ।
ता मोरणं ढौई विपता झेला सी ।
हारदै-हैफ़दै नैई ॥२॥

भादर माँहणू किर्श केरा सी ।
जैबै झै हौरा नींजा न सोइया रौहा सी ॥
ए गोली-बरूद छाती पाँधै सौहा सी ।
जैबै झै हौरा जेंगा न मोरने रो डौरै-
लड़ाई हागै न भैगदै होआ सी ॥३॥

ऐढे एऐ लोका आपणै मुखै री नीऊँ
वोहू डुधी कोतिया भौरा सी
झै चुटी नी लोड़ी ढौली नी लोड़ी सीऊँ
नेया सी सर्गा ढौई-
देश हुआ नी लोड़ी बर्बाद ।
पीढी बरशोड़ी बै रौहली याद ॥४॥

३. परमेशरै रो पूजा

भात होंदा उदास !
 किबै डाहा सा पुआस ।
 माहूँ कमोड़ी बै हेर ।
 खाइया-पिइया किर्श केर ॥
 करवा न लख वणा ।
 आपु खा होरी बै खिया ॥१॥
 झौख नी केरनी-भुखैनी रौहणा ।
 एसा गरीबी रा दुःख नी सौहणा ॥
 ए सा सभिन बड़ा श्राप ।
 उई ढोई नी आथी पाप ॥
 किर्षा ढोई नी आथी पुन दूजा ।
 ऐहै सा परमेशरै रो सच्ची पूजा ॥२॥



४. ओ ज़िमीदारा (गीत)

उठ ता उठ ओ ज़िमीदारा ।
 देश सा शोभला म्हारा ॥.....
 घौणे ता घौणे पौए जंगला ।
 ए ता सी हिमाचलै रा सहारा ॥.....
 हेरा ता हेरा लोको नज़ारा ।
 उत्थड़ी-निष्टी ध्वारा ॥.....
 बेलहै ता नी बेशणा आसा ज़िमीदारा ।
 ऐंढे ता ऐंढे लो होणा नी गुज़ारा ॥.....

इन्हा वपारिए लोलुट्ट देश सारा ।
 देशा बै जगणै रा लाआ तुसै नारा ॥.....
 तुसा रा ता सा ऐबै ।
 लो आसा बै सहारा ॥.....
 ढोकण डाली सा तू ज़िमिदारा ।
 फौजी की सा आसा रा सहारा ॥.....
 उठ तब उठ ओ ज़िमिदारा ।
 देश सा शभल म्हारा ॥.....



२. राष्ट्र गान

सभी मनुखें रें मना रा राजा ।
 भारतै रें भागा रा दाता ।
 तेरी जै जै जैकार हो ।
 तौभै फुलै री फुहार हो ॥१७॥
 जम्बूदीप, आर्यवर्त, भरतखण्ड ।
 चार धाम, गंगा-यमुना गोदावरी ।
 कैलाश कन्यकुंवारी तेरे अंग ।
 शुचो लहर बहर धौत माटी संग ।
 शुभै शकनैसभ सी जगगा ।
 धन धन तेरै-तेरै भासा ॥२१॥
 तेरा शेष मिटाला कलेश ।
 हे या तेरी जं जैकार हो ।
 होयडू जोड़िया बार-बार हो ।
 कुंग-केसर धूप बेठरै बाजै-गाजै ॥३१॥

भाखै, शोंघै, नरशिघै करनाली संघै ।
नरेल, रोट, बोवरू सझिउटियाँ सूघै ।
आसा सभी री मिलिया ऐ पूकार हो ।
ओ या तेरी जैकार हो! अणगिणत बार हो ॥४॥



६. कव्वाली (१)

देश रा म्हारा गुलाबा रा फूल ।
ओ ऊँई रा पौहरा पाणा आसा ॥
झीफ-झीकहू पेचिया शेटणै ।
ठण्डड़ा पाणी दें दें जाणा आसा ॥
देश.....

पेशणै नी देणै घौरा भीतरै ।
इन्ह री सूह आसा लाणी जरूर ।
पैहिलै बी लुटु ऐ परदेशिए ।
थी आसा न आपणाए कसूर ॥
देश.....

हौसदा-खेलदाऐ रौह लोड़ी ।
अरज सा म्हारी हौथड़ु जोड़ी ।
थोसणै नी देणै पाँखड़ी ऊँई री ।
दिहाड़ी राती पौहरा देणा आसा ॥
देश.....

डुघं नालान तीतरू-चाकहू ।
पौधरी धारा न चुगदा मोर ।

छापुइया बेठें दे सी ऊँई बै ।
बोहू राती दिहाड़ी रै अ चोर ॥
देश.....

एकता केरी नी ज़ाणी थी आसै ।
झगड़ने बै थी आसै मशहूर ।
भगियाल री झीकै परदेशी जाधै ।
आपणै-पराए सब केरै दूर-दूर ॥
देश.....

मैसै-कैसै साज्जादी पाई दी आसै ।
मिलिया रौहा केरा करतूत ।
पलफा नी ऊँई बै पौड़ने देणा ।
ओ हिकड़ू संघे लाँदै ज़ाणा ज़रूर ॥
देश.....

जुग जुग बोरझदा डाहणा आसा ।
बौडंदे ज़ाशा सदा फूल पतासा ।
देश सा म्हारा गुलाबा रा फूल ।
ओ ऊँई रा पौहरा पाणा आसा ॥
देश.....



७. कव्वाली (२)

देश सा म्हारा गुलाबा रा फूल ।
ऊँई री शोभा बढ़ाणी आस ॥
आसै सी ऊँई री पाँखड़ी, पाँखड़ी ।
ऐ सुन्है-रूपै सज़ाणा आसा ॥

थोसणै नी देणी पाँखड़ी ऊँई री ।
 पौहपा ऊँई रा केरना सा आसा ॥
 सारी दुनिया रा राजा बणाणा ।
 सेभी न आगै औढणा आसा ॥
 पलफा नी ऊँई बै पौड़ने देणा ।
 ज्ञानी बी ऊँई बै देणी आसा ॥
 जुग-जुग हौसदा-खेलदा रौहू लोड़ी ।
 ऊँई री अर्ज केरनी आसा ॥
 मिलि जुलिया रोहणा आरा ।
 झिक-मिष नी डाहणी आसा ॥



८. कव्वाली (३) [गीत]

देश सा म्हारा सभन शोभला ।
 सेभी न उत्थड़ा सेभी न ज्ञानी ओ ॥
 शोभलै आखलै मौशम मौशम ।
 ठण्डड़ा सा जायरू वाणी ओ ॥
 नोखै, नोखै तीतरू-चाकरू ।
 माहणू सी सूनहै री श्वानी ओ ॥
 भान्त न, भान्तै लोका आखलै ।
 देलै परदेशी बै बी ज्ञानी ओ ॥
 जुण बी परदेशी आए ओखै ।
 पाहुणै साही ते डाहै ओ ॥
 एबड़ा बशाह केरु तिन्हा पांधै ।
 कुन्जी शहाणै बी धीनै ओ ॥

जुगा जुगा ढौई तिन्है लूटे आसै ।
 फिरी वी हौथड़ू जोड़ी भगाए ओ ॥
 ऋषि-मुनि रा देश सा म्हारा ।
 सिभै मनुख सुखी बणाए ओ ॥
 सुर्ग सा औखली धीर्त-माटी ।
 परभेशरै जन्मभूमि ओ ॥
 शेर सा म्हारी माँ रा बाहण ।
 शेरा साही सब बणाए ओ ॥
 लागा थी ग्रीहण देशा बै म्हारै ।
 ऐबै सदा, सदा बै भगाऊ ओ ॥
 निहारी रात थी बिहाई नौठी ।
 आई भ्याणू तारै री बारी ओ ॥
 राहू राक्षा रा राज नशाऊ ।
 एबै राम राजे री बारी ओ ॥
 सेभी मिलिया कर्ष केरनी आसा ।
 धियाई नी बेशिया सकाणै ओ ॥
 एकी बागै रै सी चीड़ पंखेहू ।
 आसा सेभी मिली-मिलिया सजाणा ओ ॥
 कमी वी आथी आसा बै कौसी मैलै री ।
 एजा दोल-ढमकै नोचणा गाणा ओ ॥
 मेली संघै बोला नोचणा सेभिए ।
 एकी शौचै (भाखा) संघै संघै गाणा ओ ॥

६. पिछै ता नैई रोहणा

(गीत तर्ज फुलकै चाणै विरिए)

पिछै ता नैई रोहणा ।
 देशै रै भाइयो ।
 आगै औढदै जाणा । पिछै ता.....२१
 बेलहै लय नैई बेशणा ।
 देशै रै लोको ।
 भूड़ी केंरिया खाणा । पिछै ता.....३१
 अनपौढ तय नैई रोहणा ।
 मेरं भीष तय भाइयो ।
 चौला पौढदै जाणा । पिछै ता.....४१
 जिगटा न ता नैई रोहणा ।
 एई देशै रै लोको ।
 थोहड़ शोहरू जूषणा । पिछै ता.....५१
 भुखै ता नैई रोणा ।
 मेरं देशै रै भाइयो ।
 बोहू चयज पुजाणा । पिछै ता.....६१



१०. होछै र पाणी रै टिपणू

होछै होछै पाणी रै टिपणू ।
 ज्य होछै र रेती रै किशा ।

बणा अ सी अथाह समुद्रा बै ।
ता भान्ति २ रै लुङ्बडादै प्रदेणा ॥१॥
होछै २ पुनै रै कौम ।
होछी-मिठडी झुरी री गैला ।

बणा अ सी धौत-माटी बै सुर्ग ।
जैण्डा उझै सर्ग रा जुग ।
होछै २ मिठडै बोल बोलणै आला ।
सभी रै मना बै भीतरै न मोही लैला ॥२॥

आसै पाथर मारा सी काऊडै बै सभै ।
शुणदै रौहा सी-कोयल बोलली कैबै ॥
अर्ज केरा सा 'कमल' होथ जोड़िया बार-बार ।
ढुणा-ढुणा झुरी संघै-मोही लैया संसार ॥३॥
गोंठी न बौन्हणै रीतैइयै तुसा सभी रा धन्यवाद ।
भारत देश री जुग-जुग हुई लोड़ी सा जै जै कार ॥
झोंख झिक मिष केरा सा बरोवाद ।
झुरी न बड़ी नी आथी कोई सरकार ॥४॥



११. कुणी केरनी नगरानी ओ

ओ म्हारै देऊवा बोला शिवजिया ।
रकराहली हेरिया आऊ रोणा ओ ।
सिभै लोका बोला निकतै आगै ।
उझी रै झेजै हेरिया जीणा ओ ॥

ਧਿਠੀ ਨ ਪਾਝੁੰਦਾ ਹੇਰੂ ਛਿਡੀ ਰਾ ਭਰੋਟੂ ।
ਚਾਮਾ ਸੰਥੈ ਅਪਲਾ-ਹਿਕਾ ਨ ਧਾਣੂ ਓ ॥
ਓ ਮ੍ਹਾਰੈ ਦੇਝੁਵਾ.....

ਧਾਠੀ ਨ ਛਿਡੀ ਰਾ ਭਰੋਟੂ ਕਛੇਝੁ ।
ਬੁਨੈ ਖਾਝੈ ਬਝਾਰਾ ਵੈ ਨੇਧਾ ਓ ॥
ਓ ਮ੍ਹਾਰੈ ਦੇਝੁਵਾ.....

ਨਾਙੀ ਟਾਙੈ ਬੋਲਾ ਠੁਰਦੀ ਲਾਗੀ ।
ਪਾਥਰੂ ੨ ਪਾਥੈ ਜਧਾ ਓ ॥
ਓ ਮ੍ਹਾਰੈ ਦੇਝੁਵਾ.....

ਬੀਰਦੈ ਹਿਝੁਆਨ ਪੇਸ਼ਦੀ ਲਾਗੀ ।
ਧੀਰਾ ਨੀ ਆਥੀ ਨਾਝੈ ਰੈ ਦਾਧੈ ਓ ॥
ਓ ਮ੍ਹਾਰੈ ਦੇਝੁਵਾ.....

ਕੈਵੈ ਛਿਡੀ ਬਿਕਧੀ ਸਾ ਤੇਰੀ ਬਿਨ੍ਦਾ ਸੁਤੀ ਦੀ ਸਾ ।
ਕੈਵੈ ਤੀ ਧੀਰਾ ਪੁਝਾ ਕੈਵੈ ਖਾਧੀ ਕਵਾਰ-ਬਧਾਵੀ ਓ ॥
ਓ ਮ੍ਹਾਰੈ ਦੇਝੁਵਾ.....

ਸ਼ਿਵਝਿਧਾ ਬਿਨ੍ਦਾ ਤੇਰੀ ਬਿਹਧੀ ਟੀਲ੍ਹੈ ਸਾ ਖੁਖੀ ਸਾ ।
ਛੀਲ੍ਹਦੈ ਧੀਰੈ ਰੀ ਬਿਧਾ-ਕੁਧੀ ਕੇਰਨੀ ਨਗਰਾਨੀ ਓ ॥
ਓ ਮ੍ਹਾਰੈ ਦੇਝੁਵਾ ਬੋਲਾ ਸ਼ਿਵਝਿਧਾ.....

ਖਰਾਹਲੀ ਹੇਰਿਧਾ ਆਝੁ ਰੋਧਾ ਓ ।
ਸਿਧੈ ਲੋਕਾ ਬੋਲਾ ਨਿਕਟੈ ਆਧੈ ।
ਝਝੀ ਰੈ ਝੇਚੈ ਹੇਰਿਧਾ ਝੀਧਾ ਓ ॥

१२. सुन्है री खानी

(गीत)

सुन्है री खानी थी सेऊए रें बगिचइ ॥

कुणी बमारिए ए नशाए ओ ॥.....

स्कैब बोला सी बोला एसा बमारी बै ॥

धुड़ी पाँधै जुप्पिए बशाए ओ ॥.....

सेऊ चोड़िया केरा 'युरियै' री स्प्रेया ॥

पौचा दया फुकी-जाली ओ ॥.....

कौहरू पाँधै केरा डायफलटाना बै ॥

'वैवस्टिनै' लैया फूला बकाई ओ ॥.....

हरिं फोला न छिड़का एमजैक्सटिना बै ॥

खानी लैया तुसै बकाई ओ ॥.....

पन्द्राह २ रोज़ केरा इन्हा स्प्रेया बै ॥

फोला लैया तुसै खाई बकाई ओ ॥



१३. घौरा रा बजीर

शोभली बेटड़ी घौरा रा बजीर ॥

व्याहू बै फैंभड़ा-लिढा बै खीर ॥

खटदा-कमौदा तो व्याहू लोड़ी ॥

रात धियाढ़ खड़ा होथड़ जोड़ी ॥

लिढा डाही-डाहिया रोजी निःछी ।
कौसी रै निःछा तेरा चेकड़ चोड़ी ॥

रोज़ रोज़ जाचै री लोभण ।
बिहा वीर्षा न हुई नी गौभण ॥
सदा नी रोहणा जवानी रा ज़ोर ।
फिरी २ नी मेलणै लिण्ड बी होर ॥
धिख ज़ीणै रा केर किछकी धोर ।
जवानी बै होआ सी निहरै चौर ।



१४. बाँका सराज

बाँका म्हारा सराज ।
मौखरै भोरुए बोल ।
रोजी पुज़िया नाज ।
बाँका म्हारा सराज ॥

धारा धारा पाँधै बिजली ।
गौऊणी गौऊणी उजली ।
घौरा घौरा लुड़बड़ादी नार ।
बाँका म्हारा सराज ॥

उझै घेरुवी-फेरुवी सड़का ।
बुन्है जुआना-जुआनी री भड़को ।
फेर फिरदी मोटर कारे ।
बाँका म्हारा सराज ॥

घौणै घौणै जंगल ।
मिलदी भिड़िदी धारा ।
देऊआ-देवी रा राज ।
बाँका म्हारा सराज ॥
दोतकी झुणा बार-बार ।

भेड़ा बौकरी चार दी ।
ऊना कीतदी नार ।
बाँका म्हारा सराज ॥
हौरै-भौरै जंगल पौजणू माटी ।
उथड़ै-निष्टै घोर, मिठड़ी भाखी ।
बालु-ब्लाक चन्दरहार द्वार द्वार ।

हांइए झुरिए बाँका म्हारा सराज ॥
चेकैन गौघरी शिरा न धाठू ।

छेली २ औंढदी उबार-पार ।
भली मांहणू री जात ।
बाँका म्हारा सराज ॥



१५. आगै पिछै की हेरा

सोची समझिया औंढा भाइयो ।
आगै पिछै की हेरा ॥
सभ देश निकतै आगै ।
तुसँ दोहरै फेरा ॥

एक ता दाऊए मुकदमै री आजत ।
 दुजै लुगड़ी शराबा रा जोरा ।
 किबै लाई जिमो बेचणी तुसै ?
 किबै होदैं लागै छड़कदै तुसै ?
 होछी २ गला पाँधै-
 किबै लागै भड़कदै तुसै ?
 लिखै-पौढैं दै लोका बँ वी किछ हेरा ।
 तिन्हरी संगती स वी किछ ता जतन केरा ॥
 सोची समझिया औंढाडै भाइयो ।
 समा सा बुरा-आगै पिछै वी हेरा ॥
 लुटणै लागै परदेशी लोकै ।
 बोहू ढैबुए देई देइया ॥
 जिमी साँ बेचिया बसताण सा तुसा ।
 घौरा न लागै सी कौढ़ी-होणी सा आइया देइया ॥
 बँहदै किबै लागै इन्हा रं मुज्जारै तुसै ।
 हाजी वी आपणी जिमी वापस फेरा ॥
 चाहा सी तुसै अमर रकमैं री ढेरी-
 चुथै लाइया आपणै वीतर हेरा ॥

छोड़ा इन्हा पुराणी चाला, लुगड़ी शराब ।
 बुद्ध केरा-मुध फेरा किबै हीआ सी खराब ॥
 सोची समझिया औंढा हिमाचली भाइयो ।
 समा सा बुरा आगै पिछै वी हेरा ॥
 होछी उम्बरा न व्याह केरिया ।
 किबै शोहरू लागै नाला न पाणै ?
 इन्हा उफणवी कौली मठेलिया ।
 बासा आलै फूल कौखै न होणै ?

माता जीणदै शोहरू री ढेरी ।
 इन्हा कराणी सा तुसा न फेरी ॥
 एक दूई शोहरू हौआ सी खरै घुढै ।
 जैण्डै दूर २ लाए दें फुलै रै (पौधै)झुटै ॥

चोच नी मीचा न कतई खरै आथी ।
 जाजाता पिछै पाआ सी धूमानाटी ॥
 नुहशा बेटे बेशा सी सदाए जुदा होइया ।
 सयाणिदी घेरै मीचाए केरा सी घासी पासी ॥
 चोच मीच होआ सी एकी कुछी रै ।
 प्यारै-कप्यारै रा भेदु, माँ छुछी रै ॥

बोहू शोहरू हौआ सी ज्ञानी बै दाँधै ।
 एका झौटिदै ता एका धरकदै डाण्डै ॥
 ज़िमी नी आथी पौजणू तुसरी ।
 कौन देणै इन्हाबै नाजै दाणै ?
 माता जोचदै इन्हाबै तुसै हेरा ।
 इन्हा बोछू न घ्यादै माता लेरा ॥

होरी एसा खुइदी पाँधै तुसै ।
 माता गृहस्ती रै जोला बै फेरा ॥
 सोची समझिया औंढा ।
 हिमाचली भाइयो ॥
 समा सा कतई बुरा ।
 धिख आगै पिछै वी हेरा ॥
 माता ढाबदै बोहू जोई बै तुसै ।
 होरी री शोभली लाड़ी री रीशै ॥

माता जालदे जवानी रे भुजां वै ॥
 इन्हा पड़ेगी री रोज की झिंके ॥
 शोभली जवानी सा पराली री ओग ॥
 ऊँई बै छिपि यर नीड़े वणदा किछे ॥
 बेटड़ी बणी ऐबे इन्दिरा गान्धी ॥
 माता बुझदे इन्हा बै टाटी नाण्ठी ॥
 बेटड़ी पौढ़ली टबेर पौढ़ली सुर्ग बणांली हाँजी ॥
 बेटड़ी दुर्ग रा रूप, पढ़ा-पढ़ा, डाहा होसदी-ग्यादी ॥
 ठीक बोला सी सयाणै आसरे ॥
 रोहणा नी बेटड़ी डै बासरे ॥
 "बोह जिमी होआ सा हसला खाँदी ॥
 ता बोह जोई होआ सी खसमा खाँदी ॥"
 "एकी बै सूट ॥ होरी बै बूट ॥
 ऐसा बै देणी तुसा मृदडी ॥
 ता मुँभै देया सोथैरी टिकडी ॥"
 जां खसम एकी रे फेरा ॥
 तां पोरिए दुकी री लेरा ॥
 नैई डै सवाहै नैई डै जयती तू राह ॥
 मनापै री तैई ऐं रुख बी काहू फताहू ॥
 औणख चोण्ड सबेला कबेला ॥
 बोह जोई जका सी सजिए घेसा ॥
 सोखी समझिया ओढा हिमाचली भाइयो ॥
 समा सा बुरा जमाना नी खरा आगै पिछू बी हेरा ॥

१६. देशा सौरदै जाणा

(गीत)

जाणा मास्टर कमल कान्ता ।
 देशा सौरदै जाणा ओ ॥
 सेभै देश बोला निकतै आगै ।
 आसा पिछैनी रोहणा ओ ॥ जाणा.....
 जैगा, जैगा खुलै स्कूल ता कालिज ।
 आसा पौढदै जाणा ओ ॥ जाणा.....
 देश लुटु बोला नौकर शाहिए ।
 ऐबै धोखा नी खॉणा ओ ॥ जाणा.....
 पौढी-लिखिया बड्डै बैणा ।
 केरा देशै री सेवा ओ ॥ जाणा.....
 नाज हुआ मांहगा मांहगा ।
 कशी कशी नाज पुजाणा ओ ॥ जाणा.....
 लौह पीऊ सेठै-शाहूकारै ।
 घौणी निद्रा छोड़ा ओ ॥ जाणा.....
 पुराणी चाला छोड़दै जाआ ।
 नौऊएँ रैस्ते औंढा लो ॥ जाणा.....
 देश खाऊ ऐसा सोढी-टोपिए ।
 पौढी-लिखिया सधेरा ओ ॥ जाणा.....
 बोहू चारा जानी बै दाँधा ।
 एक दुई शोहरू जोणा लो ॥ जाणा.....

१७. सर्ग रा तारा

(गीत)

उझै ता चमकू सर्ग रा तारा ।
 बुन्है हिमाचल सारा लो ॥.....
 डुधे नालान चीड़ू-चंगारू ।
 उझै छित्ती हिऊँ री धारा लो ॥.....
 घौणै विझू वीणा न वेशिया ।
 हेरा सुर्ग रा बधिया नजारा लो ॥.....
 ऐसा चलौणी न तीतरू-चाकरू ।
 ओरली-पोरली धारन वीणा लो ॥.....
 सीधै-साधै सी ओखरै लोका ।
 कैण्डा शोभला शोभल जीणा लो ॥.....
 लोका बै दैया तुसै बगिचड़ू लाणै ।
 आसा भाजी-शमग पज्जाणा लो ॥.....
 फौला खाइया डाण्ड नी भौरिणै ।
 बाहा नाजै रै दाणै लो ॥.....
 भाव-भतै माँहगै करने आलै ।
 होलै दुही होछी रै काणै लो ॥.....
 आसानी बोला चाकरी केरनी ।
 रलिया कारोबार चलाणै लो ॥.....
 पारटी बाजिए देश नबाड़ू ।
 संघनी इन्हारा डाहणा लो ॥.....

१६. कुलूरी शान

कैण्डी शोभली सा कुलूरी शान ओ ॥
 देउबा-देवी रा केरा तुसे मान ओ ॥
 जैगा २ सी ऋषि मुनि रै स्थान ओ ॥
 कैण्डी शोभली सा कुलूरी शान ओ ॥
 केरा तुसे सेभिए इन्हा रा ध्यान ओ ॥
 कैण्डी शोभली सा कुलूरी शान ओ ॥
 रामचन्द्र सी ठारा करड़ रै राजै ।
 मौथा टेका सी सेभै तिन्हा हागै ॥
 चिदा दअमी बै बढासी इन्हारा मान ओ ॥
 सीखा लोको देऊआ-देवी रा ज्ञान ओ ॥
 फुल फौल अना-धनै नाजै ।
 बाजै-गाजै सेभी सहाज-बाजै ॥
 फुला रा डोलहर सा कुलूरी महान ओ ॥
 कैण्डी शोभली सा कुलूरी शान ओ ॥
 पेशिया ओखे कोई नी नौगद ॥
 करिश्मे हुई दुनिया हैरान ओ ॥
 कैण्डी शोभली सा कुलूरी शान ओ ॥
 देऊआ देवी रा केरा तुसे मान ओ ॥
 देश सा होरा-भोरा, चौखा-चारा कुलूरी महारा ॥
 अमृत सा जमयरु पाणी गाथा गान्दी व्यासा ओ ॥
 प्रदेशी री हिका जौलदी लग्गै शुणी आखली भाखी ॥
 देऊआ देवी रा पौहरा महारा हारे कोई नी आर्थी ॥
 माता बेचदे ज़िमी जैगा तुसे कुलूरी रै भाइयो ।
 औजनी शुहई लागण सी तुसाबे कसतावे ओ ॥

कैदी शोभली सा कुलूरी शान ओ ।
 देऊआ देवी रा केरा तुस मान ओ ॥
 कुलू रा सेर पाणी खाण आल ओ ।
 माता छौडै ! कुलूरी बोली बोलो ॥
 'जैण्डा देश तैण्डा वेष' ऊई बेंतोला ।
 पिछली घेरा बसताइणा होणी सा बोली ठोला ॥
 कुलू धौरै रै पौढ़े लिखे दे लोकें ।
 छौडनी लाई आपणी कुलूरी बोली ॥
 आपणी सभ्यता संस्कृति छौडिय ओखें ।
 कुलू धौरै तस्की कोखें होली ?
 बाहरलें लोकें नी छोड़दे आपणी बोली ।
 आसै बोला सी तिन्हरी धौरै री बोली ॥
 पौढ़े लिखे दे आपणी बोली बोलै री ।
 बड़िए औहुज लौज बुझणी लाई ॥
 जुणी लिपड़ी-शिपड़ी याए होखें न बैडै केरै फारो ।
 औज सौए जन्मजाई घौरान तुस खोलहणी लाई ॥
 कुलू रै लोको केरा आपणी सभ्यता संस्कृति रा मान ओ ।
 विसरदे माता आपणी पछियाणा-झाहा कुलूरी शान ओ ॥



१६. महात्मा गांधी-री आत्मा

(गीत)

रोंदी लागी महात्मा गांधी-री आत्मा ।
 हेरी इन्हा लोकें-री हेरा-केरी ॥ रोंदी.....

एकता भाव भत्तो चढ़दै लागै ।
 दुजै इन्हा लोकै री हेरा-फेरी ॥ रोंदो.....
 ओ गरीब लोका ता पिशिदै लागै ।
 मांहगै मांहगै नाज्जा हेरी ॥ रोंदी.....
 ओ घिऊवा तेलान चर्वी आलू ।
 शोभलै नाज्जान माटै री ढेरी ॥
 ओ पापा-पुनै रै रैस्तै खोऊए ।
 हेरी लोकैरी रिश्वत्ता खोरी ॥ रोंदी.....
 रोंदी लागी महात्मा गांधी री आत्मा ।
 हेरी इन्हा लोकै री हेरा-फेरी ॥



२०. विदाई गीत

खुशी खुशीए विदा होआड़ै भाइयो ।
 खुशी खुशिए विदा ॥ खुशी.....
 तुसै ता चौलै पौढी ता लिखिया ।
 मांहणू ता बैणिया.....
 ओ भाइयो आसा बै रस्ता दसा ॥ खुशी.....
 पौढी लिखिया बंडड़ै बैणा ।
 केरा देशा रा भैला ।
 ओ भाइयो केरा देशा रा भैला ।
 खुशी
 किर्ष केरिया जियाड़ै भाइयो ।
 देश उत्थाड़ा नेहा ।
 ओ भाइयो देश उत्थाड़ा नेहा ।
 खुशी

आपणै होथा रा कीतुआ लाणा ।
 आपणै छेता रा खाणा ।
 ओ भाइयो एई हुन्दरै जीणा ॥
 खुशी
 पौढी-लिखिया शोभलै बणा ॥
 होला शोभला जीणा ।
 ओ भाइयो देऊवा देवी रा जीणा।
 खुशी.....



२१. देश बणाणा

देश बणाणा ओ मेरे संवियो ।
 देश आपणा बणाणा ओ ।
 देश
 झूठ नी बोलणा ओ मेरै सजना ।
 देश आपणा बणाणा ओ ।
 देश
 सेभै देश बोला निकतै आगै ।
 माता जीन्दै बोला आपणै भागै ।
 आसा पिछा नी रोहणा ॥
 लुगड़ी शराबा न डुबदै लागै ।
 मोंझ-नौई न रुढ़दै लागै ।
 विष आसा नी पीणा ॥



२२. समाजवाद

कैदा हुआ ए म्हारा समाजवाद ।
 तौपण लाए ईश्वरीय अधिकार ।
 नैतरी मौड़धूड़ चोल्ही पांधै ।
 गरीब रै शोहरू भुखे डाँढै ।
 खर बा रा खर्च शमथानी पांधै ।
 खुसी पांधै बशाए जानी खांदै ॥
 बोटे री तैइयें पाआ री लड़ाई ।
 लोहू रै नाल बगा सो हे महामायी ॥
 करिवए न लखिए, निपट झूठे वचन ।

डिण्ड स्वाँग, फुकि जालिया 'भारत रत्न' ॥
 देशान बेनामी जाज्राति विदेशान धन, धना धन ।
 एका होरी बै बोदी लाआसो झूठे इन्क्वारी कमीशन ॥

लीडर म्हारे परमेशरान बधै ।
 माँहणू रा रूप मिजूरै गधै ॥
 निष्टे उत्थड़ै केरै उत्थड़ै निष्टे ।
 देश नवाड़ू वोटै री किश्तै किश्तै ॥
 लीडर-प्लीडर अफसर हाटीं आलै ॥
 सब सी पाँछद जनतै रै दालै ॥
 चोर लफंगे वषाण्डै जानी न प्यारै ।
 भूड़ी केरने अल दियारुण मोह ग्वालै ॥
 एकी देशान सी जुदा जुदा कनून ।
 वोटा पिछै केरा सी भाई रा खून ॥

गिरजे मन्दर मस्जिद गुरुद्वारे ।
 सब सी लोकाबै ठगणै आलै ॥
 जादी न ओरु जनता पांथै कर्जा चढ़ाऊ ॥
 सौड़ी सौढ़िया आपणाए डाण्ड बढ़ाऊ ॥
 औठ बिहा दूई हंजार करोड़ रा कर्जा पाऊ ॥
 ऐदी पीढी बै नी डाहू उठणै रावी यहाऊ ॥
 टिक्सै, टिक्सै चोड़ी कियाड़ी ।
 धर्मा पिछै खोपड़ी फाड़ी ॥
 खुर्सी पिछै बोहू रा खून-
 'थोड़ै री यारी' ऐ गप सा माड़ी ॥
 एकी देशान दूई कत्तन-
 हाजी वी नी तुसै बल फियाड़ी ॥
 आपणी पारटी रै राजा न-
 खाई पिया कधी भुम मचाणी ।
 ता होरी पारटी रै राजा न-
 लोहू रै नालै नमत दियाणी ।
 मारी कुटिया, डराइया धमकाइया तुबकी संघै-
 धाँबड़-धुसड़ी पाइया नोट संघै वोट कमीणै ।
 खून खराबा चिकड़-चाभड़ पाइया जानीन सकाइया-
 दारु सतरावा लाइया प्रतिद्वन्दी रै घोर उजड़वे ॥
 पारटी आलै सीता सेभै चोर ।
 भाइयो पौजा पौजा वौषा वै ।
 ऐवै दैया तुसै इन्हा बै वोट ॥
 हतीदी पारटी बै ।
 तभैता एणी सा होश ।
 ताँ घटी नी होणा सन्तोष ॥

उठा मेरै देशै रै लोको ।
 ऐवै आपणै चेकै बै बोन्हा ।
 होश केरा, इन्हा परास्ती री मुक्ति केरा ॥
 की दोती की सोन्हा ॥
 आपणा सत्ता तपा रा राज चलाआ ॥
 एकी देशा न एक कनून दर्शाआ ।
 लैभ-वैभ, धोखा-धड़ी बै मिटाआ ॥
 पापा छौड़िया पुनै रै रैस्तै जाआ ।
 भिछा मौंगणै री रीत हटाआ ।
 दीन-दुःखी बै सुखान डाहा ॥
 सोढ़ी-टोपी री की मुक्ति केरा ।
 नाक-कौन काटिया लहिदा डाहा ॥
 ताँ ढोई नी मुकणा देशान भ्रष्टाचार ।
 जाँ ढोई नी बगाड़ै इन्हरें नुहार ॥
 समाज बादा न होआ सी सब एक बराबर ।
 लुटणै आलै लोकै री लैया राम्बड़ी खबर ॥
 उदघाटन-उचाटन माँहगी रीत मिटाआ ।
 देशैरै इन्हा गद्दारै रा उका केरा ॥
 नेतै रै रूपान राजै रै ठाठ बाठ हटाआ ।
 स्वार्थी नेतै बै टटकदै २ टांगिआ डाहा ॥
 नाकटी फिल्मा बै बन्द केरा ।
 मा बेटी री ता डाहा लौज ।
 शुणाज्जी ! माता बुहार खुसरै रा केरा ।
 माता ढालदै टी.वी. न मर्यादा री धौज ॥
 विदेशै रै कर्जें देणै री तैंइयें एक मुहिम चलाआ ।
 से भी न मरज्जी री रकम मौंगिया इज्जत डाहा ॥

बौहू रकम देणै आलै री तेंड्ये ।
राष्ट्रीय पुरस्कारै री एक स्कीम चलाअ ॥

किबै नी डोला भलाकार ।
छारा करडू री जयकार ॥



२३. पिशणा पिशदा

राज की मेलू धुसड़ी पाई ।
खुर्सी पिछै बौण्डै डै भाई ॥
खुर्सी खिचिया घुमू दमाग ।
देऊ बैणिया उघडै भाग ॥
छुड़की नी लोड़ी खुर्सी ऐबै ।

झी-झापड़ी पाणी छुड़की जैवै ॥

ओघ, जैइण्ड, डफ जफड़ लीडर बैणै ।
'पौढे लिखैदै सर सर केरदै डाहणै' ॥
निष्ठा उत्थड़ा केरू, उत्थड़ा निष्ठा ।
जेठा बशाऊ धौणी रा पिशणा पिशदा ॥
नपौढ राजा न, कनून सा खस्ता ।
नाज सा माहंगा खून सा सस्ता ॥



२४. कौरवें थी आसैं कौरवें पुजैं

कौरवें थी आसैं कौरवें पुजैं ।

देश चढ़दा लागा ऊसैं, ऊसैं ॥

सन् छियाटान ओरु इन्द्रा बैणी भारतें री ढोंहा ।

तोखैं न ओरु शुणा तुसैं ऐबैं इन्द्रें री बरशोहा ॥

देश थी गरीब मँहगाई थी बोहू, दुःखा रा नी थी थोहा ।

गरीब, गुर्व हरिजन साँठिनै न थी ऐदैं, मुजारे थी सो आ ॥

बिहणी छापरे नांगै-धड़ागै कई रोजै रैं,

भुखैं डाण्डै रोज थी हाल इन्हरै होआ ।

“बाबुआ रोटी दै । याजुआ रोटी दै ॥”

मौगदै रौंदैया शोहरु थी राती वैं इन्हरै सोआ ॥

“कमौदै-बतौदै, झिझै बागरीन जिमी बाँहदै होआ थी आसैं ॥

जेठा शाढ़ान रुहणी केरदै नाज्जा मौण्डदै होआ थी आसैं ॥

सोन्ह नी हेरनी दोत नी हेरनी कौम पौड़ा थी दोहर ॥

हेरलै कैण्डी किशमिती हुई म्हारी घाड़ी भौरदै होर ॥

भीठी रा जा थी लोषड़ा म्हारै-जैण्डै गंधै रैं त्वारैं ।

बगारी देदै देंदैया हौखू थी आसैं आपणै भीरा ॥

समैं ऐण्डा पल्टा खाऊ लागी मीरा वैं गरीब री हाय ॥

उत्थड़ै निष्टै हुए निष्टै उत्थड़ै केरा इन्द्रें री जय जय ॥

मुजारे मालक बैणै खाणै वैं मेलैं सभी वैं नाजै रैं दाणैं ।

जुणा इन्द्रा रा सान नी बुझलै ते सी तबैं दुई होछी रैं काणैं ॥

हरिजना वैं नौतोड़ा जिमी नैहीं दै वैं जिमी मेली ।

चोर बजारी खत्म केरी, सस्ती चोजा मेली ॥

शाहूकारै रैं कर्जें खत्म केरै जिमी रैं कर्जें माफ ।

सोढ़ी टोपी रा उका केरु निभू देशान उल्कापात ॥

टैक्स री चोरी रोकिया छोड़ी ।
 काली माइया खोलिया छोड़ी ॥
 स्वांग, ठग, पोक तस्करी निभी ।
 तस्करै री जाजात नौठी बिकी ॥
 बैंका रा राष्ट्रीयकरण केरू ।
 तूँई रा धन जनता बैं फेरू ॥
 बंगलादेश आजाद केरिया ।
 पाकिस्ताना रा मुंह सधेरू ॥
 जैबै गरीबी हटाणै रा हेसरू लाऊ ।
 सेठे शाहूकारै तूँई न विघ्न पाऊ ॥
 भाव-भक्त माँहगै केरै ताज ओबरी न डाहू ।
 मिलि इन्द्रा हटाणै रा रोज रफड़ा पाऊ ॥
 इन्द्र देशै रै बैरी तैवै आन्धर केरै ।
 भलेखैन एमरजैन्सी रा डण्डा चलाऊ ॥
 सन् पञ्चतरान आर्यभट्ट मर्गा बैं भेजू ।
 ए थी म्हारै देशै रा तरक्की रा नेजू ।

एसाए वौषान ऐटमी धमाका कराऊ ।
 सारी दुनियाँ आपणै देशा रा नाँ दर्शाऊ ॥
 चीना पाकै री आईथी होश ठकाणै ।
 ऐटमी शक्ति न हुए थी आसै वी सियाणै ॥
 वैणी थी पंच वर्षी योजना गरीबै री तैइयै ।
 पर बोहू जैह फायदा चैकू साहूकारै सैइयै ॥
 नैहिदा नैई तरक्की ता हुई थी देशा न बोहू ।
 जमाखोरी ता चोरबजारी वी हुई थी देशा न बोहू ॥

रोकणै री तैइयै तूँई बै इन्द्रै केरु थी बड़ाए यहाऊ ।
 सोची समझिया जमूती संघै बीह सूत्री कार्यक्रम थी चलाऊ ॥
 हौल्काअ शाह लैऊ थी सारै लोकै सेभै निकतै थी उझै उझै ।
 फूल लोड़ी फौल लोड़ी आसै भारत मां रै सुहजै ।
 जादीन पेहिल डै गाजी कौखै थी आसै कौखै पुजै ॥
 हेरा डै लोको भारत देश चढ़दा लागा थी उझै उझै ॥
 देश लाऊँदा थी डुघै नालान पाणा इम्हा उल्कापातिए ।
 हड़ताला खून खराबा केरना लाऊँदा थी वैरी नातिए ॥
 देशान गड़बड़, लोहू रा हौढ़ पाणा लाँऊदा थी वैरी साथिए ।
 भ्रष्टाचार केरा थी आपु बौदी सरकारा बै,
 बेहा थी चोर घातिए ॥
 सारै लोका भघाइया चलाणा लाँऊदा थी,
 आपणै राजा रा दाऊ ।
 इन्द्रै एमरजैन्सी लाइया शाहाउणै रै हौड़ा न देश बचाऊ ॥
 कौखै थी आसै । कौखै पुजै ।
 देश चढ़दा लागा थी उझै उझै ॥
 थी ता सेभै गला ठीक ।
 कौढणी नी थी झीक ॥
 मिक्मसिन्धिए डिकटेटर शिपा रा-नी थी केरना चाला ।
 हांजी खुर्सी पाँधै बेशणै रा हक सा सेभी बै भाला ॥
 शुणा ! लोक राजान खुर्सी पाँधै आपणैए,
 खानदाना रा हक नी थी जमाणा ।
 ऐ, सा जनता रा 'बांधा जेऊर' औलादी,
 पिछै हौआ सा नेता वी काणा ॥

२५. लोकतन्त्र

हिन्दुस्ताना रा लोकतन्त्र ।
भेड़ा ढाकी पौची पाई ।
मुण्डी काटी पेटा आंधर ।
नपौढ़ जनता छेलू साही ॥

नपौढ़ नी ज्ञाणदै लोकतन्त्र ।
वोट पाइया ज्ञान बचाई ।
लिखै पौढ़ै केरै आंधर ।
लिण्डै-ठुण्डै खुर्सी पाई ॥

खरै-माड़ै री पछियाणा सा लोकतन्त्र ।
सभी री तैईऐ एक कतून भाई ।
विरोधी पार्टी, धड़ा नी केरना आंधर ।
वोटै री तैईऐ नी बोंड़णै भाई ॥



२६. कमौणै आलै सी थोड़ै

हाँड़ै बाहिड़ा शुण ता शुण । कमौणै आलै सी थोड़ै ता,
खाणै आलै बोहू ।
किबै भारत देशा पांधै औठ बिहा,
द्रई हंजार करोड़ा रा कर्जा पौऊ ।
ऐंदी की उठी ऐंढा की गोऊ ॥
हाँड़ै बाहिड़ा शुण ता शुण ! कमौणै आलै सी,
थोड़ै ता खाणै आलै बोहू ॥

पेहिठी बेठी ब्याह न बे सा भी,
छौदै आल रा सहाब नी रोहू ।
बोटी थी थोड़े, राशन नौहड़ू ,
उठी बेशिया मण्डारी बी रोज़ ।
द्वाला निकता ! पर ढोबण ढोऊ !!
हाँड़े बाहिड़ा शुण ता शुण कमौणै ,
आल सी थोड़े ता खाणै आल बोहू ॥

जैवै बोला भारत जाद हुआ ता नेतै रा ,
थौह टकाणा नी रोहू ।
खुसीं खिचणै री तैईयें इन्हा सेभिए ,
जनता रा पीऊड़ै लौहू ।
बोटर सी थोड़े । लीडर बोहू ।
हाँड़े बाहिड़ा शुण ता शुण कमौणै ,
आल सी थोड़े ता खाणै आल बोहू ॥

गरीबी दूर केरदै लागै सेभ भुखे बंगाली ,
नौचण नौचू बोहू ।
इन्है गरीबी दूर केरदै केरदैया ,
डाण्ड आपणा भौरिया डहू ।
“हां ! कुणिए खाऊ ? हाँ. कुणिए नेऊ ?” ।
हाँड़े बाहिड़ा शुण ता शुण ! कमौणै आल सी ,
थोड़े ता खाणै आल बोहू ॥

बेनामी जाजात पझाई समुन्द्रा पार ,
देवुआ बैकान डाहू ।
हेरा-फेरीं रिश्वता री दिया सा कुण रसीद ?
किबै भरमाऊ ?

“जैबै सहाब-कताब सा ठीक !

दसा तूसें कुणिए खाऊ ?”

हाँड़ बाहिड़ा शुण ता शुण ! कमौणै आलै सी ,
थोड़ै ना खाणै आलै बोहू ॥

ईमानदारी सा पुराणी बीमारी ,

किबै तू ऊँई रै फेरा न पौऊ !

ईमानदारी रै कागद (फरदा) गलत ,

छाऊका नी आथी जे नी कौम कमौऊ ।

ढिलै ढौंसिए—देऊ नी आऊ ।

हाँड़ै बारिड़ा शुण ता शुण ! कमौणै आलै सी ,

थोड़ै ता खाणै खालै बोहू ॥

पापी, पराधी, डिण्ढी-स्वाँगीन सदा घौर नियाऊ ,

पर खाणा नी आऊ ।

पक्का पिढाए केरू, पीढ़ी बर शोढी ,

न ओरू मन नी पतियाऊ ।

हाजम केरनै रा ज़िगरा-खाणैरा लौड़ी यहाऊ ।

हाँड़ै बाहिड़ा शुण ता शुण ! कमौणै आलै सी ,

थोड़ै ता खाणै आलै बोहू ॥



२७. पहाड़ी भाषा रा जन्मदाता

(स्व० श्रीलालचन्द प्रार्थी हौरै रै निमित्त-श्रद्धाञ्जलि)

पहाड़ी भाषा रै जन्मदाता ।

सभी संघै थी तसरा नाता ॥

सभ्यता संस्कृति ता देऊ-देवी री गाथा ।
पहाड़ी गीत संगीत चित्रकला रा थाता ॥

औज़ बुझणा लाऊ कविए लेखकै ।
जनतै प्रदेशा बै तुसरा घाटा ॥
पंजाबा संघै थी सन् छियाटान पेहिल आसै ।
पुछणै ता दूर-जैबै तैबै मेला थी आसाबै झांसै ॥

सभ्यता संस्कृति थी कुलू कांगड़ै री धौनी ।
शुणी नी आसरी पंजाबिए आपणिए फौनी ॥
कांगड़ा कुलू सन् छियाटान ,
ओरु हिमाचला न आऊ ।
लालचन्द 'प्रार्थी' होरै प्रदेशा जगाणै रा ,
हेसरुलाऊ ॥

आपणी भाषा, आपणा खाणा-लाणा ।
सनाई नोपती संघै नोचणा गाणा ॥
'प्रार्थी' होरै की केरी नी जाणू ।
देऊ बणाऊ हिऊँआ रा माँहणू ॥

जाचा जणीचा शोभली बणाई ।
देऊआ डेवी री थी शान बढ़ाई ॥
जैगा जैगा ढोल ढमाकै बाज्रदै लागै ।
सेभ देशी ताणै बाणै न नौचदै लागै ॥

हौसदै गाँदै लाल ओठड़ू ता लाल थोथरु लागै ।
पहाड़िए हेरा आपणै मिठड़ै बोल बोलदै लागै ॥
चौल टोपै ता कलगी हार ।
हौथा न लैया तीर तलवार ॥

लाल थिपू लैंगरी चूड़ी मृदङ्गी झुमकू चन्द्रहार ।
हेरी हेरिया लोकै रै दिलङ्गू ,
धड़कदै लागै बार-बार ॥

बणाऊ म्हाराए हिमाचल सभी प्रदेशा रा मानी ।
हेरा डै लोको आणो हिमाचलान नौऊवीं जदानी ॥

प्रदेशै रै कवि लेखका न एक नौऊवीं लहर चलाई ।
ठिमचू पांघै बेठिंदी छोकरी नौऊवी लाड़ी बणाई ॥
चमकू हिमाचल देशान नोरवा नियारा ।
जैण्डै निहारी रातीन भ्याणसरू तारा ॥

तुसरै गुणा रा केरा नी सकदै आसै बखान ।
म्हारै प्रदेशै री थोजी तुसै सुन्है री खान ॥
जाआ थी जोखै पाआ थी लोकान ज्ञान ।
मुदै वी औण्डा थी शुणिया तुसर बखान ॥

थी कलमै रै पक्कै-शास्त्रा रा ज्ञान ।
की नोचणा गाणा, संगीतै री तान ॥
कला रा लोभी ठारा करङ्गू रा गूर ।
कांगड़ा कुलू हिमाचलै री ज्ञान ॥

औज तुसा नी रोहिया हुई बोहु वौर्षा पूरी ।
कवि लेखकै कलाकेन्द्रान बुझी तुसरी दूरी ॥
प्रिंजी झूठ नी बोलणा तुसै थी महान् ।
औज प्रार्थी सा हाऊँ आत्मा तुसरी हागै ॥

हां ! औढू लोड़ी थी तुसरै रस्तै पांघै आगै न आगै ।
देया वरदान ! केरा कल्याण प्रदेशै री ,
रौहली शान ॥

अर्ज सा म्हारो परमेशरा हागै होथडू जोड़ी ।
तुसरी आत्मा जुग जुग शान्ति संघै रोही लोड़ी ।



२८. कैन्ढा छेका लाऊ ओ

(गीत—श्रद्धाञ्जलि-२)

तर्ज—देवी रेणुका

कैन्ढा छेका लाऊ ओ ! म्हारै नेता प्रार्थिया !!...
प्रदेश रोदा लागा ओ ! म्हारै नेता प्रार्थिया !!...
कैन्ढा छेका लाऊ ओ ! कुलू घोरै कृतार्थिया !!...

कैन्ढा छेका लाऊ ओ ! म्हारै मन्त्री प्रार्थिया !!...
कुणी कुणिए नी जाणू ओ ! म्हारै नेता प्रार्थिया !!...
कैन्ढा छेका लाऊ ओ ! म्हारै प्रदेशै रै सार्थिया !!...
पहाड़ी भाषा रा दाता ओ ! म्हारै मन्त्री प्रार्थिया !!...
ठारा करड़ू रा प्यारा ओ !

म्हारै गूरा परमार्थिया !! ...

कैन्ढा छेका लाऊ ओ ! म्हारै शेरा प्रार्थिया !! ...



२९. नी आथी ढौकण डाली

नी आथी ऐवै कोई ढौकण डाली ।
टुकड़ा वी नैहदी लागी भुखी बराली ॥

मारुथी, सुहजुकी, सराजमजेदारै री तैइयें ।
 ज़िमी जैगा बेची बेचिया डाही पै डाही ॥
 सराबड़ा मारिया आऊ आदानी लोकान पड़याई ।
 बैका रा कर्जा बधदा लागा केरू खर्चा शाही ॥
 जेऊर, घोरै री ज़ाज़ात वी सेभै मै बेचिया डाही ।
 खौलहड़ू आँधरै रौहदा गाज़ी रोंदा किवै कमाई ॥
 बैना जिपसी जोई वी लोकान मरियाई ।
 कौखै बै जानू आए बैके रै कागद भाई ॥
 नी आथी ऐबै कोई ढौकण डाली ।
 टुकड़ा वी नहेंदी लागी भुखी बराली ॥



३०. कुलू घौरा रा मशहूर नाँ

कुलू घौरा रा मशहूर ना । पोहुता घोर घोर ग्रा, ग्रां ।

सोमसो ज़ाइया जुणिए बसाऊ आपणा धाम ।
 तिन्हारा शुचा नाँ थी ठाकुर वेदराम ॥
 शाला टोपी बणाइया केरू कमाल ।
 भुठ्ठी वीवरैरा की पुछणा हाल ॥
 शाला टोपो री केरी मशहूरी ।
 बुनकरा संघै थी तिन्हारा बै झुरी ॥

तिन्है री भलै री तैइयें सोसायटी बणाई ।
 टिकड़ छड़ाइया दुधा-घिऊरा संघै रोटी खियाई ।
 कुलू घौरा रा नाँ केरू मशहूर ।

तिन्हरै रेस्तै आसा औढणा जरूर ॥

भुट्टी क्लोनी सा तिन्हरी यादगार ।
 बुणदै सी जौखै बुनकर हज्जार ॥
 सभी सोसायटी री एक युनियन बणाई ।
 सुतींदी सरकारै री छेकै रात बिहाई ॥
 औज कुलू रा बज्जार भोरुआ शाला ता टोपी संघै ।
 शाला घौरा घौरा-टोपी परदेशी री चोलही पांधै ॥



३१. विद्रोही री अर्ज

(म्हारी संस्कृति)

चाधरू थिपू चोला टोपा ।
 लटाकर शूङ्गरी रा खोपा ॥
 काल नी लाणा ।
 काल नी खाणा ॥
 स्वादा बै स्वाद ।
 बोला बै बोल ॥
 हाईयै बाहिड़िए !
 हाँडै मेरे बाहिड़ा !
 गोंठी न सी ठैबुए ।
 आण औझ औझ ॥
 गोखड़ू डुलकणू ।

कनबिच कनवालै ॥
 बालू ब्लाक मलोरी ।

फुल्ली लौंग नथ नन्ती ।

लाइया समझाइया झलकाइया ।
काली कलेठ बी लागा सा वसन्ती ॥

नार की कटार, लोमै शराल, लाइया फ्ला गाची ।
मौझ सेरी न धाना ढालदी हौया न कणसी दाची ॥

चूड़ी बांगा मृदड़ी ।
टोक काङ्णू मुँदड़ी ।

तरमणिए छाटे कण्ठी ।
शुचै मोती, लौकट चन्द्रहार ।
ता लरजा मुण्डै मालादार ।
बिन्दी जोत्थी हार शृगार ।
तिल्ही, झुमकू वीणी चैक ।

खुण्डू बुमणी चैका चैक ॥

बिछुए लैंगरी चैना, पंजेबा ।
लुहानी थिपू जुटु वी घुँघरू आला ॥
काँटे बेसरू बाजूबन्द आर्शू ।
काजल सिन्धूर छित्तै दौदड़ू ।
दंदासै री बीड़ी, लाल २ ओठड़ू ।
पौडर क्रीम, पिढी सुंथण चितरा चाधरू ।
मौखरा साही बोल रूप निराला ।
मधरा डाल किहां नो मन मोहला भाला ॥

काठू कोदरा काऊणी चीणी ।
चिहुडी मटणका जाठू जलधरा ।
दाणै गाऊवड़ी शौठू छौली ।
देवल मताली जौ, वित्थू सारा ।

माह मूंग भौठ बाली रौंग ।
मौसर ता कौहलनी आथी ढौंग ॥
फागड़ा फौफरा लिंगड़ी ।
कनिफड़ू कियाऊँ रियाची ।
हां भला मटोशै बुक्कै, छोछी ।
पता नी ऐबै कुणिए त्रिंगड़ी ।
छूँछरू गुलबाँस शुका शहाग ।

इन्हरी वी ऐबै निभदी आश ॥
सिल्हरी आलु, जंगली आलु ।

आरू पटकारू शाहड़ै ।
वरजाई शंहेगल शियारै ।
खोड़ घियाँयीं डाभ चाऊँश ।
आञ्छै विल्ली आञ्छै फागड़ै ।
बौरा फौकड़ नवाड़ खाए भाजड़ ॥
क्लार ब्याली नुहारी दपौहरी ।
सीता सी, पर रौहै नी गौहरी ।
फैभड़ा खिचड़ो (सियार प्यारी) भान्ति-२ री बाड़ी ।
चिल्हड़ै आक्सलू गिचै बोवरू रोट ।
लपेही पत्तोड़ू बै वी हुई सा होट ।
मौखर दाणै सिंहड़ दाली सिंहड़ड़ी ॥
शौइरू वास्ता मौखर बेड़वी रोटी ।
बौड़ै दहीं आल बौड़ै, बौड़ी कौ नौठी ।
मधरा पौहल्दा, दहीं आला राइटा ।
खटी छाही आल आलू तौलवी रोटी ।

गुगर शहोटरै, मंगोहलू लूण, गलचोपा ।
 न रौहै ते स्वाद न रौहैते बोटी ।
 रौहली जिमी हाजी वी खालै सहैत आधाणा ।
 माता वेचदै जिमी कुलू छौड़िया सा कौखै वै जाणा ।
 शिघ - शियाल ।
 हिऊँद, नी भरयाल ।
 विसरू हेसरू वेसरू ।
 'हा लामा लोरा ।
 घौठै फसू टौरा ।"
 शाह फिरू कोहरा ॥
 न पौषा मिहनै री दयाली ।
 न रौहै ते बौण-बिल्लै ।
 न रौही ते बौण बराली ।
 शिहरू-शोहरू जाचा भागली ।
 न रौहै ते काठ कुणिए घौर ।
 न रौही ते सहौंगड़ी द्वारै री आगली ।
 मुशै-टिशै बणै (बड़े) रा ।
 बात करनी ता बाहरै आ ।
 हेरा याजू - बाबू छौड़िया ।
 बणै सम्मो डैडी आलै ।
 जुणिए पराणी रीता छौड़ी ।
 ते बणै बैना गाड़ी आलै ॥
 सनहाई नोपती छौड़ी ।
 छोड़ै भाणै वाम ।
 देऊ देवी ढफाल छौड़े ।
 ढौकै सेभिए जाम ।

जात्फू झाँफी रै बदलै नाँ ।
बदलै सौहर बदलै ग्राँ ग्राँ ॥
सेभ बौने कुल ऐजी ऐजिआ ।

तिन्है छौड़ी नी आपणी रीत ।
आसै सभ्यता छौड़ी संस्कृति छौड़ी ।
छौड़ी आपणी बोली - संगीत ॥
अर्ज सा एई 'विद्रोही' री नीत ।
केरा ठारा करड़ संघै प्रीत ।
चाऊल माह टालिणै री हेरित ।
संस्कृति बै झुरा माता बणदै ढीठ ॥



३२. देऊ वाणी

पाँध पाँध बोला गूर पटिकू ।
टिणकी टिणकी टाँगै ।
लोहू री नौदी बौगदी लागी ।
चाकरो! घौरान लागणै शहाणै ॥
उठाड़ै मनुखो !
चेकै बै बौन्हा !
की दोती —
की सोन्हा !! पाँध.....
नचक भरोदू ।
घिरदा रेटू ।
तरफैणै मठेलणै लाए ।
मौलिदी लागीड़ै कौन्हा ॥ पाँध.....

ओ तुबका ठीणकी ।
 दिहाड़ी - दपौहरै ।
 सत्ता - तपा री -
 मुकदी लागी ज़ोना ॥ पांथ
 इन्हा परास्ती री मुक्ति केरा ।
 शुङक बेशी नी रोहणा ॥ पांथ
 आबादी रोकणै री ।
 चाली नौऊँवीं-२ चीजा ।
 नौऊँ ज़माने रै शोहरू ।
 शोहरी रा की सा धीजा ॥
 टिणकी टिणकी टाँगै ।
 पांथ पांथ पटिक्क ।
 देवा रा गूर ।
 शुणाड़ै हारियो ।
 होरिदा लागा —
 होरकर होर !!
 आपणी ज़ोई ठीगा न नियाणी ।
 ठीगै री ज़ो आपणी वणाणी ।
 आपणी ज़िमी परदेशी न नियाणी ।
 बिथू चिणी काऊणी कोदरा सहागै री भाजी ।
 अपने न नैईडै हारियो तुसा सुपने न खाणी ।
 बैधू बैधू गला केरदै माता हारनी बाजी !!
 चोख जुठ फ़िजा न डाही केरी नौऊँवीं कमाई ।
 एशकी रोटि भौत ता चोकण चैटणी भाजी ।
 आगलिए खाई फ़िरो वी रौही सहाजी री सहाजी ।
 नेतैरी मौड़धूड़ चोल्ही पांथ आई ऐबै भूतै री बाजी ॥

सिंहडझ फैंभड़ा चोलै-टोपै थिपू मृदड़ी छौड़िया ।
 रगेजा रा केरना लाऊ चाला सहौड़ी सहौड़िया ॥
 किछुकी माड़ा माड़ा लाग़ा हेरिदा मनुखा ।
 नज़ाणै रै सुखा ता ज़ाणकारै रै दुःख ॥
 उठी उठिया सी वी० डी० ओ० भालणै ।
 हौछी वी केरनी सीड़ै काणी ।
 सुथणी छौड़िया कमाण्डो पैटा लाणी ।
 घौरान भुखै मारने सिहाणै सिहाणी ॥
 देऊ देवतै छौड़िया हीरो ता ।
 हीरोइनी री हौणी सा पूजा ।
 शर्म लौज़ शौहली पांधै जर्सी -
 ब्रीडा व्याह केरन! दूजा न दूजा ॥
 भैईठी केरदै हौणा सा हाली -
 मज़दूरा, मौथा टेकणा गूरा ।
 सत्ती होणा सा लीहरै झलाई ।
 बदमाशा बेटड़ी लाणी सौ हूरा ॥
 जेठू ज़ल्फू बणने लवली-बबलो ता किटू-बिटू ।
 झीशा उठिया सेभी री खाखी न गड़िलणिए बिटू ।
 उड़िका बैणिया औण्डण घौरै रै चोचा ।
 झाँबड़ी डाहिया औण्डण सा मीचा ।
 कात नी लाँदै थो शीहरा न ।
 पुज़णै री वस्तु थोड़ै मीचा ।
 बीऊटी पारलरा न माँ-बेटी ज़ाइया ।
 ऐवै मारदै ज़ाणा सा जुँआ-लिहछा ॥
 पांध पांध बोला गूर पटिकू ।
 टिणकी टिणकी टाँगै ।

लोहू री नौदी वोगदी लागी ।
 धौरा न तुसरै लागणै शहाणै ॥
 जय ठारा करड़ू री ।
 जय धौरत माटी री !!



३३. नशै सेम सी बुरै

किबै मुकदै लागै पिया सर चाकटी ।
 किबै पाणी लाई कुलूरी (प्रदेशै) नाकटी ॥

बाहरै झीं-झापड़ी आन्धरै झीं-झापड़ी ।
 जिमी बेची बेचिया पाई आपड़ी धापड़ी ॥

लुगड़ी शराब केरा सा खराब ।
 हुक्का तमाकू नशीला वर्ताव ॥

नशै सेम सी बुरै -

डाहणा की हिसाब ।

मुण्ड सा घुमा -

सुथणी न हौआ सी जलाब ॥

लड़ाई झै गडै मारकूट दाउए मकदमै ।

घौर वार बेचिया दिला बै पौड़ासी सदमै ॥



३४. शरहाबी

मेरै देशै रै पिछड़ै भाइयो सूर चाकटी छाँड़ा ।
 स्कूलान शोहरू बै पढ़ात ता घौरा आपु वी पौड़ा ॥

शराब केरा सा खराब सी उत्थड़ै ढौगान झौड़ा ।
 जौखै नशा जुआ, घौर कौखै न हुआ दुहरू सी लौड़ा ॥
 झीं-झापड़ी ढिस-पटाक निकम सिधिए हौरा बै तौड़ा ।
 हौआ सी हाल बेहाल ता छेकै निकला सा मौड़ा ॥
 पूरा नी पौड़दा ज़िमी बेचिया बुरी आजत छौड़ा ।
 दाउए मकदमें, ऋण-ध्रौण, चोल्ही पांघै सी पौड़ा ॥
 गरीबी री निशानी ज़िमी नियाणी नशा जुआ शराब ।
 कतई सुध बुध नी रौहदी सुथणी न छुटा सा पशाब ॥

थूक शिमा शड़ैन्ह(वास)गाल-दोपड़ मौंझ रैस्तै न ज़लाब ।
 धाकै-मुकै संघै सी नालीन पौड़ा, की दसणा हिसाब ॥
 पिछड़ै भाइयो झै हाज़ी वी नी तुसै ए गल फियाड़ी ।
 एसा आजती सा ऐबै आसरी चोड़नी कियाड़ी ॥
 विमारी-शुमारी ऊँई सँवै सा की दसणी नाड़ी ।
 शुणा नी घौढ़ने शोहरू-शौरतू नो घोढ़नी लाड़ी ॥
 तमाकू बीड़ी सग्रीट ज़ोई ढाब्रणै रा नशा वी सा बुरा ।
 होछी उम्बरान शोहरू रा फोण धिख बेटड़ी बैता झुरा ॥

दूई शोहरू देशै री मांग-किबै चैकलै ते आपुन डांग ।
 सुखै सन्तोखै ज़िउँदड़ी निभेरा किबै ढौका सी चाँघ ॥
 सेम सी शराबी न औगख केरा नाता नी बुझदा सौहरा ।
 मोंगी, मोंगिया शराब सा ढिमा लोका वी मारा सी ठौरा ॥
 इज्जत-आवरू तेई री नी रौहदी टब्बर वी सी डौरा ।
 वेची-भुनिया धुड़पै होइया कुत्तै री मौतिया सा मौरा ॥

३५. भारतमाता बै सेम सी प्यारे

(गीत)

शुणा मेरै देशै रै भाइयो गोरे ता कालै ।
हिन्दु सिख पासीं मुस्लिम इसाई आपुन सौहरै भाई ।
देश छौड़िया कौखै बै जालै ।

शुणा ॥

देश भारत सा बोला आसा सेभी रा सांझा ।
आसै एक धौत माटी रै पालै ।

शुणा ॥

बैर वरोध केरना किबै बपड़ी ज़िम्मे वैरी सिभै ।
परदेशिए सदा भौटिदै भालै ।

शुणा ॥

फौक़शा मारी बोला बरखोड़ी न ओरु ।
प्राधीन परदेशी किजबै रौहै ।

शुणा ॥

झिक्-मिष आसा नी केरनी एकी या रै जाए ।
धिख धोरै रौहा गोरे की कालै ।

शुणा ॥

आसा भारतवासी री बोला एकै जन्म जाई ।
मुस्लिम इसाई कौखै बै जालै ।

शुणा ॥

छोत-छात जाति-पन्थी री बोला गला पराणी ।
ओ घुआड़ा दिला मना रै तालै ।

शुणा ॥

आसा कालै बोला आपुन झौटिदै रौहै ।

गोरै लुटदै रौहै सदा पालै, पालै ।

शुणा ॥

मारकाट खून खराबा सा बोला बैरी ढावा ।

सेभ हिन्दी हिन्दु गोरू नी ग्वालै ।

शुणा ॥

मिलि जुलि बोला सेभिए किर्ष केरा देश बणाआ।

भारत माता बै सेभ सी प्यारै ।

शुणा ॥



३६. लोक राजा रा सहाजा

औज सा लोक राजा रा सहाजा ।

नोचा गाआ ता बजाआ बाजा ॥

ऐ भारत देशै रै वासियो ! समा शोभला सा खासा ।

औजकै दिहाड़ै बै मौथा टेकणा बार बार आसा ।

फेटै केरिया राजै(एकी)रा राज छत्री जनवरी सन् पंजाहन।

आसै सेभिए मिलिया जनतै रै राजा रा पलटू थी पासा ॥

सदा हीरा भीरा रौहू लोड़ी ऐ आसा रा देश ।

सभी फूलै री कौली रा वी सा ऐहै सन्देश ।

“सुर्ग बणाआ ! सुर्ग बणाआ ! आपणै देशा बै” ।

भान्त न भान्तै फूला रा वी सा ऐहै सन्देश ॥

एई दिहाड़ै री तैइयें देशै रै नौजवानै ।

पता नी केतरी सूली पाँवै प्राण थी ओ रहाए ।

हेरा डै भाइयो ! तैवै जाइया कौहींचै आसै ।

एई शुचै नौवें सम्बता रै दर्शन थी ओ पाए ॥

ऋषि मुनि रा तपा रा देग सा म्हरा ।
झूठ ती बोलदै पापान नी जाँदै ।

हेरा ! सभी न उत्थड़ा सभी न छित्ता

मुकुट सा ऐवरैस्ट ऊँईरा ।

सादा हौरा भीरा सा जूबा रा देश भरपूर फूलै री वासै ॥
डाली, डाली न पौचा पौचा न सभी फूलै रै झारा न ।
चार बिहा छौः करोड़ हारी रै भान्त न, भान्तै शोधै न ।
सभी री अर्जा न हौथ जोड़िया जानै-ध्यानै हौछी मिटिया ।
निकलदी लागीं दी सा जी तैबै ऐहै भाख “भौकदी डाहा ।
सदा एसा आजादी री रीझउटी री लुपी बै लैपा-लैप” ।
बागै रै कूजै री सेभी भौरै रा बी सा ऐहै आलाप ॥
हिमालय रै जोता न उझै ऐवरैस्ट मुकुटा साही सैजूंदा सा ।
रंग वरंगै टौलहै लाइया सजी सजिया खड़ी भारत मां भी सा ।
दाहिणी ता बाउँई धिरै शुजै समुद्र कलश सजैदै सी ।
चरणा हागै अच्छत फूल बेठर लैइया सा कन्या कुंआरी ।
भलै घौरै री एकी मनै पूजा राजणा केरदी लागींदी सा ।
शंकर कैलाशपति महादेउए री, सभी रा जुग परमेश्वर सा ॥

शुणा बाजुदै लागैदै सी सभी जगा ढोल-नगारे ।

नौचणै बै थरथरादै लगैं दै सी जोधड़ू म्हारै ।

सुगै रा मस्त ताल देदा लागीं दा सा

बसन्तारा रा मौशम म्हरा ।

छौः मोशमें री साला पाइया चमकी

उठूं दा सा ऐ भारत सारा ॥

सोइया नी रौहणा नजर ऊँई बै

म्हारै दुश्मणै री लागी नी लोड़ी ।

“सम्भालिया डाहा ! सम्भालिया डाहा ।”

ऐसा आसा रा जानी न प्यारा ।

ऐ म्हारै भारत वासियो ! सैमा शोभला लागा !

औजकै दिहाड़ै बै बार-बार मौथा टेकणा आसा ॥

जय जय भारत देश ।

जय जय ऐ भारत या ।

समी न उत्थड़ा या तेरा ऐ मुकुट सा ।

चिड़ू चगारू भलै माँहणू रा देश ॥ जय.....

जय जय शंकर ! जय जय ऐ ऋषि मुनि रै देश ।

पौए नी लोड़ी तौभै कोई वी क्लेश ।

सारा संसारै रा शिहरा रा शेष ।

देया सा सेभी वै शान्ति रा सन्देश ॥ जय....

गुजराता न लैइया अरुणाचला तंगा रा प्रदेश ।

गोआ न ओरू अरब सागरै रै होछै टापुन लैइया ।

खाड़ी बंगाल ता अन्डेमान निकोबारा रै टापु मिलाइया ।

कशमीरान लैइया कन्याकुंआरी ढौई सा भारत ॥ जय ...

उत्तरखण्डा न सी हिमालय रै जोतै री उत्थड़ी जेठी धारा ।

रंग-बरंगै प्रदेशै रै चोहू पासै हौरै भौरै जंगलै री माला ।

वेद-शास्त्रा रा घौर, शोभला वौर, रामा रा देश, कृष्ण रा प्यारा ।

बुन्है भारत या रै चरण कमल

धोंदी सा समुद्रै री छित्ती धारा ॥ जय ...

औज सा लोक राजा रा सहाजा ।

नौचा गाआ ता बजाआ बाजा ॥ जय.....

जय भारत या !



३७. कुणी रा कसूर

थोड़ा किछ केरु हाजी बोहू किछ केरना सा ।
थोड़ा किछ हेरु हाजी बोहू किछ हेरना सा ।
धूप ता जालू हाजी शहाई ता जापणी सा ।
त्रकाल हुई ता की हुआ रात ता आपणी सा ।

हां राती री दिहाड़ केरा मात पौड़दै फेरा ।
माता कमौड़ी बै वी चिल्हदै औंढदैया वी हेरा ॥
भूड़ी केरी बोहू गरीबिए चूक नी हेरा ।
राम राज एला जैवै तैभै लागणा सेहरा ॥

विपता ता ऐ-दिहै रौहा सी घरमाईणा किवै ।
मेलणा की ! भौनिया आपणै हाण्डू डिब्बै ।
सोठी सम्भालिया तुसै आगै आगै निकसा ।
कमी नी कोई माटी न म्हारै बोहू किछसा ॥

डण्डी-पखण्डी बै बाहर कौठा ता शोभलै बै भेजा ।
चाकटी पिछै वोट ग्वाणै पौंजा वौर्षा बै खेजा ।
खाई खाइया नी रौजै जुणा ते मित्र कुणा ?
देशै रै वैरी ! उका केरा मेरी वी शुणा ॥

सोढो-टोपी खाणै आलै बै सौघै न ठोका ।
ता तिन्हरै नाक कौन काटिया ठाणै न ठोका ।
तां घटि नी ओ सुधरना इन्हा देशद्रोही लोका ।
ऊँई लैणै-दैणै आलै दुहै सी या बै जोका ॥

हां तरक्की ता हुई लोको देशान म्हारै जरूर ।

हाजी वी जुठा खाँदै भिछा मौंगदै कुणी रा कसूर ?
थोड़ा किछ केरु हाजी बोहू किछ केरना सा ।
थोड़ा किछ हेरु हाजी बोहू किछ हेरना सा ॥



३८. वौण लाआ ता रोजी कमौआ

शुणा डै लोको ! प्रदेशै री सरकारै । नौऊँवीं स्कीम चलाई ।
'वौण लाआ ता रोजी कमौआ' सा ऐ सेभी लोका बै भाई ॥
हिमाचल थी वौणा रा राजा । ऊँई पाँधै प्रदेशै री कमाई ।
पर वौण काटी काटिया नवाडै । हाजी नी ओजी रात बिहाई ॥
भारी उद्योगै रा औखै नी धोर । तूँई केरिया सा ऊँई राजोर ।
उथडै ढौग डुघै नाल, झाँऊँशे भियाँऊँशे रैस्तै
किहां मारनी ठोर ॥

रेला, मौटरा सड़का ता काचै भालै री कमी ।

मुशकल एणा-जाणा ।
फौला फरुटै रै मालक आसै । नफ़ा दितली आलै कमौणा ॥
वौण सी म्हारै जिणी-जिऊग ।

एहै सी ओम्हारी सून्है री खानी ।
ऐहै धाचणै-पालणै आसा । इन्हा पिछै देणी बैहणी जानी ॥
'वन लगाओ । रोजी कमाओ' ।

री स्कीम सा आसा बै नौऊँवीं नौखी ।
जिमी वी मेलणी, बूटै वी मेलणै । मजदूरी वी ऊँई न चोखी ॥
सरकारै री जिमी सरकारा रा ढऊआ-टक्का !

किर्ष पौहरा म्हारा ।

पौहरे री दिहाड़ी वीणै री आऊदानी वी म्हारी !
हुआ पाँवारा ॥

गरीब-गुर्वा वं रोटि बेलहै बै कौम ता बेरोजगारा बै नौकरी ।
सरकारा बै धन यात्री बै सुख-शान्ति
भौरा सेभिए रक्रमै री टोकरी ॥

वीण लाई लाइया थकी हेरा म्हारी प्रदेशै री
सरकार सभी भान्तिए ।

जंगल ता पठेए पर लागैदै बुटड़ू वी
उजाड़ै आसै चोर घान्तिए ॥

वीण झौकड़ जंगल वी काटै ।
प्रदेशै री सरकार नांगी केरिया डाही ।

चटकदी सारी धौत माटी,
उजाड़ केरिया जैण्डी टोटली खोपड़ी डाही ॥

वीणा रा कटान बुटै रा गनशान जंगली
जिऊआ रा सफान केरिया डाहू ।

हुआना गराना रगड़ाना संघै हस्थाली
बंजर बणाई गाश गुवाऊ ॥

तबाही मचाई नाल-खोतल पाए ।
ता गाषा पाणी न जिमी लौहसदी लागी ।

सली परै रै ढेर पाए, द्रौपदी रा चीर हरण केरू ।
काली हौसदी लागी ॥

ठारा करड़ू आसै भगाइया डाहै
ऋषि-मुनि रै वासा रा केरू खलासा ।

चोरी री लकड़ी बाहरै बेचिया खाई ।
“ओ शाबाशा भाइयो शाबाशा” !!

भुखै भाजड़ा साही लूटमार मचाई ।

केरी कमाई कोठियाँ पाई ।

वन विभाग जंगली बणै ।

संघै संघै मन्त्री रलै । जनता रोंदी कमाई ॥

‘दोतका रहाशूँदा सोन्हा घौरा बै आऊ’ ।

ऐबै पौऊँदा सा केरना यहाऊ ।

‘वन लगाओ । रोजी कमाओ’ री स्कीमा संघै ।

लोड़ी ऐबै आसै मन पतियाऊ ॥

८ ८

३६. गुरु नानक भगवाना रा प्यारा

जैबै बोला लो नानक जौमू उठू देशान निहारा ।

ऐण्डै चमकू देशान ज़ण्डै झीशका भ्याणसरू तारा ॥

भगवाना रा थी सौ भगत न्यारा ।

तैभै थी सौ भगवाना बै प्यारा ।

बाबा कालू बै तैबै फिकर फेसू ।

किहां केरला ऐ आपणा गुजारा ।

सदाए भालणा ज़पदा माला ।

पौढ़ना गूढ़ना वो छौड़ू सारा ॥ जैबै

तरकीब केरिया कलुऐ तेइबै ।

बपार केरनै बै ढैबुए धिनै ।

एक एक केरिया हौथा न ढैबुए गिणै ।

भुखै-भाणै तेईबै रैस्तै न मेलै ।

तेइयै ते तिन्हा बै बौडिया धिनै ।

ऐंदी घेरै भी तेइयै मणकं गिणै ॥ जैबै

“ਹੋਛਾ ਨੀ ਕੋਈ ਬੈਡਾ ਨੀ ਕੋਈ ।
 ਸੇਭੈ ਸੀ ਬਗਬਰ”, ਏ ਪਾਠ ਪਢਾਯੁ ।
 “ਸੇਭੈ ਮਾਠੂ ਏਕੀ ਲੋਹੂ ਮਾਸਾ ਰੈ ।
 ਛੋਟਾ-ਜਾਤਿ-ਪਾਤਿ ਨ ਨੀ ਕਿਛੁ ਡਾਹੁ ।
 ਇਮਾਨਦਾਰੀ ਸਾ ਦੁਧੈ ਰੀ ਧਾਰਾ ।
 ਬੇਇਮਾਨੀ ਨ ਨਿਕਲਾ ਸਾਡੈ ਲੋਹੂ” ॥ ਜੈਬੈ

ਭਾਇ ਲਾਲੋ ਰੀ ਸੁਕੋ ਮਠੇਲਿਆ ।
 ਸੁਧੈ ਦੁਧੈ ਰੀ ਧਾਰਾ ਕੌਢਿਆ ਦੈਸੀ ।
 ਮਲਿਕ ਭਾਗੋ ਰੈ ਪਕਵਾਨਾ ਨ ਕੌਢੂ ਲੋਹੂ ।
 ਗਰੀਬਾ ਮੀਰਾਨ ਫਰਕ ਏਤਰਾਏ ਸਾਜੀ ।
 ਤਰਸਾਇਆ ਮਾਤਾ ਕਮੌਂਦੈ ਬੋਹੂ ।
 ਦੋਹੀ ਸਾ ਤੁਸਾ ਬੈ ਪਰਮੇਸ਼ਰੈ ਰੀ ॥ ਜੈਬੈ

“ਸੇਭੀ ਰਾ ਪਰਮੇਸ਼ਰ ਏਕ ਸਾ ਨੀ ਬੋਹੂ ।
 ਹਿੰਦੂ ਮੁਸਰਮਾਣ ਤਾ ਹੋਰ ਵੀ ਏਕ ਸੀ ’ ।
 ਤੇਇ ਰੈ ਬਿਹਣੀ ਰੂਪੇ ਥੀ ਨਾਨਕ ਮੋਹੂ ।
 “ਰਾਮਾ ਰਾ ਨਾਓ ਜਪਾ ਜਿੰਦਭੀ ਜਾਣੀ ਬੇਖਸੀ ।
 ਰੈਲੀ ਬਣਿਆ ਰੌਹਾ ਦਸਣਾ ਨੀ ਧਣਾਸਾ ।
 ਏ ਜਿੰਦਭੀ ਸਾ ਫੂਰੈ ਰੋਜਾ ਰਾ ਤਮਾਸਾ” ॥
 ਜੈਬੈ ਬੋਲਾ ਲੋ ਨਾਨਕ ਜ਼ੋਮੂ ਉਠੂ ਦੇਸ਼ਾਨ ਨਿਹਾਰਾ ।
 ਏਠੈ ਚਮਕੂ ਦੇਸ਼ਾਨ ਜੈਠੈ ਸ਼ੀਸ਼ਕਾ ਭਿਆਨਸਰੂ ਤਾਰਾ ॥



੪੦. ਮੁੱਏਂਦੈ ਰਾ ਰਾਸ਼ਟ੍ਰ

(ਧਨਾਕਸ਼ਰੀ ਚੰਦ)

ਹਿੰਦੁਸਤਾਨ ਮੁੱਏਂਦੈ ਰਾ ਏਕ ਰਾਸ਼ਟ੍ਰ ਜ਼ਾਇੰਦ ਲੋਕਾ ,

जिन्दै बी नी देंदै शुकी-रुखी रोटि फशका ।
 नेता राजान राजै नेता बेटे न बाद बेटा ,
 ऐहै केरना थी-लोक राजा रा को थी छेका ।
 जिन्दैन नी शृंगार मौरि समारोह हजार ,
 केरा सी खून खराबा मौरिया राम राजा ।
 गरीब जनता भुखी पाणा कर्जा बे सहाभा ,
 छिह छिह मौड़धूड़ी बै हवाई जहाजा ॥

जिन्दै मौरदै निहालगै ता मुँएँदै री पूजा ,
 जिन्दै न नी फूला रा डोलहरू मौरिया हारा ।
 'राजा राज केरै, परजा सुखी रौहै' ऐ नारा ,
 रौह सदा, जुणिए ऐकै नपाऊ पुआड़ा ।
 हौरी-भौरी फसला ठाठ-बाठ हेरी आखरै ,
 बाहरकै गोरू ऐजी ऐजिया पौए जवाड़ा ।
 'आपणी आपणी पौई दूई बैहणियाँ नौई ,
 ऐ बी ता धूपा हेरिया पिठ केरिया बेठा ॥

रोज लौड़दै रौहणा गुह मूच बी नी धोणा ,
 जिन्दै न नी याजु बाबू री सेऊआ केरनी ।
 'खाँदै खा-मौरदै मौरा , आई बौत नी पुछणी ,
 झिकड़ै टौलहै नी धोणै ता खिदा नी सीहणी ।
 शुणाड़ै ! मौरिया खिची खिचिया लेरा मारनी ,
 नाती भद्रा केरिया दस तेहरा केरनी ,
 दान-पुन केरिया माहिकी वार्षा ता चवर्खा ,
 श्राद्ध केरनै पिण्ड देई वणना उक्कणी ॥

भारतै रै लौकै री शान्ति ऐणै नी देंदी क्रान्ति ,
 म्हारै नेतै चौहड़ै पाँधिए लाआ सी बौता ।

सौरिया वी ते म्हारै तालु पाँधै धूड शेटिया ,
 हंगा सबै बुद्धि बै म्हारी पाथा सी कवौता ।
 जुगा जुगा न ओरु आपुन रीही झिक-मिष ,
 सौरिया वैरी रै मुँहा न (वी) पंचरत्न पाए ।
 भग्यालै री झिकै विदेशी शदाए, उल्टै पाए ,
 पिछली घेरै आपणं वी हुए उल्टै पाए ।



४१. मतबली यार

शोभली नार । लूटी बार बार ॥
 गुण नो गाँदै । लुटदैहै जाँदै ॥
 भौव खाणा हाण्डरा । दोही बटलूँ हीं री ॥
 ऐजी ऐजिया । इन्है बणाणै लाएँ दै ॥
 घोर बार, जिसी बेचिया असै पछतान्दै ।
 म्हारी या री बिथा खार भार ॥
 रीहणा कुलून गुण पिछलै गाँदै मतबली यार ।
 केरदै नो ठारा करडू री जै जै कार ॥



४२. बाली ता रामा रा संवाद

(घनाक्षरी)

सौत ताड़ै रै बूटै बै बिन्हिया बाली बै लामा ,
 जैवै रामा रा तीर बज्जू छातीन तेइरी ।
 “सुमोत्र भाइया तेरै हौथा न तानी थी बाण ,
 बोहू मलहै घुलुए ए नी हुई गत मेरी ।

किछकी कपट कमौऊ सा तैं औज मूं संघै ,
झैं औज ऐण्ढी मेरी तैं बुरी दुर्गति केरी ।
भाई भाई रै झै गड़ैन लाग़ा साड़ै मूं हेरी '
कौसकी त्रधै आदमी री बखै हेराफेरी" ॥

तांबै आए सामने तौखै राम ता हड़मान ,
रामै बोलू, "बालिया करनी रा फौल मेलू ।
तैं आपणै बड़ै भाई रा राज़-काज़ छड़ाऊ ,
तैई री राणी भगाई दुष्टा ता पाप केरू ।
लछमणा बै हेर होछा भाई सा मेरा केण्डा ,
एई जुगा न नी मेलणा होर भाई ऐण्डा ।
की कमौऊ ! की बतौऊ नेलणी चैहिए सज़ा ,
पाप केरिया नीड़ै मेलदा किछ वी मज़ा" ॥

"शुणड़ै रामा मैं को खोज़ थी तेरा दस ज़रा ?
की छोट थीड़ै आसरै मामलै न ऐणै री ?
पाप कमौऊ तैं ज़ैवै गोझुड्या तीरै, मारी ,
ज़ैवै तू छत्तरी राज़ा थी तू सामने एन्दा ।
आपणै तीरा संघै मारदा होंदी खरी खरी ,
तैवै ता बुझदा हाऊँ, सा बहादुरी तेरी ।
शुण बिना हक़ै तैं मेरी राणी दुःखी सा केरी ,
चिड़ू , गोरू जंगली ज़ीऊ नी पौई नातैं री" ॥

लछमणा बै हेर भाई भाभी पिछै तेइए ,
व्याहता ज़ोई घौरा भीतरै डाही सौ रोई ।
पेहिला फ़र्ज दुहरू रा औधै अंगा संघै सा ,
ज़ैवै तेइवै झूरी नी थी शादी किबै केरी ?

नाती-पोती कनूने री मर्जादा माँहणू बै सा ,
 आसै पूँछा आलै नी होंदै सहोरै सहोरी ।
 जौड़ा आलै न माँहणू की ? भगवान् वी डीरा सी ,
 मतबला री तैइयै हेरा-फेरा सी ॥

निर्गुण राम नी आथी दशरथा रा वेटा सा ,
 राम अबरस रा उल्टा साड़ै 'मरा' मुआंदा ।
 मौरिया सभी बै राम मेला सा सभी दुःखान ,
 ऐण्ढा औजा ढौई जुगा न ओरु सा हुआंदा ।
 होंदै सीताराम भगवानै रै अवतार ता ,
 सुन्है रै हिरणा पिछै किजी बैड़ै भैगदा ।
 राज घराने रै टब्बर सराहणै पौआथी ,
 रायसी न ढौल नी केरी कौड़ाथी चमड़ा ॥

ब्रह्मा, विष्णु शिव देऊ देवतै सराहिया सी ,
 आपु आपु बोला सी मुँभै मना हाऊँ बड़ा ।
 जुणिए पुराणी नीति छौड़ो तिन्है मान पाऊ ,
 हौथा जोड़ने आजा सा हाजी तोखैहै खड़ा ।
 होर ता होर लोक तन्त्रान वी भारतान सा ,
 सौहै पुराणी चाल नैतै ईश बणैदैं सी ।
 गरीबै रै बाल-बच्चै भुखै मौरदै रौहा सी ,
 नेतै री मौती न अरबा रा खर्चा केरा सी ॥

भगवान् सौहै सा जुणी हागै लक्ष्मी ता सत्ता सा ,
 सारी नौकरशाही कनून तिन्हारा हामी ।
 एकी दूई संघै नशाफ हुआ तैबै डिण्ढौरा ,
 डिण्ढोरै पांघै शरबा रा खर्चा परेशानी ।

नेतै री मौड़ धूड़ जनतै रै शिहरा पाँधै ,
 मुँआ ता भारतरत्न नेता खून खराबी ।
 गरीबै रै शौरत जूठा खाँदै नेतै ढाबदै ,
 बाँदर बुबू लाज्रा बै बाहरै ठौर लाणी ।

कौसी युगा न एकी राजै या सेठै शाहूकारै ,
 आम लोकै री थोड़ी भलाई री गल सौची ।
 सौ सभिए भगवान् मैतू तेई री पूजा केरी ,
 मंदर मठ बणाए केरी ओज्जी ओ ओज्जी ।
 धूप बौती भंकाइया मौथा रगड़दै रौहै ,
 बार बार भेंटा चढ़ाई पेटा बै नीं रोटी ।
 मौरिया वी ढाबदै रौहै, बड़ी बड़ी जाचा सी ,
 गरीब घौरा न वी कदी ते जन्म लैया सी" ?

रामै बोलू, "सत्त वचन झूठ नी आथी ज़रा ,
 सत्ता पाँधे जाणै आला मूँ साही भटका सा ।
 हाऊँ नी आथी राम भगवान् हाऊँ बैटा जेठा ,
 संघासना रा हक मेरा-दुष्टै पाऊ फेटा ।
 जोरा आलै रा जमाना साड़ै की राजा की प्रजा ,
 आसँ धर्म भीरू दुःखी जनकै रै नी बैटा ।
 बोहू सुखी बोहू दुःखी अमरै सा भंडास ,
 धर्मो, गरीब जुगा जुगान ओरू ऐ रौंदा" ।

बालिए बोलू, "हां दीन दुःखी रा की उपकार ,
 की त्याग की सेवा इतिहास की ता राश की ?
 होछै नी बैडड़ै होणा ता बैडड़ै कौम होणै किहा ,
 होछै बै खाणै आलै राजै-शेर, नशाफ की ।

नशाफ केरनै आलै एहै कर्त्ता-धर्तावी ए,
रझ रझ एकता केरी वीणै रै जिऊए ।
स्कीमा वी सोची कई बड्डै संघै नी पेश चौली,
नेता राजै बणै इन्है जादाए लोहू पिऐ" ॥



४३. मिलावटा रा सैमा

गरीब भुखै मौरदै लागै ।
अणगिणत दुःख झेलदै लागै ।
इन्हा भाओ-भत्तै लो संघै ।
गरीब भुखै मौरदै लागै ॥१॥

नाज-कनाज बेचना लाऊ ।
धिऊवान ग्रीस प्यारना लाऊ ।
कैहर ढाऊ गुर्वा संघै ।
गरीब भुखै मौरदै लागै ॥२॥

किछ होश केराडै भाइयो ।
थोड़ा जोश केरा भाइयो ।
किछ ता दया केरा भाइयो ।
इन्हा बाल बच्चे लो संघै ॥३॥

मिलावटा रा सैमा लागा ।
रिश्वता रा जमाना लागा ।
गरीब-गुर्व ता मिटदा लागा ।
दुष्टै रै बुहारा संघै ॥४॥



४४. चौला पोढ़दै जाणा

होछी भीणै सुभधुआ ।
 चौल पोढ़दै जाणा लो ॥१॥
 सिभै देश निक्सै आगै ।
 आसा म्लेछ नी रोहणा ओ ॥२॥
 लिखी पौढ़िया भलै बणना ।
 नपौद नी रोहणा ओ ॥३॥
 देश आपणा शोभला शोभला ।
 परदेशा किज्जी बै ज्ञाणा लो ॥४॥
 होल कदाल बोलदा लाइया ।
 कशी नाज पुजाणा ओ ॥५॥
 बेईमानी नी केरनी बोला ।
 पापा मोझै नी ज्ञाणा ओ ॥६॥
 आपणी खुशी रा कौतणा बुणना ।
 आपणी खुशी रा लाणा ओ ॥७॥
 दिहाड़ रात बोला एक केरिया ।
 देशा सौरदै ज्ञाणा ओ ॥८॥
 होछी भीणै सुभधुआ ।
 चौल पोढ़दै जाणा लो ॥९॥



४५. देश स्वर्ग बणाणा ओ

आसा देश आपणा स्वर्ग बणाणा ओ ।
 किर्श केरिया सज्जणा-सवारना ओ ॥१॥

ओ पीढ़ी बरशोड़ी न ओरू ।
इन्है परदेणिए लुटै आसै ।
ऐबै देश आजाद आपणा ओ ।
आसा देश आपणा स्वर्ग बणाणा ओ ॥२॥

ओ औजा ढौई सभै आसै ।
घौणी घौणी निजा न सुतै ।
ऐबै सोइया नी आसा रोहणा ओ ।
आसा ॥३॥

बोहू लुटै इन्है फिरंगिर ।
थोड़ै ता थोड़ै इन्हा सेठै ।
ऐबै सैमा ऐण्डा नी रोहणा ओ ।
आसा ॥४॥

ओ बोहू थी ओज कलान्त ।
गरीब-गुर्व देशा न म्हारै ।
ऐबै ऐण्डा नी कोई रोहणा ओ ।
आसा ॥५॥

ओ देश सा आसा सेभी रा ।
कौसी होरी रा नी आथी ।
आसा मिलि पौरसू प्रसेदा बहाणा ओ ।
आसा ॥६॥



४६. देशा सौरदै जाणा

हाड़ै मेरै देशै रै भाइयो ।
देशा सौरदै जाणा ओ ॥१॥

थोहड़ै पैदा केरा शोहरू ।
बोहू नाजै रै दाणै ओ ॥२॥

ऊझै चमकू सर्गि रा तारा ।
ता बुन्है हिमाचल सारा ओ ॥.....
नाज नी केरना मांहगा-२ ।
आसा शोरनू नी रुआणै ओ ॥३॥

चोर बजारिए जमा खोरिए ।
देश ता केरू कंगाल ओ ॥
दीन दुःखी री दैय्या केरा ।
माता लोहू बै पीदै ओ ॥४॥

गरीब लोका ता पिशिदै लागै ।
प्यारै ता प्यारै नाजै ओ ॥
आपुन तुसै एका केरा लो ।
इन्हा दुष्टा बै सधेरा ओ ॥५॥

दुप बेशी नी रोहणा एबै ।
देशा जगई ता उठा ओ ॥
नौऊवै जुगै री नौउवी गैला ।
नपीड़ा रा जमाना नौठा ओ ॥६॥

जफ़ड़ मांहणू बै धौंस दसा सी सभिए ।
ऐजा सभी मिलिया पौढ़दै जाणा ओ ॥
हिक्कट लागा रोज रोज तुसरा मुंभै ।
माता सौंदै घौणी घौणी निजै ओ ॥७॥

तमाकू लुगड़ी शराब सैगमा हागै ।
बोहू जोई बोहरू व्याधि ओ ॥

જિમો વેચી તી ષરાવડા મારના ।
 જેતી મુતી મારતા વળદે વકડવાદો ઓ ॥૮૧॥



૪૭. ચીલા સેઈજા બે જાણા

ચીલા સેઈજા બે જાણાડે લોકો ।
 ચીલા સેઈજા બે જાણા લો ॥૧૧॥

ઠળડી ૨ બોલા બાગર ચીલદી ।
 ઠળડા સા ઓ નીઈ રા પાળી ।
 ઉત્થડે ૨ બોલા ઘોર સી ઝૂલે ।
 ઝુનૈ સી નાજે રી સેરી ઓ ॥૧૨॥
 ચીલા

દેશ સા બોલા સેઈજા રા શોભલા ।
 ઓઘે પાણૂ ઋષિ રા બાસા ।
 ઓ ઘોળે ૨ સી જગલ આઘે ।
 જુરિયે ગીલ મેલદી ધારા ॥૧૩॥
 ચીલા

ભીલ ભાલ તા સી લોકા આખરે ।
 દેઝ દેવી રે સી પ્યારે ।
 હાં લોકો ઉત્થડે ધારૂ જાડયા ।
 માલા સેઈજા રા નજારા ઓ ॥૧૪॥
 ચીલા



४८. तेरा नखरा लिशकू

पिपला हालगी कसैईणिए रूपै ।
तेरा नखरा लिशकू जेठा शाढ़ै रै धूपै ॥१०॥

तेरै कौने रै मोखड़ू झूलदै लागै ।
शुण! जवान्नी रै चोर हौआसी सिभै ॥२॥

एसा ज़िन्दगानी न मेरा नी कोई ।
मूं झुरना तोभै जुगा २ ढौई ॥३॥

कौखै कुणी संघै ढुणनू इन्हा घोरै रै झड़ुहलै ।
ज़िन्दगी हिशदी लागी पता नी किबै सुल्है सुल्है ॥४॥

कुणी रैस्तै औढणा थी-
कुणिए नैई- ।

कुणी बिझू वौणा न रहाशै-
कुणी पेईडै भुलै ॥५॥

पिपला हागली कसैईणिए रूपै ।
तेरा नखरा लिशकू जेठा शाढ़ै रै धूपै ॥६॥



४९. शाफड़ा रा शवाल

हाऊँ सा शाफड़ा रा शवाल ।
न वौण-झौकड़ न फूला रा बाग ॥

न किलणिए कोतिदा न कदाल ।
न कोई पोहुता ओज्र न काल ॥

स ता कौसी एणा न जाणा ॥
 कुणी किहांता ता पुछणा हाल ॥
 कौसी रै नी ओ पोहुचिदा ॥
 न खोजू, न ता हेरा खोजिदा ॥
 मेरा खियाल ! मेरा खियाल !
 घिरदी कुजै री झिड़ न शरख ॥



५०. कुलुवी गजल

झूरी री झोका पाँधै प्यार मेरा ॥
 यार मेरा जौली जौली ओ नौठा ॥
 झूरी री ॥

बार बार मनाऊ बोहू पतियाऊ ॥
 कौखै रह्याशू, कुणिए की खियाऊ ॥
 झूरी री ॥

मूं ता मौरी जाणा तिन्हा पीछै ॥
 माफी वो मोंगी मैं पर, मनी निछै ॥
 झूरी री ॥

तोपदै जाणा औज काल नी शूई ॥
 खाई लोड़ी बहणी बराघै-रीछै ॥
 झूरी री ॥

थोड़ी जैही बलागी पीछै रुठा ॥
 प्यार आसा दुहरू रा आधी नी झूठा ॥
 झूरी री ॥

झूरी री झीका पाँधै ।
 यार मेरा जौली जौली नौठा ।
 प्यार मेरा जौली जौली नौठा ।
 झूरी री झीका पाँधै ॥



५१. भाग जागै

हांइऐ शोभीलऐ हिमाचलान ।
 लागा उठदा निहारा ।
 रोजकै रोज म्हारै प्रदेशै रा ।
 लागा बणदा शोभल नजारा ।
 उत्थडै २ हिऊए रैं शिखर बुन्है ।
 होरै जंगला री माला ।
 कोइचै २ सा पौधरा देश वी ।
 बोहू गोलै मेलिदी धारा ।
 ग्रां २ पौड़दी लागे जाचा जणीचा ।
 नौचदै मदी हेरा थाचा ॥
 भान्तन, भान्ता सा पहाड़ी बाजा साजा ।
 सनाई-नोपती रा ताल बड़ाए तार्जा ॥
 प्याशै बौर भोरी सी सेऊ सडका ।
 नौ जवानै री सी होरै भडका ॥
 कुणी २ नलकै लागै विजली पुजी ।
 हिमाचली लागै बणदै सुखी ॥
 ठौग डुंखरा न वी गाडी चोली ।
 गोहरिए पीठो री खोलड़ी खोली ॥

नपौढ़ ओघ पौढ़दै-लिखदै लागै ।
 लिखै बाचैदै निकतै सी आगै ॥
 बडे २ कारोबार उद्योग सम्हालदै लागै ।
 हेराड़ै लोको गरीबै भाग जागै ॥



५२. नी दुःख सोहणा

बेटड़ी को मरद पौढ़ने घटि की जीणा ।
 आमा, बापू, भाई पौढ़ना पौढ़दै जाणा भीणा ॥
 मण्डी वी पौढ़ू शिम्बला-सोलन वी पौढ़ू ।
 हांडै मेरै कुलू रै लोको आसा पिछै नी रौहणा ॥
 पौढ़ने लिखणै री नी उम्बर होंदी ।
 लिखी वाचियानी पौड़दा, दुःख सोहणा ॥



५३. जी ! केरना की

भगवानै जैबै वणाऊ थी माहणू ।
 टोल्ही पांधै थी तैवै शुकणै डाहू ॥
 हाक पाई—“ओ माहणुआ । ओ माहणुआ !
 तेइऐ बोलू, “ॐ” “नौई रै बौढ़ा धूँ” ॥
 गर्जी पांधै ता बोला सी सब आसै “जी” ।
 जुणी भगवानै आसाबै जिन्दड़ी धिनी ।
 तेई री माहणुए जोंघा मिनी धिनी ।
 सै बोलू थी, “जी” “मूं तेरा केरना की ?



५४. ऐबी केरा सी मौजा

सिभै भारती ज़ादीरी लड़ाई न थी ।
 ऐबी हेसरू लागै आल वीनी थी ॥
 पौजा घिशदै, ठौलिदै मौरदै होरा थी ।
 जुणा फांसी पांधै चढ़ै ते ऐबी नी थी ॥
 सरदार केरा सी मौजा लीडि रौहा सी फौजा ।
 गोली खाआ सी सपाही ऐबी केरा सी मौजा ॥



५५. क्षणिका

एक कतून ।
 एक वर्ताव ।
 नी केरना खून ॥
 शुणा केरा चुनाव ।
 खुर्सी री तैईएँ ।
 नी डाहणी दाब ॥



५६. झूरी

(पहाड़ी पोप सोंग नोपती संघै या आरक़ैस्ट्रा)

झूरी ता हौआ सा बुरी (२) ।
 बाहरै न भोतरै तुरी (२) ॥
 सोठी समालिया डाहा ।
 शोभ सा ऊँडै खाआ ॥ झूरी

नातो-पोती नी जाणदी ।
 खरा-खोटा वी नी भालदी ॥ झूरी.....
 श्यामा, श्यामा! रामा, रामा ।
 शूका-रूखा ! धामा, धामा ॥ झूरी.....
 जात-पन्थ ! साधु-सन्त ।
 नी जाणदी- आदि-अन्त ॥ झूरी.....
 प्रेमी-प्रेमिका ! ईश हीआ सी ।
 एकी-द्वजै पाँधै ज्ञान देया सी ॥ झूरी....
 या री झूरी चोचा संघै ।
 बा री झूरी मीचा संघै ॥ झूरी.....
 राधा कृष्ण ! कृष्ण राधा ।
 सीता राम ता राम सीता ॥ झूरी.....
 झूरी न खोट नी होंदा ।
 जुग जुग सन्बन्ध होंदा ॥ झूरी.....
 ऐ ता कौसी बै नी झेलदी ।
 तोपी, तोपिया नी मेलदी ॥ झूरी.....
 ऐ ता बपार नी आथी ।
 ऊँईरा यार नी आथी ॥ झूरी.....
 आमा-बापू ! बापू-आमा ,
 हे माँ! हे माँ!! ओ माँ! ओ माँ!! झूरी....
 सभी न माँ बै हेरा ।
 ऐसा तत्त्व घनेरा ॥ झूरी.....



५७. झूरी री गाथा

(पहाड़ी पोप सोंग)

“माड़ी, माड़ी झूरी ।

गाड़ी गाड़ी झूरी ।

तौ संघै सा” ।

“कौखै जैह सा” ! “आखै जैह सा” ।

माड़ी माड़ी झूरी ॥२॥

कालजा मेरा ।

झाऊं २ पटिका सा ।

दिलड़ू न वी -

धक २ हौआ सा ।

जैबै तू मुंभै -

झूरिए ! मेला सा ।

माड़ी माड़ी झूरी ॥

घड़-घड़िए ऐण्ढा कि बै -

हौआ सा ।

तू वी ता फूलैरी -

डोल्हरी सा ॥

दिहाड़ी राती तेरिए -

झौख रौहा सा ।

नीज मुंभै -

कौखै एजा सा ॥ माड़ी माड़ी.....

ओ मेरिए झूरिये !

कौखै नौठी मूं छड़िया !

मूं ता मौरी २ जाणा ।

घोरान लागी जाणा शहाणा ।

पता नैई तौ पिछै !

कि बै हुआ काणा ।

दिलड़ जौली २ जाणा ॥

मौउथड़ी हागै पुजौ २ जाणा ॥

माड़ी २ झूरी १ गाढी २ झूरी ॥

थोड़ी २ झूरी १ नौउवी २ झूरी ॥

आमा बापू ॥

या बा बी ॥

मौरी मौरी नोठे ॥

केला कजिऊआ ॥

घौरा न सा ॥

जिमी-जैगा बी ॥

बे थाह सा ॥

तेरी केलही ॥

कमी सा ॥

पता नई किबैतू ॥

रुशा सा ॥

माड़ी २ झूरी १ गाढी २ झूरी ॥

नौउवी २ झूरी १ थोड़ी २ झूरी ॥

कुंवारी २ झूरी १ तौ संकै सा ॥

कौसी बै नई ॥

दिलड़ मैं ॥

धीना दा सा ॥

तू बी ता ॥

कुँआरी २ सा ॥

ओ मेरी झूरी ॥

ओ मेरी झूरी ॥

मूं घौरा तेदे ।
 किहां पेशणा ।
 मूं बहणी -
 मोर मौरी जाणा ।
 माड़ी २ झूरी । गाढ़ी २ झूरी ।
 थोड़ी २ झूरी । नौउंवीं २ झूरी ।
 कुंआरी २ झूरी । कुंआरी २ झूरी ।
 दिलड़ मेरा वी ।
 तो संघे सा ।
 नीज मुंभे वी ।
 कोखे एजा सा ।
 राति २ सुपने न ।
 तू मेल सा- ।
 रोई रोइया- ।
 झिकड़ू भीरा सा ।
 कोखे बे जानू !
 मेरे भले कसैइयां ।
 या बा नाति-पोति संघे ।
 माड़ी २ झूरी । गाढ़ी २ झूरी ।
 थोड़ी २ झूरी । नौउंवीं २ झूरी ।
 कुंआरी २ झूरी । कुंआरी २ झूरी ।
 "चौल-दूर परदेशा- बे झूरिये ।
 आसा दुही चले २ जाणा ।
 माड़ी २ झूरी । गाढ़ी २ झूरी ।
 थोड़ी २ झूरी । नौउंवीं २ झूरी ।
 कुंआरी २ झूरी । कुंआरी २ झूरी ।"

"तौखे जाइया की खाणा !

आमा-बापू नाति-पोती न जीणा।

पिछा छूरी रा माड़ा होआ सा।

झूरी ता जी काणी होआ सा।

झूरी पिछे शोहरू-शोरतू रा।

आसा केरना नी कबाड़ा।

भेद - भाव ता ,

सरकार वी केरा सा।

हरिजन डी० सी० वी।

आपणै-चोचा रा-व्याह ,

बाहमण चौकी दारे-री -

मीचा-संघे कौखे केरा सा !

भाल-शुण केर मेरे बझिया।

तेरा मेरा व्याह ता।

नी होणा सा।

झूरी ता।

दुई रोजै री।

होआ सा।

फिरी ता जानी बै।

खेजा होआ सा।

माड़ी २ झूरी। माड़ी २ झूरी।

थोड़ी २ झूरी। नौछंवी २ झूरी।

कुंआरी २ झूरी। कुंआरी २ झूरी॥

तेरी मेरी। झूरी।

मेरी तेरी। झूरी।

जुगा २ बै रोहणा सा।

कैभै कैभै ।

तू मुँभै ।

मेला २ केरी ।

दिलड़ू पाँधै होथड़ू तू ।

मेरै फेरा केरी ।

दिलड़ू ठण्डा २ ।

जाई केरी केरी ॥

हाऊँ सदा सा ।

घोणिया तेरी २ ।

राश २ झूरी । खार भार झूरी ।

फारी २ झूरी । प्यारी २ झूरी ।

केरा सा । मेरै घोणी बझिया ।

मेरै भी

हेर थुर थुरी । होआ सा ।

हाऊँ सा

घोणिया सदा -

सदा तेरी २ ॥

राश २ झूरी । खार-भार झूरी ।

फारी २ झूरी । प्यारी २ झूरी ।

थोड़ी नैई

देश देश झूरी ।

तौ संघै सा ।

कालजा मेरा वी-

धक २ केरा सा ।

ओ बझिया ।

मेरे बझिया ।

ओ धौणिया ।

मेरे धौणिया !

ओ सोणिया !

मेरे रोणिया !

पाणा नी —

आसा कजिया ।

रौहणा आसा ,

सदा ! सदा ! सदा !

बैणी - बैणिया ॥

राश २ झूरी ! खार-भार झूरी ।

फारी २ झूरी । प्यारी २ झूरी ।

देश-देश झूरी । धार-धार झूरी ॥

(दूहै कठै गाआ सी)

ओ माड़ी २ झूरी । ओ गाढ़ी २ झूरी ।

ओ थोड़ी २ झूरी । ओ नोज़वीं २ झूरी ।

ओ कुंआरी २ झूरी । ओ कुंआरी २ झूरी ॥

(जुदा २ गाआ सी)

ओ राश २ झूरी । ओ खार-भार झूरी ।

ओ फारी २ झूरी । ओ प्यारी २ झूरी ।

ओ देश २ झूरी । ओ माड़ी २ झूरी ॥

ओ मिठी २ झूरी । खट्टी २ झूरी ॥

(दूहै कठै गाआ सी)

होंदी नैंई..... ।

कदि वी पूरी..... ।



ॐ श्री गणेशाय नमः

५८. पोप सोना

डोण्ट वरी ।
 किबै होली खरी ?
 गम नौट टेक हौसला ।
 मार ढघौसला ।
 हेरा - फेरी -
 जुणिए केरी ।
 भोगू सुख, सुख ।
 दुनिया हेरी ॥
 फंकशन ।
 करेपशन ।
 उद्घाटन ।
 उच्चाटन ।
 भाषण धुंआ धाड़ ।
 दिस पटाक ।
 मार काट ।
 भौरुवी खाख ॥
 खून - खराबा ।
 बाहलुए ।
 पिया शराबा ।
 धोखा - घडी ।
 केरा केरा ।
 घड़ घड़ी ।
 चलाण मिशन ।
 खाणी कमिशन ॥

आका - माका ।
 नोचना गाणा ।
 ढोल - ठमाका ।
 जोखै बजू ढोलकू ।
 तौखै मियाँ मोलकू ।
 नीला, पत्तीला वसीला ।
 तुम हम हम तुम ।
 लाआ आँग दफ्तर गुमा ।

चाईन विमन एन वैल्य ।
 घपलै करालै उप ।
 बलाग नैई दबादब ।
 लालै हैवन एन हैल्य ।
 माल सारा हड़पा हड़प ।
 मोरै गरीब तड़फ तड़फ ।
 डेलीकेट कार हो ।
 विऊटीफुल नार हो ।
 डिक्की में मिनी ।
 बीयर बार हो ।
 एटी री रफ्तार हो ।

ड्रीम लैण्ड रा वाटर फौल हो ।
 बजै नगरा एन ढोल ।
 केरना टविस्ट, शेक, शेक, शेक ।
 बाल रूप डांस रोक एन रौल ।
 अचाएँ ऊधम हैवन एन हैल ।

५६. अम्बर रै बादल

ए अम्बर रै बादल ।
 किवै नी बोहरदै ।
 जीऊड़ू पटाह हुआ ।
 निहालदै निहालदै ॥१॥

दुःखा सौहदै सौहदै ।
 बीती पिढी बरशोढ़ी ।
 लीडर खाँदै हलुआ बाँडै ।
 शोहरू म्हारे भुखे डाण्डै ॥२॥

जादी मेली ता मेली ।
 गरीबावै कादी मेली ?
 पेहील लुटै शेतु भाइए ।
 ऐवै शेती खादी काइए ॥३॥

राज सा म्हारा ।
 भुखै सी आसै ।
 ए ढोसा आलै -
 भाला सी तमाशै ॥४॥

बडै बणाइआ -
 नौचा सी आसै ।
 धीनै नी वोट - ता -
 बाहा सी घणासै ॥५॥

घड़घड़िए बोट मोंगदै ।

सदा झौटिदै भालै आसै ।
 देश लुटु लीडरै प्लीडरै ।
 रौहै भैईठी केरदै आसै ॥६॥
 विरोधी दलै रै राज नशाणै ।
 तौखै लोहू रै नाल बगणै ।
 सारै चोटर डराइया धमकाइया ।
 तौखै मिल्टी भेजिया चोट बणाणै ।
 ए अम्बरै रै बादल ।
 किबै नी बौहरदै ।
 जीऊड़ पटाह हुआ ।
 निहालदै निहालदै ॥७॥



६०. हौसदी खाक

शोभला बर्तावि शान्ति स्वरूप ।
 हौसदी खाक चिल्कदी धूप ।
 मैला माहणू कुणिए नी जाणू ।
 रति नी घमण्ड देवा रा माहणू ॥१॥

हौसदा × × खाकड़
 शोभला बर्तावि शान्ति-स्वरूपा ।
 हौसदा खाकड़ु चिल्कदी धूपा ।
 रति नी घमण्ड-जायरू पाणी ।
 रूपै री राणी कुणिए नी ज्ञाणी ॥



६१. कुलू रा राम राजा

राम राजा राम राजा ।

राम राजा राम राजा ॥

औज सा सहाजा काल सा सहाजा ।

कुलू घौरान सेभ किछु सा ताजा ।

राम.....

जैगा जैगा सी जाचा जणीचा ।

सेभ, नौचदे गण्डै चोचा मीचा ।

राम.....

विदा लागी बोला दसमी सर्ग विझा ।

तलागड़ी शाड़ान भौरवी चीजा ।

राम.....

चौहु कूणी बोला मौउजा लागी ।

बोला जानी रा कीसा धीजा ।

राम.....

देश, देऊ देवतै हौथडू जोड़ी ।

धौतै तौल्ही ठारा करडू रा बाजा ।

राम.....

ठाकर निकलै रणकु चणकदा बाजा ।

दसमी ठारा करडू रा सहाजा ।

राम.....



६२. पौढदै जणा

पौढदै जाणा पौढदै जाणा बोला पौढदै ।

नपौढ़ा चिठी नी बाचणी पौत्रा नी पौढ़ना ॥
 जीणा न पौढ़ा रा जीणा - कजीणा ॥
 धनै धनै जीणा पौढ़ै दै रा ॥
 नपौढ़ा नी पौथी पौढ़नी एकी हौछी रा काणा ।
 आसा न पौढ़नी रौहणा चौला पौढ़दै ज्ञाणा ॥
 जीणा बोला पौढ़ै दै रा ॥
 जीणा न पौढ़ा राजीणा कजीणा ।
 धनै धनै जीणा पौढ़ै दै रा ।
 गला शोभली बाता बोला शोभाली ।
 सौऊखा दूरा दूरा रा जीणा ॥
 जीणा बोला पौढ़ै दै रा ।
 जीणा न पौढ़ा रा जीणा कजीणा ॥
 जीणा बोला पौढ़ै दै रा ।
 पौढ़ै जोंदरै नपौढ़ लागा सा काणा ।
 पढ़ाई रा धन सभी न नमाणा ॥



६३. गीत बाँठड़ा

(लोक तथा मिश्रित गीत)

नड़ाना भराउ आजी पाणी बै चौली ।
 आराशी बिसरी बाई -
 बाई भाउआ कम्बला आराशी बिसरी बाई ॥
 नड़ाना भराउ आजी पाणी बै चौली ।
 मौझ मौझ बेठा देउसर झै गड़ा पाई ॥
 पाई भाउआ कम्बला मौझ २ बेठा झै गड़ा पाई ॥ नड़ाना.....
 हौथड़ू ए धोंदिए मुण्डकुए धोंदिए आराशी बिसरी बाई ॥

भाभी रा होच्छा देउअर बड़ा पचिकड़ा ।
 मौझै मौझै बेठा बोला झैगड़ा पाई ।
 पाई भाउआ कम्बला बेठा झैगड़ा पाई । नड़ाना.....॥
 पाणी न धाणी आणु शोखै अति आई ।
 नुहारी न दपौहरी आणी बोला भाभिए ।
 बेठा छेतान बोला रोंदा कमाई । नड़ाना.....॥
 होथड़ुए.....
 कमाई बोला नौआँचिए भाभिए ।
 लोड़ी साए तू बराघै बोला खाई ।
 खाई बोला नौउआँचिए भाभिए लोड़ी बराघै बोला खाई ।
 नड़ाना....॥
 होथड़ुए.....
 होती थीए हाऊँ हौला बोला बाँहदा ।
 तैं ता नीए पुछी बोला बौत न आई ।
 न आई बोला भाभिए न बौत न आई । नड़ाना॥
 होथड़ुए.....
 कौखै थोए ऐबै ठौई भाभिए ।
 देउअरा पाँघै तौभै दया नीए आई ।
 दया नीए आई तौभै बौला भाभिए । देउरा पाँघै॥
 होथड़ुए.....
 नड़ाना भराउआजी पाणी बै चौली ।
 मौझै २ बेठा देउसर झैगड़ा पाई ।
 पाई भाउआ कम्बला मौझै २ बेठा झैगड़ा पाई । नड़ाना.....॥
 होथड़ुए धोंदीए मुण्डुए घोंदीए ।
 आराशी विसरी बाई ।
 बाई बोला भाउआ कम्बला आराशी विसरी बाई ॥

६४. गीत भौऊरू

(लोक तथा मिश्रित गीत)

[लामण]

एक गायक

श्रोतागण

(प्रेरणा व सहानुभूति जतलाते हैं)

ओ..... (१०) ।

ओ..... (३) ।

ओ..... (१०) ॥

ओ..... (३) ॥

छौली खाई तेरै बान्दरै बान्दरै ।

काऊणी खाई तेरै तोतै ओ.... ॥

झूरी छूटी बोला पौरली धाराना ।

कूण्डे हुए मेरै मौथै ओ.... ॥

शाबाश ओ शाबाश ॥

(एक स्वर में)

बड़ा दुःख पाऊ हो मेरिए

जानिए (एक स्वर में)

ओ..... (१०) ।

ओ..... (३) ।

ओ..... (१०) ॥

ओ..... (३) ॥

छौली खाई तेरै रिछै ओ रिछै ।

कोदरा खाऊ(पाडु)तेरै गोरुए ओ.... ॥

झूरी री दाहिए बोला कौकड़ी फूटी ।

राती रोई रोइया झिकड़ू भौरुए ओ.... ॥

शाबाश ओ शाबाश

(एक स्वर में) ।

मेरी खरिए तैबै की

केरना (एक स्वर में)

ओ..... (१०) ।

ओ..... (३) ।

ओ..... (१०) ॥

ओ..... (३) ॥

बुन्है धिरै बोला तेरा नगर नगर ।

ऊझै बोल ए ठाऊवा ओ.... ॥

राती मेली बोला सुपने सुपने ।

शाबाश ओ शाबाश

(एक स्वर में)

ढौकू माँजै रा पाउवा ओ... ॥	ओ मेरिए झूरीए (एक स्वर में)
ओ..... (१०) ।	ओ..... (३) ।
ओ..... (१०) ॥	ओ..... (३) ॥
जोचड़ी खाई तेरै बाँदरै बाँदरै ।	
माह खाए बोला तेरै मुशै ओ... ॥	आबाश ओ शाबाथ
झूरी नोठी बोला मौरिया मौरिया ।	(एक स्वर में)
लाल थोथरू ता रोई दुशै ओ... ॥	ओ मेरी खरिए
	बड़ी विपता पौईऔ ॥
ओ..... (१०) ।	ओ..... (३) ।
ओ..... (१०) ॥	ओ..... (३) ॥



६५. झंझोटी (झूरी) बामहणू

(केवल एक ही गायक/गायिका)

मनै री बोला मना न रोही !
मनै री कुण बुझला !!
कुणी संघै दुणनू बिथा दिलैरी ?
पता नी कुण शुणला !!
सोठी-सोठिया लो रात बिहाई !
सभी रा मन कोजला !!
हेरी हेरिया लो होछी बी थकी! (फुटी) !
कुण दिला न पेशला !!
ढौली आई लो जुआनी बीसारी !
लागा कौखै कौखै भुला !!

बोहू जाजात की केरनी बोला ?
 मन नी जोखे उजला !!
 तेई माँहणू संघे की चौणनी बिथा ?
 जुण मना रा काला !!
 मनै री बोला लो मना रीही ।
 मनै री कुण बुझला ॥



६६. झझोटी (बेबशी) बामहणू

शहाई भाली बोला शान्दरा केरु ।
 दवाई-वूटी, टाण-माण वी केरु ।
 देऊ देवो वी पुछै रझ (कशी) रोहू नी जोश ।
 सीझउटी हिणदी लागी कुणी बै देणा दोष ॥
 लाज-कारी केरी-केरिया हेरु ।
 उआरने केरिया छुण्ड वी सारा नवेरु ।
 कुकड़-पेहरु राटिआ नी मिटणै क्लेश !
 देश की प्रदेश करनी भरनी रै प्लेश !!



६७. जैइण्ड-डफ

(गीत)

जाणा माशटर लायकै रामा ।
 आसा पौढ़दै जाणा लो ॥
 नपौढ़ साहणू बोला जैइण्ड-डफ ।

पौढ़ू लिखूदा स्याणा लो ॥
 काला आखर मँहिषी बराबर ॥
 एकी हौछी रा काणा लो ॥
 लिखी-वाचिया अकल ढाबा ॥
 बिहणी अकली नज्राणा ओ ॥
 लिखणा-वाचणा अंगा रा गहणा ॥
 पोथी विदिया(गूणी)जीजू राणा ओ ॥
 पौढ़ी लिखी मीच कोयला वैणी ।
 काऊड़ा वैणू नपौढ़ याणा ओ ॥
 ज्राणा माशटर कमल कान्ता ॥
 आसा पौढ़दै ज्राणा लो ॥



६८. जिह्रू

[Catharsis of Pent up Energy of Sex

Here-----Sex-----Restricted]

हो होड़ै जिह्रूआ ।
 हो होड़ै जिह्रूआ ॥
 जिह्रू शोह्रू रघुनाथ ।
 सभी संघै आसरा नाता ॥ हो.....
 हौरी धारा पाँधै कौकड़ बाठा ।
 तेरी जै जै कार हो दुर्गा माता ॥ हो.....
 नगरा पिछै बोलणा ठावा ।
 पौढ़दी लिखदी ज्राई भाउआ ॥ हो.....
 झिह्रू शोह्रू शिरद गाड़ा ।

कौसी रानी केरना माड़ा ॥ हो

जिहरू शोहरूए मारु भौंगी रा शङ्का ।

ठारा करड़ुए पाऊ सा धूम-धड़ाका ॥ हो

शाढ़ा महीनै फूली धियाई ।

सोढ़ी-टोपी डाहणी नाई ॥ हो

जिहरू शोहरू झाकदै द्वारै, द्वारै ।

लिण्डै री खेषड़ी नेई वरालै ॥

जिहरू-शोहरू चौऊंरी बिहाली नौठै ।

जो लोड़ी काली-जिमी लोड़ी नाली ॥ हो

धारा पाँधै आऊ राम शौर ।

व्याह केरना ता औरै मौर ॥ हो

जुठ पीई तुसरी कूणी २ ।

छेकै दया देवी री धूणी ॥ हो

जिहरू-शोहरू लरां केलुए ।

आबादी बधी माँहणू पेलुए ॥ हो

जिहरू-शोहरू शुरु-परीणी ।

भुखै नेतै आँजा तरीणी हो ॥ हो

शाढ़ा महीनै फूली धियाई ।

राज चलाणै रै लछण नाई ॥ हो

जिहरू-शोहरू उझी-मनाली ।

देशै रै बैकं खाली, खाली ॥ हो

जिहरू शोहरू उटा कमाँदिए ।

नेतै री धूड़ चोल्ही पाँधिऐ ॥ हो

ओ नेता लोकै झीं-झाँपड़ी पाई ।

जगा २ लोहूरी नौदी बगाई ॥ हो

पार्टी आलै जनता वै खाँदै जाणा ।

मँहगाई बधी खाणा की लाणा ॥ हो
 कृषक रौहै छेता बै जाँदै ।
 बपारी लोका लुटदै जाँदै ॥ हो
 सब्जी मण्डी भूत्तर नगवाई ।
 नपौढ़ शोहरी व्याहणी नाई ॥ हो
 झिहरू शोहरू डोमी-दुआड़ै ।
 गरीबै रै शोहरू नाँगै धुआड़ै ॥ हो
 झिहरू-शोहरू नौठै ओछंडी, ज़ाणा ।
 साक्षरता अभियानान पौढ़दै जाणा ॥ हो
 झिहरू-शोहरू नौठै ज़ौरी मलाणा ।
 नपौढ़ माँहणू एकी हौछी रा काणा ॥ हो
 झिहरू-शोहरू सोमसी बाल्हा ।
 ज़िमी बेचीड़ै ऐबै की खाला ॥ हो
 झिहरू शोहरू नौठै माहुल हाटी ।
 आपणी बोली छौड़ी बणै राठी ॥ हो
 ओ बोट पछै लागी घीमा-ढीमा ।
 माँहणू बै गोली गोरू रा बीमा ॥ हो
 ओपौढ़-जोंदरै नपौढ़ टाटा-नाण्डा ।
 पढ़ाई रा नो होंदा बाण्डा-सहाण्डा ॥ हो
 जिहरू शोहरूए खौंजे ज़भानी रै तालै ।
 लिण्डै रो खेशड़ी बोला नेई बरालै ॥ हो
 झिहरू शोहरू नौठै जोता ज़लोड़ी ।
 आसं देश री एकता डाही लोड़ी ॥ हो
 झिहरू शोहरू आए जोता ज़लोड़ी ।
 सोढ़ी खाणै आलै देश रै कोढ़ी ॥ हो
 झिहरू शोहरूए टपू ज़ोत ज़लोड़ी ।

काफरा रा राज छेकै मुक्क लोड़ी ॥ हो
 झिहरू शोहरू ऐवै ठौकी आरी ।
 नजुथै मलाजम देशै री बीमारी ॥ हो
 झिहरू शोहरू ऐवै ठौक आरा ।
 भ्रष्ट हतींदी पार्टी बै खोषडै मारा ॥ हो
 झिहरू शोहरू आए गोघडै धारा ।
 ओ देशा न एक कनून म्हारा नारा ॥ हो
 झिहरू शोहरू पोहुतै पेच्छा धाठा ।
 सेभी रिश्वत खोरै रै नाक कौन काटा ॥ हो
 झिहरू शोहरू ठौक कराहडू ।
 मन्त्री सन्त्रिए सा देश नवाडू ॥ हो
 झिहरू शोहरू लागै भुनदै धाणा ।
 परदेशी जाति कौखै बै जाणा ॥ हो
 भारत या सा सभी री एक जायी ।
 हिन्दु मुस्लिम-सिख ईसाई सोहरै भाई ॥ हो
 झिहरू शोहरू खोली खोली ।
 बोटा पिछै लोहू री होली ॥ हो
 जिहरू शोहरू नौठै पाहुणै फेरुए ।
 जादीन ओरु नेतै रै डाँढ नी भौरुए ॥ हो
 पार्टी आलै सेभै रिघल-राई ।
 खुर्सी पिछै लडाआ सी भाई भाई ॥ हो
 जिहरू शोहरू हामटै धारा ।
 मंदिर मस्जिद री तैईयै लेरा पुकारा ॥ हो
 आसै राजै कौढै ता केरी कमाई ।
 लोडर लोकै मौड़ धूड़ चौहडै न पाई ॥ हो
 मुँएँदै नेतै री करोडै री गति ।

गरीब-गुरबै रै हुई भुखै अति ॥ हो
 समाजवाद री केरी की गति ।
 ओ लिहरी नेता करोड़ोंपति ॥ हो
 बहुजन हिताय बहुजन सुखाय री-
 बदली मति ।

धर्मनिर्पेक्ष री केरी दाऊरी-
 ता गति सति ॥ हो

देश रै धर्म निपेक्ष की सा पछियाण ?
 थोड़े री तैईयें बोहू री लैणी ज्ञान ॥ हो
 शाढ़े री बूटोन बेठा झरका ।
 पोला खुली लागा धड़का ॥ हो
 शाढ़े री बूटीन बेठा गुर्घता ।
 करनी आपणी तुसै आयु भुगता ॥ हो
 ओ पौढ़ना गुढ़ना लैबड़ ओठै ।
 मार कदाल नाजै रै कोठै ॥ हो
 नपौढ़ लोको ढौका पोटी-स्लेट ।
 पौढ़ी लिखिया किज्जी री कटेट ॥ हो

ओ पशमी लोई न तुरू कम्बर ।
 पौढ़ने लिखणै री नी होंदी उम्बर ॥ हो
 बैडै बैडै बेठी कटेट ।
 आई घड़ी पौए माँजै हेठ ॥ हो
 झिहरू शोहरू नौठै कूट वाई स्टेट ।
 दयाली निभी चाकटी लागी-
 पौए लमलेट ॥ हो

६६. सुण्ड (सहकारिता) (१)

एकी संघै एक - ता ।

दूई संघै गियारा ।

सेभ मिलिया औंटलै ता ।

खुशहाल होणा देश सारा ॥१॥

एकी बै एक ।

दुजै बै दुजा ।

ज्वारी संघै ।

सहारा सा पुजा ॥२॥

प्लेध जटज्वार ।

बाँका बुहार ।

सौहूखा कौम ।

प्याशै नुहार ॥३॥

सौहूखा कौम ।

छेकै नबेड़ा ।

ना कौम-धड़ौम ।

ना उथड़ा गेड़ा ॥४॥

मौरना - जीणा ।

व्याह ता बत्तर ।

थोड़ा परसिन्हा ।

ना सहतर-बहतर ॥५॥

एफ चूँज एक पांख पराणी सीख ।

दैसै री लकड़ी एकी रा बोझ ।

किबै मोडणी शाहूकारा न भीछ ।

सच! एकी री फिकर दैसै री सोच ॥६॥

७०. सहकारिता (२)

(घनाक्षरी छन्द)

‘मिली-जुलिया केरने कौम’ रीत सा पराणी ,
 ऐहै रीत सहकारिता बुझणी - बुझाणी ।
 ‘मिली-जुलिया हौआ सी कौम बड़ै’, गल स्याणी,
 तूई री तैईऐं सहकार सभा बणाणी ।
 गियारा मिम्बरा संघै केरा जाण हछियाणी ,
 हिस्सा-पत्तिए शाहूकारा न जान बचाणी ।
 चुणा बे-रोजगारी मिटाणी कबौतै नी पाणी ,
 कारोबार चलाणै प’ सबसिडी नी खानी ॥७॥

सहकार क्षेत्रा न भुठी विवरै री नी रीश ,
 कहावत सा-‘जुणी री झीश तेई री रीश’ ।
 चुणा मेली संघै नौचा केरनी नी झीक मीष ,
 नौउंची सभा बणाआ-की कौड़ू ! की पत्तीश ।
 हेरा अकल केरा तुसै भलै री केरा रीश ,
 ‘एकता केरा’ ठारा करड़ू री ऐहै सीख ।
 ओज्जी कमदमे बाज्जी बरी, नी भौरनी फीस ,
 डिण्ड-स्वांग छौड़ा ‘विद्रोही’ री सा ऐहै भीछ ॥८॥

सहकारिता संघै हौआ सी बड़ै बड़ै कौम ,
 सरकार वी देया सा खरा ढउवा-धेला ।
 ए बैंक वी देया सी रकमा, चलाणै बै कौम ,
 व्याज वी थोड़ा ता कई सहूलता सी मेल ।
 केलहै-कलाचै बड़ै फौमा न पौड़ा सा धड़ौम ,
 एकी पांखै नी मारिदा फड़ा, की केरै केलहा ।

संघै कदम बढ़ाआ रात दिन केरा कौम ,
जैबै होला गोंठी न धेला तैबै रोजै मेला ॥६॥



७१. दियाली

(लघु नाटिका)

हुई दुहरए दियाली मनाई
बिहणी चारै ज़िन्दगी निभाई ।
झूरी थी दुही न खासिए बड़ी,
कदी नी हुई आपुन तड़ा तड़ी ॥
झूरिए माह शौचणै डाहै,
धोई धोइया तैबै पिशणै लाए ।
औग ज़ालिया तौउए पांघै ,
बड़ी जुन्नो संघै तौलणै लाए ॥
रोटी वी तौली भाज़ी सब्ज़ी वी,
बणाई तवै भौरलुन डाहै ।
पिछली घेरै एक बड़ा ता एक होछा ,
हुई बौड़ै बणाए ॥
बड़ा बौड़ा थी आपणी तइंऐं ता ,
होछा थी लाड़ै री तइंऐं ।
तां बै त्रकालै री घेरै खसम आऊ ,
रोटी खाणै री तइंऐं ॥
"बड़ा बौड़ा मूं खाणा एई बै ,
खाणै बै मुंभै दै, मुंभै दै" ॥
"ए नी तौभै खाणै बै देंदी ,

तू बहणी नौइए दै नौइए दै" ॥
 "खाणा ता मूँ बडाए खाणा,
 होछा नी खाणा बड़ा दै, बड़ा दै ।
 बड़ा बौड़ा नी देली ता मूँ मौरी जाणा,
 मुंभै बौड़ा बड़ा दै" ॥
 "तू मौर बहणी एकी घेरै हाँऊँ नी देंदी,
 तौभै बड़ा बौड़ा" ।
 "एहलै तबै हाँऊँ मौरदा लागा,
 या ता दै मुंभै बड़ा बौड़ा" ॥
 "उठ डै उठ मै लाई नी ता चादर खोटणी,
 ता मूँ सा रौंदै बेशणा ।
 उठ डै उठ ढाबुए डेशी पड़ेशी इन्है लाऊ,
 सा फुकणै बै नेणा" ॥
 "इन्हा दै मौजिए फुकणै बै नेणै खाणा,
 मूँ ता बड़ा बौड़ा खाणा" ।
 "छौड़लै हठ पजाऊँ शमथानी पांघै,
 लाऊ इन्हें फुकणा जालणा ॥
 छौड़ लै छौड़, छौड़ रुशणा खा होछा बौड़ा नी,
 ता बसताइणा तौ ।
 हाऊँ चीली सा घीरा बै हेरी,
 बिहणी मौतिए सा मौरना तौ" ॥
 ठीगै वी ढौकी ओग लाइया तेईवै,
 तबै शौहली पांघै बशाइया ।
 "होछै बडैए खानू ! होछै बडैए खानू"!!
 केरी आइया ता देइया ॥
 जां सेक लागा शौहली न उठिया ,

घौरा बै दौऊड़ू सभी लोका पिछै ।
 लोके बुझू भूत आऊ आसा बै खांदा ,
 ठोर मारी एकी दुजै पिछै ॥



७२. भारत या

(गीत)

तौभै चाहणै आला ।
 मुंभै - मुं छौडिया ।
 परमेशरै री दुनिया न ।
 मुं भै - मुं छौडिया भी ।
 कोई हौर वी हौला ।
 परमेशर नी केरला ॥१॥ तौभै.....
 हाऊं तौ भेए भारत या ।
 एतरा बोहू चाहा सा ।
 होर कोई एतरा झुरला ता ।
 मुं जौली जौली मौरना सा ॥२॥ तौभै.....

“ ॐ तत्सत् ”

(१)

शादी झेची

(लोकगीत इत्तर सराजी)

घौरा बै फीरै ओ शादी गे झेचिए ।
सी धाना री पीऊँ आली सेरी लो ॥
सी धाना री पीऊँ आली सेरी लो ।
शादी गे झेचिए धाना री सेरी लो ॥
मात ब्रिसदी गे कुलू बै छाड़िया ।
एँढी शोभली धोत नी गे हेरी लो ॥
घौरा बै
ठण्डड़ी गे बागर ठण्डड़ा गे पाणी ।
सुर्ग कुलू गे म्हारा सुर्ग गौऊँणी ओ ॥
घौरा बै
शोभलै पाणी घौणी घौणी वौणी ।
आ गैता रौही मरजी गे तेरी लो ॥
घौरा बै फीरै ओ शादी गे झेचिए ।
सी धाना री पीऊँ आली सेरी लो ॥

ॐ

(२)

चाहै गौर्म

(लोकगीत इत्तर सराजी)

बाबू रै होटला गे चाहै गौर्म ।
हीरा लाड़िये गे चाहै गौर्म ॥

साथरा बछाऊगे बीड़ा नौर्म ॥
 हीरा लाड़िऐगे चाहै गौर्म ॥
 हेरनी शोभली शोभलेगे कौर्म ॥
 हीरा बोला लाड़िऐगे चाहै गोर्म ॥
 सेऊवा केरिया कमौऊगे धौर्म ॥
 हीरा लाड़िऐगे चाहै गौर्म ॥
 भाउँती मैला भाउँतागे चौर्म ॥
 हीरा बोला लाड़िऐगे चाहै गौर्म ॥
 बाबू रै होटलागे चाहै गौर्म ॥
 हीरा लाड़िऐगे चाहै गोर्म ॥
 मौखरी गौलेगे लौऊ मोर्म ॥
 हीरा लाड़िऐगे चाहै गोर्म ॥
 बाबू रै होटलागे चाहै गौर्म ॥
 हीरा लाड़िऐगे चाहै गोर्म ॥



(३)

बिथा लै शूणी

(लोकगीत)

ओ म्हारै मन्त्री कुन्जी लाला ।
 बिथा लै तू शूणी ॥ म्हारै.....
 केती वीर्षा न शूणी नी जुणिए ।
 ते उत्थडै ढौगै रै शूणी ॥ म्हारै.....
 मीरा बै धिना बेठर बेठर २ ।
 गरीबाबै पिपली री धूणी ॥ म्हारै.....

खीर खाई इन्हा फिरंगिए लो ।
 श्रीब बणाएंदे थी लूणी ॥ म्हारै.....
 जे गला केरनी थी भाखिए ।
 ते हौछुए लैई सी दूणी ॥ म्हारै.....
 डण्डे रा राज डोलिए घोचू ।
 जनता री लैया तुसै शणी ॥ म्हारै.....
 हिंका पिठी रै केरनै नैई ।
 कुणी कुणी री लोड़ी शूणी ॥ म्हारै.....



(४)

म्हारै पण्डता राज कृष्ण गौड़ा

(लक्ष्मणगीत)

म्हारै वज्जीरा राज कृष्ण गौड़ा ।
 मना रा सैचा नी दिला रा काला ।
 म्हारै वज्जीरा राज कृष्ण गौड़ा ।
 कादी नी मारी फौड़ा ॥२॥
 ऊभी सां शोभली खराहल सा बाँका ।
 ठुरदी लागी मोटरा कारा ।
 म्हारै लीडरा राज कृष्ण गौड़ा ।
 तू लीडर सेभीन वाऊला ॥
 सेभी लोकै लो पैन्टा तड़ाई ।
 शौऊ शौठ लो मारुती आई ।
 म्हारै मन्त्री राज कृष्ण गौड़ा ।
 तू लीडर सेभीन वाऊला ॥

भौला पाणी फूलै री हारा ॥
 कौखै न केरना गोरु गुआला ॥
 म्हारै मन्त्री राज कृष्ण गौड़ा ॥
 तू लीडर सेभीन वाऊला ॥
 सेभी रा आदर सेभी री गौर ॥
 सेभी री बिथा शुणदा जाला ॥
 तू लीडर सभीन वाऊला ॥
 म्हारै वजीरा राज कृष्ण गौड़ा ॥
 मना रा सैचा नी नी दिला काला ॥
 तू लीडर सभीन वाऊला ॥
 म्हारै लीडरा राज कृष्णा गौड़ा ॥
 कादी नी मारी फौड़ा ॥
 कदी नी मारी फौड़ा ॥

ॐ ॐ

(५)

कैण्ढा शोभला जीणा

[लोकगीत]

धनै ग्राऊंजी कैण्ढा शोभला जीणा ॥
 धनै, धनै ग्राऊं आंजी ॥
 जीणा बजारा रा जीणा कजीणा ॥
 धनै ॥
 जीणा ग्राऊंजी चिड़ू चगारू रा जीणा ॥
 धनै ॥
 जीणा बजारा रा धाकै-मुक्कै रा जीणा ॥
 धनै ॥
 जीणा बाजारा रा बुरी बासा रा जीणा ॥

धनै ॥

जीणा ग्राऊँजी हौरै छेता रा जीणा ।

धनै ॥

[दूसरा भाग]

दिल रौहा सा हौरा भौरा, गाऊँजी घौरा ।

बज्जारान गाडी हेठै माँहणू सी मोरा ॥

गाऊँजी शान्ति रा बासा ठण्डा जाइरू घौरा घौरा ।

सौहरा पौड़दा रौहा सा हार्ट टैका रा दोरा ॥

धनै ग्राऊँजी कैण्डा शोभला जीणा ।

जीणा बज्जारारा जीणा कजीणा ॥

धनै ।

धनै ॥



(६)

कुलू प्याशा

वेद रामा सत्त प्रकाशा ।

कमल कान्ता कुलू प्याशा ॥

रघुताथा/रघुरामा कुलू प्यासा ।

विदा दसमी, लागा तमाशा ॥.....

शाला टोपी रा लागा तमाशा ।

वेद रामा बोला लागा तमाशा ॥

टोपी पञ्चामा तेरा लबासा ।

वेद रामा सत्त प्रकाशा ॥.....

कंस मामा, मारू घणासा ।
कृष्ण-सुदामा, धीना दलासा ॥.....



(७)

हाऊली कटै/हाऊलिए

एक गायक

बहुत से गायक

जोतड़ू लंघू !
बोसदै जाणा !
दसमी लागी !
काहिका लागा !
नौचदै जाणा !
हिऊं रे पूणै लागै !
कठै सोणा !
दिलड़ू मेलू !
झूरी ता लागी !
झूरी ता मेली !
खिचड़ी खाणी !
ठण्डी बागर चौली !
ओ ठण्डा जायारू पाणी !
मनु री मनाली !
ओ जादी मेली !

हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!
हाऊलिए !!



(८)

हा लामा लोरा (ढिला हेसरू)

हा लामा लोरा ! हा लामा लोरा !!
 घौठै फसू टोरा ! हा लामा लोरा !!
 लोमा हेसरू ! हा लाया लोरा !!
 ढिलै ढौऊंसी ! हा लामा लोरा !!



(९)

हेसरू

हेसरू बोला ! हे सार !!
 जोर नी लाँदै ! हे सार !!
 छौकरै गाजी ! हे सार !!
 मिहणी दारो ! हे सार !!
 जोर ला आड़ै ! हे सार !!
 आगलै ओ ! हे सार !!
 पिछलै ओ ! हे सार !!
 भौँझलै ओ ! हे सार !!
 छौकरै ओ ! हे सार !!
 एह पजाई ! हे सार !!
 हां ! हां !! हां !!! हां !!!! हां !!!!!.....



[१०८]

(१०)

हुशा (काहिका इत्यादि में)

हुशा ४ ! घौहरी देउए री पन्द्रह नुःशा !
एक मनाणी हौरा रुशा !!
हुशा ४ ! शिरद काहिका हुशा ४ !!
हुशा ४ ! हुलकी लागी हुशा ४ !!



(११)

एजै मेरी महामायी ए

ओ झूण, मूण केरदी ।
एजै महामायी ऐ ॥ ओ
शेष किबै नैई पेरदी ।
ओ मेरी महामायी ऐ ॥ ओ
सुख किबै नैई फेरदी ।
ओ मेरी महामायी ऐ ॥ ओ
वीर किबै नैई वीरहदी ।
ओ मेरी महामायी ऐ ॥ ओ



(१२)

लाल्हाड़ी गीत (ढीली नाटी)

लाल्हाड़ी एजै मेरी लाल्हाड़िए ।

ठुणक २ एजै मेरी लाल्हाड़िए ॥२॥
 ओ दमसी ज़ाणा मेरी लाल्हाड़िए ।
 लाल्हाड़ी एजै मेरी लाल्हाड़िए ॥२॥
 दसमी की केरणा मेरी लाल्हाड़िए ।
 लाल्हाड़ी एजै मेरी लाल्हाड़िए ॥२॥
 नौचदै ज़ाणा मेरी लाल्हाड़िए ।
 लाल्हाड़ी एजै मेरी लाल्हाड़िए ॥२॥

(१३)

आई लोड़ी पाणी रै नाला शिवदासिए ।
 आई लोड़ी पाणी रै नाला केरै तेरै सो ॥२॥
 मेली लोड़ी खाड़ै रै बजारा शिवादासिए ।
 मेली लोड़ी खाड़ै रै बजारा तेरै सो ॥२॥

(१४)

झिऊँ चिड़िए बोला झीऊँ चिड़िए ।
 चिठै दौढ़ड़ु बोला तुंगै री बीड़िए ॥२॥
 ठेल्हुरू पाँधै बेशणा लो ।
 औण्डणा रोपै री बीड़िए ॥२॥

(१५)

ढोलै रा ढमाका
 हा लाऊढोलै रा ढमाका ।

जीवणु दूई रा बडा बाँका ।।
 ठण्डी बागर जोतडू लंघधी ।
 ठण्डा जायारु पाणी ॥ हां
 झिकडू धोणै बै डोडै रे बुढडू ।
 बीडी तुंगै री लाणी ॥ हां
 ध्याड़ी च गणा धानै री सेरीन ।
 राती रोहणा फाटा ॥ हां
 सेभै मौजा कुलू देशान म्हारै ।
 कौसी नी गला रा घाटा ॥ हां
 सुखै री मौजा लुटी परदेशिए ।
 दुखा रा कुथलू म्हास ॥ हां



(१६)

मूं जाणा जाचा बै ।
 बोला जाचा वै ।
 लाणा चितरा पौटू ।
 मूं जाणा जाचा वै ॥ मूं
 बोला जाचा बै ।
 लाणा रेशमी धारू ॥ मूं



(१७)

हीऊं लागा जीऊंसा बोला जीऊंरा ।
 चौल उझी बै जाणा हीऊं लागा जीऊंरा ।

मूं लागी खाणै री बोला खाणै री ।
खाणा मरी रा खोपा ॥ हीऊँ.....



(१८)

म्हारै चीनी साहिबा कत्तौड्या ।
मुंभे लागी तेरे मोरने री डौर ॥
जादी की मेली हुआ खून खराबा ।
रखेजै मारी हिन्दुस्तानाच दौड़ ॥



(१९)

दाणै हागै बै मोटर आई ।
गोरू झेचियै बोला मोटर आई ॥
मारी-काटिया नी होंदी कमाई ।
गोरू झेचियै नी होंदी कमाई ॥



(२०)

झेचै री शोहरी बड़ी शक्तीना शक्तीना ।
शिम्बले बजारात ओण्ढदी मोमा ॥
गोठी न नी ठेबुए लाणी थी पीना ।
झेचै री शोहरी बड़ी शक्तीना ॥
नौउंवीं सरकारै री नौउंवीं स्त्रीमा ।
मांहणू बै गोली ता गोरू रा बीमा ॥



(२१)

(ढीली नाटी)

ओ खेलिदी एजै मेरी भाउआ रूपिऐ ।
ओ खेलिदी एजै मेरी भाउआ रूपिऐ ।
ओ जोंघाड़ू शौलै मेरी भाउआ रूपिऐ ।
ओ छोशिया देतू मेरी भाउआ रूपिऐ ।
ओ किझी रै तेलै मेरी भाउआ रूपिऐ ।
ओ गुही रै तेलै मेरी भाउआ रूपिऐ ! !



(२२)

ए आए ते कोटकै ए आए ते सराज्जी ।
नौउवें धानै री नौहुली केरी
होरै शानै री भाज्जी । !



(२३)

उमा बतिए चौखिए ।
दिल कुणी बै देणा लो ॥ उमा.....
शिरढ लागा काहिका काहिका ।
घौरा किझी बै जाणा लो ॥ उमा.....



(२४)

होछै भाउआ जालफुआ आसा पौढदै जाणा लो ।
सिभै लोका निकतै आगे आसा पिछै नी रोहण लो ॥



[११३]

(२५)

किझी रो तेरी कलगी डै भौरा !
किझी रा तेरा चोओला ओ !!
चिड़ू मनालै री कलगी रै भौरा ।
शेती ऊना रा चोओला ओ ॥



(२६)

जोंघा बै सुथण ता दै गूरा दे गूरा ।
टबरा बै नी तुड़का बाहरै सी हूरा हूरा ॥
ओ वामा न नी झिकड़ू जोंघान नी सुथण ।
धियाढ़ रिड़का सा राती घौरा सा तूरा तूरा ॥



(२७)

एजा खेलिणा सिंह-शियाल ।
तुसै मूशै ता हाऊँ बराल ॥
एकै केरा हेड़ा तुबकिए ।
हौरै बछाँदै जाआ जाल ॥
सिंह नी खाँदै गाह-पौच ।
की हीऊँद की भरयाल ॥
.....



(२८)

(द्रुत नाटी)

नैई जाणा शोहरिए ।

बुधू धोणी रै कोमा लो ॥२॥.....
 पातला फेभड़ा ।
 धियाड़ा सिकला लोमा लो ॥.....
 आपू तू छोटका ।
 शोठा तेरा लोमा लो ॥.....



(२६)

हूई दियलिये हूई ।
 म्हारै फाढ़े न भेड़-बौकरी सूई ॥
 तुसरै फाढ़े न कुत्ती-सुगरी सूई ।
 हूई दियालिए हूई ॥



(३०)

राम-रावण लोडेदे लागै ,
 रावण पौऊ बोला लोमा ।
 झूठे री हार हुई ,
 सत-तप आऊ कोमा ॥



(३१)

ढोलकी बाज्जी लोड़ी ।
 बाज्जी लोड़ी महाराज्ज ॥ ढोलकी
 राज्जी लोड़ी महाराज्ज ।
 ढोलकी बाज्जी लोड़ी ॥



(३२)

कोहू धारै रीऐ दहलुआ ।
धारा जाचा बै जाणा लो ॥ कोहू ...
होरी जाचा बै चितरा चाधरू ।
धारा जाचा बै लूंगी लो ॥ कोहू



(३३)

फूलकै चाणै बिरिऐ/सुभधुआ ।
कांशी रामै रै डेरै ॥ फूलकै
निहाली - निहालिया थकू ।
कौखै थी एवडी घेरै ॥ फूलकै
कोठी ता नी गौमी लो ।
धीनै किझी बै फेरै ॥ फूलकै
दोहड़ू वृणी रखणा सुभधुआ.....



(३४)

सहाजै रै धिहाड़ै मोड़ी बिसरी ।
हाँजी तेथे री तैडै मिशुऐ ॥
सुल्लिऐ शोहरू जोणै बे सहाबै ॥
हेर जिमी नी एणी विस्को विस्वै ॥



(३५)

झाऊँ तीणै भाभिऐ झाऊँ तीणै ओ ।
चीतरा चाधरू झाऊँ तीणै ओ ॥

लोका रा शोहरू दै जीणै भाभिए ।
दै जीणै ओ दै जीणै ओ ॥... ..



(३६)

घिउआ तेलिया झिऊआ ।
तेरा नखरा नमाणा ॥



(३७)

घूघती बोला घूघती ।
धानै री सेरीन चूगती ॥.....
कैण्डी शोभली चीड़िये ।
नौचदी उत्थड़ी बीड़िये ॥.....



(३८)

चिड़ू रा चोकण जांदू रा भौत ।
दिलै बन्तिए दिलैदार ॥२॥.....
रूपै री राशी दिलै री मौत ।
दिलै बन्तिए दिलै री मौत ॥.....
दिलै री नी बौत - कबौत ।
नी दिलै री पूछणी जौत ॥
छौली री रोटी आलू रा चार ।
दिलै बन्तिए दिलैदार ॥



(३६)

झूरी लाणी बोला ऊझी मनाली ।
होली बरणी तू जाति री काली ॥
बाल्ह फूक रुड़िए बोला रुड़िए ।
ऊझी सदा हरियाली ॥ झूरी.....
बौसणा बोला लो ऊझी मनाली ।
शोभली धूप - छाऊं एं री जाली ॥
झूरी



(४०)

कौहू धारं री दहलुआ ।
राजी जतरा लोड़ी लो ॥



(४१)

विदा लागी बोला दसमी ।
चौला शाड़ा बै जाणा ॥
शाड़ा औण्डणा-राती रोहणा शाड़ा ।
होवला न सेटी खाणी मरेरान जाणा ॥....
दसमी निवरी फुकुवी लंका ।
जवान दिलै री फुकुवी लंका ॥.....
ठारा करडू री नी मानता रोही ।
नी रोहू सौ पराणा खाणा-लाणा ॥.....
खाई पिया सेभ तीतर हुए उठी पैंइठा ।
बपारिए कुथल भौरै ग्राहुजी तेआ भैंइठा ॥.....



(४२)

हाईएँ वोला ऐ मेहिरिए ।
आपु वोला लो झीफा आन्धरै ॥
मोरू नौठै ठीगै रैं जुआड़ा ।
छौली खाई तेरी बान्दरै ॥.....



(४३)

आली काया थी मेरी ।
दुधै रैं डै दौदड़ू ।
चानू-मानुए घेरी ओ ॥
ऐण्ढा की हुआए ।
रामकिए भाभिए ।
कुणी विपतै घेरी ओ ॥



(४४)

नौवीं २ बेठी सरकारा ज्ञान मेरिए ।
चूटी बोला जेलान गुलामी री ताराओ ॥
नौवी २ चौली स्कीमा ज्ञान मेरिए ।
उथड़ा २ नेणा देश सारा ओ ॥



(४५)

बेटी हुई बडड़ी बडड़ी ।
छोका शाहूरै भेजा लो ॥



नोपती री धुन—

(द्रुत नाटी) (नोपती-शहनाई)



(४६)

नौई पारली शोहरिए ।

तेरा थिफटु डंणा लो ॥.....

शोभला तेरा खाणा-लाणा ।

तोभै गोष्टा लाणा लो ॥.....

दुघी नौई टपुई निःछी ।

बौढ़े २ जाणा लो ॥



(४७)

ओरु २ ता सिकै मेरी बामाणिए । २१

ओरु २ ता सिकै मेरी बामाणिए ।

कला केन्द्रान भौऊँरु गाऊ ।

हूई बामाणिए ॥.....

हूई झूरी री मला दुण ।

मेरी शोभली गाणिए ॥.....



(४८)

लाल चीड़िये घौरा बै जाणा घौरा बै ।

घोला घौरा बै जगणा बोला घौरा बै ॥

घौरा जाइय की खाणा मेरी चिड़िए ।

गेहूँ रा दाणा, गेहूँ रा दाणा गेहूँ रा ॥



(४६)

चिड़ू रा लेंणा बोला जलम ॥
बेशणा बोला उत्थड़े डाला ॥
उत्थड़े डाला मेरी जानिए ॥
बोला बेशणा उत्थड़े डाला ॥



(५०)

कैंढी चुटी तू काली हांटीए ॥
सारा नेऊ डोभी दुआड़ा ॥



(५१)

राम सिंघे री गेहरिए ॥
वोला ठाणै आन्धरे ॥



(५२)

केलहै ता नैईए सोईदा ॥
शाटा नाला रा शैला ॥



(५३)

विदा लागी वोला दसमी दसमी लो ॥
चोला तलागड़ी शाड़ा बै जाणा ओ ॥
ठारा करड़ रै दशन केरन लो ॥
सुख नमाणा जिन्दगी न पाणा लो ॥



(५४)

लम्बाँरू दूई रा मेरै लम्बाँरूआ ।
घिऊआ घटि नी खाँदा लो ॥ लम्बाँरू.....



(५५)

निर्मण्डा री पिपलिए ।
सदा हौरी हौरी लो ॥



(५६)

ओ मेरै हौरै डण्डलुआ ।
ओ मेरै हौरी डण्डलिए ॥



(५७)

शहाई भाली वोला सुतरा केरु ।
सीझउटो हिशदी लागी रोहू नी जोश ।
दवाई-बूटी, टाणा-माणा बी केरु ।
कर्म आपणै, सुख-दुःखा रा कुणी वै दोष !!



(५८)

ओरली धारा न चौरली बौकरी २ ।
पोरली धारा न वीणा ॥
तौ निहालदै, निहालदैया खापरा हुआ ।
ओ ऐबै किहो मूँ जीणा ॥



(५९)

म्हारै वोला लो वेद रामा ठाकरा ।
लाड़ी लाई लोकै रुआणी ओ ॥



(६०)

भेड़ाचारी बोला बौफरिये ।
ओ माँहूँ नागै रै वीणा लो ॥
माँहणू बैणा बोला छोकरैयो ।
भ्याणसरा उठी नी सोणा ओ ॥



(६१)

घौरा न भेजी शोभी टालटी ।
गोभी नीटालदी लिण्ढा भालदी ॥



(६२)

लाणा चान्दी रा ।
ओ जूटू मणिए । जूटूए तेरै सो ॥



(६३)

गिरू पाणी री जूनी ।
बौखे म्हारै गराऊँ आँ ॥



(६४)

लाड़ी शहाऊँ लिए ।
तेरै मौयै, री विन्दी ।
कैण्ढी बाँकी सज्जदी ॥
ॐ ॐ

(६५)

कला शोहरू लागा रोंदा ।
कला शोहरू बागा रोंदा ॥



(६६)

मोंझ बजारान झोड़िया पौई ।
बाबु लोकै री जो ॥२॥.....



(६७)

नाथू री बागान फूलू पुदीना ।
भाग देईए डोल्हरू धोना ॥



(६८)

घौरा बै जाणा सवित्रा ।
चौलै घौरै बै जाणा लो ॥.....



(६९)

सीता लाड़िए सीता लाड़िए ।
सिखड़ू जोड़ू लोमी ढाड़िए ॥



(७०)

बाल्ह फूक रुड़िए बोला रुड़िए ।
चौलै ऊझी बै जाणा ॥



(७१)

दासी लाड़िए पौट बुणूना धारा ।
जिन्दैन नी धीना फूलारा डोलहरू ।
मौरिया फूलै री हारा लो ॥



(७२)

भाणजिए सड़कै सोई रौणा ।
एकी साँजटू पाँधै ॥



(७३)

ओ मेरियै गोलिए !
ओ मेरी बन्दूकै !
शामा मारु लोकै री झीकै ओ !!



(७४)

हौरा बगिचडू रैड सेउआ रा ॥२॥
ऊझी नी बौसणा कौम खेउआ रा ॥२॥



(७५)

नाइलूनै री चैपली चूड़ीदार पजामा ।
छेकै केर भाभिए जाचा बै जाणा ॥



(७६)

हौरी डालिए त्रासणिए ।
आई लोड़ी वोला धानैरी सेरी ॥



(७७)

झेची शोभली ऊझी मनाली री ।
रीश नई बोला साली री साली री ॥



(७८)

चोले, टोपे कल्गी कूलू रा बाणा ।
चोले बोला प्रीमिणे कूलू वै जाणा ॥



(७९)

कीना बै गोखडू कुणिए वै धीने थी !
ओ ओ २ झूरिए तौभै धीने थी ॥
जोंघा बै सुथण कुणिए धीनी थी ?
ओ ओ २ । झूरिए तौभै धीनी थी ॥



(८०)

आगे न नौचलै वान्दर बान्दर !
पिछै न नौचलै मूणी ।
छेका कीत गाणिए ।
ऐसा ऊनै री पूर्णा ॥
हुणनी थी किछ गला ।
जुणा नीऐ दूणी ॥.....



(८१)

सेऊ बागै री पूनिए ।
गोरुऐ चोड़ी तारा ॥ सेऊ.....

जापु नौठी तू छौली रै छैता ॥
(ओ) गोरू नौठै ठींगे रैं जुआड़ा ॥



(८२)

होछै बैडै भाई री सायलि ओ ॥
कुलू छौड़ी चम्बै किबै जाणाओ ॥
शुणा २ मेरै भाई खरा अलियो ॥
माहू छौड़ी भाज्जी किबै खाणीओ ॥



(८३)

कार शेटी हणोगी रै नाला ओ !
ओ लता ठाकुरा म्हारै बज्जीरा ओ !!
कोठी पाई रांघड़ी नाला ओ !
ओ लता ठाकुरा म्हारै बज्जीरा ओ !!



(८४)

ओरै वी ऐ गम्भरा ।
पोरै वी ऐ गम्भरा ।
मौझै २ गम्भरा बाई ।
मौझै २ गम्भरा बाई ॥



(८५)

म्हारै देउआ बोला शिवजिया ।
तेरी जैया जैया कारा ओ ॥२॥.....

चून्है धिरै बोला खाड़ा बजारा ॥
ऊँझै बोला भेरवली धारा ॥



(८६)

ओ देवी रेणुका रेणुका ॥
द्वार आए तेरै लोका ॥.....
अर्जा करै म्हाारी प्रूरी ॥
ओ देवी रेणुका रेणुका ॥
आशा रौही म्हाारी अधूरी ॥
ओ देवी रेणुका रेणुका ॥



(८७)

चामुण्डा धारा रिए भगवतिऐ ॥
पाई लैणा दर्शण तेरा भल्लिए ॥.....
भला, भला, भला भला केर भल्लिए ॥
चामुण्डा धारा रिए भगवतिऐ ॥.....
बार बार द्वार एणा आसा भल्लिए ॥
चामुण्डा धारा रिए भगवतिऐ ॥



(८८)

ओरै दै भाभिए मेरी दाची ॥२॥
देउआ नरौइयणू पाणी पाची ॥२॥
पिढी सा तेरी सुथण ढिली गाची ॥
ओरै दै भाभिए मेरी दाची ॥



(८६)

नौउवीं कराहड़ी रा बिण्डा ओ गाडी ।
नौउवी कराहड़ी रा बिण्डा ओ ॥.....
मेरी रिपोट मात देदा ओ गाडी ।
मेरी रिपोट मात देदा ओ ॥.....



(६०)

घौरा पिछे बूटडी झाँघटी घौणी ।
आई लोड़ी जाल्पा एदीं किबे नई ॥
भूखे री बौकते शोखे फुटी कौकड़ी ।
संघे आणी जायारू पाणी बोला ।
भाऊआ विदिया संघे आणी जायारू पाणी ॥
संघे आणी जायारू पाणी ॥



(६१)

तू शोहरी बाहले री ।
हाऊँ उझी रा झेचा लो ॥
बेटी हुई बोला बडड़ी २ ।
छेका शाहुरे भेजा लो ॥



(६२)

हाइयें बोला लो मौहरिए ।
खोड़े रे बुटडू हेठे लाऊ शडाका ।
हाऊँ आणतू नरेलीन तमाकू भौरिया ।
तुसे तां ढोई बेशिया गेहूँ फडाका ॥



(६३)

बल मेरी गदणी ।
धाना जो बाढणै ।
सहाऊगी सहाऊगी ।
जाणा ओ जाणा ॥२॥



(६४)

टिकमै रामा पटवारिया ।
बन्दोवस्त लागा लो ॥
ओ मलाजम बोला सस्कारिया ।
माहवारी हौंदैया सोढी लो ॥
सोढी खाइया बैणू हजारिया ।
ओ कौमा बै बोला बमारीलो ॥



(६५)

घौरा पिछै पौऊ जंगल ।
ओ गार्डा बूटी टाँकाणी ॥
मूं एणा बोला छीड़ी बै ।
ओ गार्डा बूटी टाँकाणी ॥



(६६)

मोठ ता शराब रौहू मेरा ।
खाली कप तेरा बिम्बलो ॥२॥
बिम्बलो री आई मोटरकार ।
खाली कप तेरा बिम्बलो ॥

बिम्बलो रा लाड़ा ठाणैदार ।
खाली कप तेरा बिम्बलो ॥
धारा पाँधै होटल मेरा ।
एन्दी जाँदी रौही बिम्बलो ॥



(६७)

एक शड़ाका भाँगी रा मारी ।
हिपणी सैधै लाणी यारी ॥
भाँग बेचणी शुड़क शुड़क ।
फौरना बै जाणा मुखत ॥.....



(६८)

बैडै साहिबा रिगे बीबिए ।
मुँभै लागणा तेरा बूरा ओ ॥ बैडै.....



(६९)

बुढलू मामा भगतुआ ओ ।
चौल चीनी मारदैं जाणा लो ॥



(१००)

तारा लाड़िए उत्तमीऐ ।
चौलै वोला पोढ़दैं जाणा ॥
हांईऐं तारा गाणिए ।
पोढ़दैं - लिखदैं जाणा ॥



[१३१]

(१०१)

आगै ता आगै चौली ।
डोलमा सेवका ।
पिछै कालिज सारा ओ ।
आगै ता आगै चौली ॥



(१०२)

शुणै शुणे कान्हा लाड़िए ।
उत्तमी ए पौढदै लिखदै ज्ञाणा ॥



(१०३)

सोह केरै गे बाहमणिएँ ।
सदा नी भर जवानी तेरै सो ॥



(१०४)

तुला लाड़िए तुला लाड़िए ।
ठौरा मारी सोऊआ पारिए ॥
तुला लाड़िए तुला लाड़िए ।
जेठिया दड़ाऊ ठुंगी कराहड़िए ॥
शुणै शुणै तारा लाड़िए शोभलिए ।
तेरै लागा दौदै रा चाऊआ ॥



(१०५)

लाल चीड़िए सेरी बै ज्ञाणा ।
बोला सेरी बै ज्ञाणा बोला सेरी बै ॥



(१०६)

उड़ी जाणा बसन्तिऐ तेरा रुमाल ।२॥
तेरै चान्दी रै काँटे ता एतरी मजाज ।
अगर होंदै ए सुन्है रै ता केरदी कमाल ॥
उड़ी जाणा बसन्तिऐ तेरा रुमाल ।२॥



(१०७)

जोड़ी मौगरू मौझै तलाई ।
सुखै री मौजा टीकरै बाई ॥



(१०८)

बेली रामा गुड़ू गुड़ू रा बाजा ।
बेली रामा गुड़ू गुड़ू रा बाजा ॥



(१०९)

गुठा केलहै लागा थी ।
बुद्धी सिधै री कताबान ।
खेवा चौलू भरती ।
जाणा हीरा दासिऐ ॥
एक छुटी याणी बालगा ।
दुजी छुटी बुढली आमा ।
पौजा बीरा वै ।
देणै जोऊल वीकरू ।
खेवा लोड़ी घौरा बै फिरू ॥



(११०)

आंगा फुली मालती ।
 चुंधी कुणो दुहरे ?
 धारै २ सौती केरी औण्ढणा ।
 धारा पौडले खोभै ।
 नालै २ केरी औण्ढणा ।
 तेई जाइरू पाणी र लोभै ।



(१११)

दुई दूहरे रा कण्ठा प्यार ।
 जोणी घोणी मौसरै री दाल ।



(११२)

जुन्है धिरै जौउली माहुला ,
 उझै खडै शराचा ।
 जोखि बैठै तें झ री र रौथडू ,
 हुई बिहणी देऊऐ री जाचा ।



(११३)

तुली शहाऊली चन्दू गोऊ काला ।
 हंस लंगो तोषदा फागडे डाला ।



(११४)

ओ लोड़ी शानता ।
 चौरदाणि रा बेजा ।



(११५)

शूकी धारा रै गोरू ओ ।
आमा मेरिऐ नैई चारिदै ॥



(११६)

आपु ता थिए तू शोभली ।
तेरा लाड़ा काला भल्लिए ॥



(११७)

म्हारै भाणजा गोकल नन्दा ।
गिन्दू आली खेला ओ ॥



(११८)

म्हारै ठाकरा सत्त प्रकाशा ।
कुलू केरू पियाशा ओ ॥
शाला टोपी रा लागा तमाशा ।
कुलू सदाए जाचा ओ ॥.....



(११९)

म्हारै बज्जीरा गौड़ा ओ ।
कैदी नी मारी फौड़ा ओ ॥



(१२०)

एसा डेहरी हेरी कुण बौसला ।
साधू बौसला एसा डेहरी हेरी साधू बौसला ॥



(१२१)

सेऊऐ रा सीःजन लाणा बोला गुड़िए ।
सेऊऐ रा सीजन लाणा तेरै सो ॥



(१२२)

शुणै नृपिए ओ लाड़ी नृपिए ।
लोका रा शोहरू मारु मुकिए ॥



(१२३)

ऐण्ढी की उठी ओ नाथिए ।
ऐण्ढी की उठी ओ ।
बोतला फुटी ओ नाथिए ।
बोतला फुटी ओ ॥



(१२४)

ओ धौणी नी बुझदा गरीबा रा जौर ।
ओ गरीब नी बुझदा धौणी रा घौर ॥
ओ निकमी लुआदी रा की पुछणा हाल ।
ओ हिक्का बै हिक्कट दिला बै कदाल ॥



(१२५)

एक दूई लोड़ी आपणै शोहरू ।
थोहड़ै जै शोहरू बाँकै ओ ॥



(१२६)

तौभै देणा बोला रेशमी सूट ।
बोसै भल्लिए बोसै भल्लिए ॥
ओ बोसै भल्लिए बोसै भल्लिए ।
ओ बोसै भल्लिए बोसै भल्लिए ॥



(१२७)

हौथड़ुए धोंदिए मुण्डकुए धोंदिए ।
आराशी बिसरी बाई ॥



(१२८)

थोड़ा २ पूछ ओ ठणैदारा ।
देवा देवी कुणिए मारी ओ ॥



(१२९)

पाणी रा लोटा ओ भाई रामा ।
पाणी रा लोटा लो ॥
समा ओ खोटा ओ भाई रामा ।
समा ओ खोटा ओ ॥



(१३०)

धारा पाँधै जंगल शांघटी घोणी ।
घोणी लाड़ी नीरमा छमछड़ु कुआ ॥
होछी तेरी जीन्दड़ी ती केतरै जीणा ।
जीणा लाड़ी नीरमा छमछड़ु कुआ ॥



[१३७]

(१३१)

धारा पाँधे शोभला माता रा मन्दर ।

ॐ ॐ

(१३२)

भेखली धारा रिऐ भगवतिऐ ।

ॐ ॐ

(१३३)

जीलै गार्डी ओ ।

लाड़ी ता शोभली कमला ॥

ॐ ॐ

(१३४)

हिन्दुस्ताना बै जादी मेली ।

फूट पाइया फिरंगी भगी नौठे इंगलैड ॥

झौशुंए ऐगं लो इंडियन लैली ।

कौखै होला सौ म्हास इंगलैण्ड ॥

ॐ ॐ

(१३५)

झेची मामिए ओ ।

लुडबड़ांदी दाची ।

चौलै बोलै गाहूबै जाणा ॥२॥

ॐ ॐ

(१३६)

तौटंकी गीत

बुढलु मामा लागी ।

पेटा दाह - पेटा दाह ।

[१३८]

बडी नुहशै छौशिया दै ।
होछी नुहशै लौतै बाह ॥१॥



(१३७)

पूइदै री खापरो रै ।
पेटा दाह - पेटा दाह ।
हुआई री तैइयै भेजूंदा सा ।
तूई बै ओकती ।
खट्टी छाः खट्टी छाः ॥२॥



(१३८)

कुंगू डोरी बाहरत-बाहरा ।
माघा महीनं बाहरत बाहरा ।
खिचड़ी खाँदिया बाहरत बाहरा ।
कुंगू डोरी बाहरत - बाहरा ॥



(१३९)

“चुट जलाड़िये चुटै चूट ।
तौभै देनु सुनै रा थूप ।”
“नैई चुटणा-नई चुटणा ।”
“तौभै देनु गुगल धूप ।”
“नई चुटणा - नई चुटणा ।”
तौभै देनु मौलै पा थूप ॥”



(१४१)

महा देंऊऐ री हेसणिए ।
 देऊ पुजू रौंगू रै बागा लो ॥
 ओ थोड़ै पुछै देऊ देवतै ।
 बोहू मौथै रै भागा लो ॥.....
 ओ कौसरी केरनू निन्दिया २।
 कौसरी केरनू श्लाघा लो ॥
 ओ झूरी रहाशी कुणी देशावै ।
 एवै कुण तोपणा खागा लो ॥.....
 ओ कौण्ढी बेठी नू बिहूदी लो ।
 खड़ी हुई बिहागा लो ॥.....
 ओ मिली जुली रौहा मेरी हेराणिए ।
 नी चोड़ना झूरी रा धागा लो ॥.....

(१४२)

हार गुंघै मालणिए ।
 पैसै देणै चार ॥.....

(१४३)

पिणी पिछै बोला पिणसू २ ।
 चौहुकी पिछै मलाणा ॥.....

(१४४)

ऐंढै ता नी मौरना थी सेसू पुहाला ।
 भेड़ै शेठै पात्थर हेठै ॥.....
 भेड़ा चारी चन्दरू सेठै ।
 ऐण्डै तानी मौरना थी सेसू पुहाला ॥.....
 ओ सेसू नौठा गाजी बोला मौरिया ।
 कैण्डै हेरदै परमेशर बेठै ॥.....

(१४५)

बोला लछी रामा बाह्मणा ।
 नारद नौई रै बौढ़ा ॥
 खन केरू लछिए ।
 पौऊ आपू की नौई रै बौढ़ा ॥
 किता होला तू घौरा रा लाडला ।
 किता होला तू घौरा न डौरा ॥
 न सुख केरू पेऊकै न शाहूरै घौरा ।
 सूर चाकटी पी-बाह्मणै नागणी रै सौरा ॥

(१४६)

लाहूली पिणै २ री लागी ।
 रयंगै री बागर ठण्डड़ी लागी ॥
 सिंग २ मिगू चम्बैता पांगी ।
 लाहूली पिणै २ री लागी ॥

(१४७)

पांगी पौकी थांगी ।
 लाहुल पौकू जीरा ॥
 मन रखणा धीरा ।
 ओ धीरा ओ धीरा ॥

(१४८)

सुलहे नौच म्हारै धौणिया ।
 सुलहे नौच साहिबा ॥
 अगिए काटी भेड़ा बोकरी ।
 पिछिए खोली खोला ॥

(१४९)

म्हारै बोला लो हरी कूटा ।
पीऊँनी मिमै बन्दोवस्त छूटा ॥.....

(१५०)

तू ठैगी अछरिए तू ठैगी ओ ।
कम्पणी रै बाबुए तू मारी ओ ॥

(१५१)

कोढ़ा २ कोट मेरै गदिया ।
रुहमै २ सीणा भला ओ ॥.....
मुखुमुलै रा थान मेरी पूर्णा ।
रुहमै २ सीणा भलिये ॥.....

(१५२)

भाभी रा देऊरा बड़ा बेऊरा ।
सोन्हा की खाणा बोला लेहुरा ॥.....

(१५३)

हांडै मेरै रुपणू पुहाला ओ ।
भेड़ा मूँई घौरा किहां जाला ओ ॥.....

(१५४)

छै केरलै छेलुआ ।
दौहरै नाला ॥.....

(१५५)

नीलमा बोला नीलमा ।
शाड़ा लागा सिलमा २ ॥.....

(१५६)

महाराणी त्रिपुरा सुन्दरी ।
रौथ पिढुआ लागी दसमी ॥.....

[१४० बी]

(१५७)

रेलमा रंग बदले ।

रेलमा री आई मोटरकार ॥ रेलमा ॥

(१५८)

भाई साहबजी ! भाई साहबजी ।

केलंग का बिजली झीलीमीली ॥

(१५९)

ओ थिपू, चित्रा पौटू दै सरला ।

मूं भी नौचदै जाणा मेरी लाल हुंगिए ॥

(१६०)

पौटू आलिऐ भाणजिए ।

पौटू लाणा की साड़ी लो ॥

(१६१)

ठण्डा जायारू पाणी ।

एक घड़ी बेश सजना ॥

आसा नौचदै जाणा ।

एक घड़ी बे सजना ॥

कुलू कीजिश बाणा ।

कुलू पौटू रा वाणा ॥

(१६२)

ऐजै म्हारी मनाली बै ओ ।

आसा ठण्डड़ी लाणी ओ ॥

(१६३)

की सौदा लेणा डे साहिबा ।

की सौदा लेणा ॥

हीगं मसाला डै साहिबा ।
हीगं मसाला ॥

(१६४)

झूरी तुरी आंधरै बाहरै ।
तोड़ी बोला पिण्डै न सारै ॥
लिण्डु कीडै रै चटकै २ ।
लोमी सराली रै फेरै ॥

(१६५)

धारा पांथै बोला पिपणी बाजो
डुघै नालान ढोला लो ।
कुलू देश बोला शोभला लागो
देश दुनियें हेरो लो ॥

(१६६)

धनै २ बोला कुलू री घाटी ।
मुख मुलै री धौत शोभली माटी ॥
एज दिलड़िए जाचा बै जाणा ।
कुलू घौरा २ देऊऐ री नाटी ॥

(१६७)

जाचा बै जांदी हौथा झलांदी ।
ऐंदै जान्दैया कौकड़ी खांदी ॥
कलिजुगै री होछणी २ शोहरी ।
लागी घौरा बौसदी जांदी ॥

(१६८)

इन्हा शोहरी बै ऐण्ढा की हुआ ।
शोभली शोहरी बहकदी जांदी ॥

लागा निछी कौसी कौमा न रेऊआ ।
बागै री चिड़ी फूला २ उडदी जांदी ।

(१६९)

गला तेरी मिठी मिसरी ।
होछी तेरी निष्ठी २ ॥
झूरी मेरी किबै बिसरी ।
झूरी मेरी किबै बिसरी ॥

(१७०)

शोभली शोहरी कुणी री सा ।
आमा बापुए बोलूँदा सा ॥
तोपेई कोई शोभली छोकरी ।
व्याह तबै आसा तेरा केरना सा ॥



कुछ प्रसिद्ध हिमाचली गीत

(१)

शिव कैलाशों के वासी ।
धौलै धारों के राजा ।
संकट २ हरणा ॥
ओखी २ घाटी प्रभुजी ।
बिगड़ा जे पेण्डा ।
समझ २ पग धरना ॥

(२)

हे कांगड़ा धौली धारा ।
मथ्याजी मन्दिर बनाया ॥

[१४० ई]

ऊँचे २ पर्वत मय्या ।
भवन जे तेरा ।
शेर भरा ललकारा ॥
मय्या जी बैकुण्ठ बनाया ।
हे कागड़ा ॥

(३)

रेणुका महा माइऐ २ ।
बोऊ तेरा जागरा रेशु ।
तेभै केरु वांका देशु ॥

(४)

तेरी बंसी रा नजारा ।
ओ कृष्णा तेरी वंसीरा ॥

(५)

आगै बोला कृष्ण चालु ।
पिछै गोपियां रा जालु ॥

(६)

सेंहा जी कैसी बांकी घड़ियाँ ।
गूगा राणा जनभेया ॥

(७)

विपदा निवारण भगवान्
चिन्ता मन तारे ।
काहै को चिन्ता करै ॥

(८)

महल बनाया ओ मोहणा,
तेरी सौके दा ।

[१४० एफ]

काला उड़ी जाणा ।
ओ पिजड़ा काली रैणादा ॥

(९)

घिर २ आऊदियां ने ।
मेरै चम्बे दियां धारां ॥

(१०)

गल सुणी जा अड़िए तिजोमेरी सौंह
चौड़ै मैदाना डुंघी जे घाटियां
देऊवा रे मेलै सौऊगी नचणा रा चाव ॥

(११)

निर्मण्डा रिए बामाणिए, ।
पया बर्खा रा छाला अड़िए ॥

(१२)

राजै दिये बेड़िए ।
सोतण तू मेरिए ॥

(१३)

धारा माथा लागो खोपरी मामा ।
..... ॥

(१४)

निहलमा भई निहलमा ।
..... ॥

(१५)

अगंना में बोलै काला का ।
सईयां आवो न मोरै द्वारै ॥

(१६)

उड़ी जाइयां कागा लइजाकै संदेशा ।
कंत घरा उच्चियां गढ़िया ।
मैं ता मरोड़ू तेरी कालियां चूड़ियां ॥

(१७)

माए नर्न मेरिए ।
खेडण दे दिन चार ॥
कतदी कतादियां पूणियां जे टुटदियां ।
तगड़ियां ते दिन चार ॥

(१८)

गंगा दे नहौणै जो जांदा ओ ।
मेरै मोहणा वृथा लैदा लोटकु ।
काछा लैदा धोती ओ ॥

(१९)

पिया संग खेलाँ मैं होरी २ ।
मेरिए सकिए नड़ाने ॥

(२०)

जा २ कागा लाइके संदेशवा ।
अज मेरे कैता जी घर अरुणा ॥

(२१)

गलां होई बीतियां ।
घआडुए पछाड़ए ।
कजो झाँकादी..... ॥

(२२)

आण भरणा ओ मोहणा ।
तेरै भाइऐ री कितिए ॥

(२३)

बारा जे बसे कंत घर आया ।
आई बैठा मरुऐ दी छाया ॥

(२४)

पार बोलो ढकारी रिदुआ ।
नाला बोलेया शुक्रुआ मेरा ॥

(२५)

सांडु रे मदाना झीलारापाणी ।
..... ॥

कुलवी नाटक पोषा मिहने री दियाली

पहली झांकी

दुई पोत्रू : जुणा दसा न बाराह वीर्ये रै हौआ सी आपणे
खापरै दादु बै बोला सी) : दादुआ ! दादुआ !
दियाली कैण्डी हौआ साड़ै ? आसै नी भाली दी ।
आसा बै दसड़ै !

दुजी झांकी

दादू : ऐण्ढा केरा तैत्रै दुहिए पेहिल खूब घियाना पाआ
ता आपणी या न भौरलू भौरिआ बौड़ै-रोटी
आणा ।

दुहै पोत्रू : ऐह लैड़ै दादुआ, आणै बौड़ै-रोटी ! खा ता
खिया । (त्राहै माऊलू खाआ सी ता खूब
घियाना वी पाआ सी ।) ऐबै केरना की डै
दादुआ ? दस आसा बै तू ।

तीसरी झांकी

दादू : शुणा तुसै दुहिए मुंभै किरड़ै भीतरै पाआ । ता
हाऊँ जे जे बोलनू—सौ. सौ बोलदै जाइत । जा
खूब शघड़ा पौड़ला ता मुंभै पीठीन चक्रिआ
शैघड़ै फेर घुमाँदै जाइत ।

दुहै पोत्रू : (दुहै आपणै दादू बै पाली, पालिए किरड़ै भीतरै पाइया पीठीन चै का सी) हाछा दादुआ ! चोल तैवै तू की बोला सा ?

चौथी झांकी

दादू : हो होड़ै हो, हो ! हो होड़ै हो, हो !

दुहै पोत्रू : हो होड़ै हो, हो ! हो होड़ै हो, हो !!

दादू : हुई दियालिए हूई ।

पोत्रू : हुई दियालिए हूई ॥

दादू : ओ शुणाड़ै ! म्हारै फाड़ै न भेड़-बौकरी सूई ।

पोत्रू : ओ शुणाड़ै ! म्हारै फाड़ै न भेड़-बौकरी सूई ॥

दादू : पारलै बेढू रै फाड़ै न कुत्ती सुंगरी सूई ।

पोत्रू : पारलै बेढू रै फाड़ै न कुत्ती सुंगरी सूई ॥

[तां बै दादू रै किरड़ै रै सौण्डै खूबा सी ता सौ बोला सा सचिए । पोत्रू बै धोखा लागां सा झै दादू जे जे बोलणा सा सौ २ ए बोलणा पौऊदा सा । दुहै पोत्रू तेई री दाही बैनी विज्रदै । इसी दादू रै दादू नजर ऐजा सी । पर पोत्रू कौखै मना सी । दादू रोणै बै हौआ सा । हारी-फारिया किरड़ै न बाहर छलाहग मारा सा ता शीठै लैइया पौक्षू बै बुरी २ गाली ठोका सा । पर पोत्रू वी तैण्डा २ ए केरा सी । खरै केरिया । ढिमिया सी आपुन । लेरा-कचीचां संघे ग्रां रै लोका ढाबिया सी । बोला सी झै मुशै आयी शाहै पराणै बराली-बै हुआ खले-उड़ा । सौ ए साःब आखै हौआ सा । ग्रां रै लोका फिरी तिन्ह बै जाझा सी ।]

पांचवी झांकी

दादू : आइया हो सौण्डा खूब ।

दुहै पौत्रू : आइया हो सौण्डा खुवू ॥

दादू : आइया डै मौरा ।

दुहै पौत्रू : आइया डै मौरा ॥

दादू : तुहरै या बा रै खाणै ओ ।

दुहै पौत्रू : तुहरै या बा रै खाणै ओ ॥

दादू : दाह उठी डै मेरै ।

दुहै पौत्रू : दाह उठी डै मेरै ॥

[दादू शहाकडू भौरिया गाल-दोपड़ देंदा जा सा ता
दुहै पौत्रू वी तैण्डै २ बोलदै जाआ सी । ऐण्डै तरह खलेउड़ा
बधदा जाआ सा जां ढौई ग्रां रै लोका नी दुही पौत्रू बै सम-
झाँदै] ।



(लघु एकांकी) बड़ा बौड़ा

पहली झांकी

[औधी जंहीं ब्रै सै रै दूई दुहरू सी । लुआदो नहिंदै सी । आपुन बडी झुरी सा । दियाली रा दिहाड़ा सा । झाँफू मौला रा किडी रोपै न पैरिया घौरा पुजा सा । ता तेई री झुरी 'कोहतू' दियाली रै तोलवी रोटी, बौड़े बणादी लागीं दी सा ।]

दुजो झांकी

झाँफू : ओ कोहतुआ ! ओ कोहतुआ !! की लागीं दी सा ए केरदी ? (सरोई वैजाआ सा)

कोहतू : हाऊँ सा डे बौड़े रोटी पकादीं लागीं दी चूली हागै । एज भितरै-ता तौतै २ बौड़े रोटी की खा ।

त्रिजी झांकी

झाँफू : (भितरै तुरदैया) की ए कोहतुआ तेरी चूली ता सा ठीक ! (दियाली न ठठा चौला सा । केरासी)

कोहतू : (तैथू हौथा न लैइया) खोषड़ै मारना थो डे तूतारुं । तौभै लौज शर्म की सा की नैई ?

झाँफू : नईएँ झुरिए । मैं ता तेरी लेसुवी-दुशवींदी सरोई
री गल केरी । तेरा आपणाए ख्याल तेरी आपणी
चूली धीरे जाआ सा ता हाँऊँ की केरतू । (शर्मिया
सा दयाऊणी) ।

कौहतू : ओ डै ओ ! तौ होली दियाली मनाणै री लागीं-
दी । औज नगर गनेड़ झै सा ।

झाँफू : औज ता लाणा सा ग्राई खिचिआ जिहुरू ।

कौहतू : फुकै थी तुसै मरध ! औज उध-कबाध बका सी
सेभ मरध । मां, बेटी ता बहणी वी नी लौजिदै ।
बाहलिया सी जैण्डे । हांज बौड़ै रोटी खा ।
(थाली रोटी ता बौड़ै देया सा)

झाँफू : एई तौऊए पांघे रा बड़ा बौड़ा दै ।

कौहतू : ए नी डै हाऊँ देंदी । ए ता मैं आपणी तैईएँ
बणाणा लाऊँदा सा । होछै एई खा । ए सा तेरी
तैईयै बणाऊँदा ।

झाँफू : मूं खाणा ता एहै खाणा ।

कौहतू : ए सा डै मैं आपणी ज्ञानी री तैईयै बणाणा
लाऊँदा । ए नी हाऊँ तौभै देंदी । तू केर बहणी
किछ !

झाँफू : शुण ! झै ऊँई बै नी ना देलो ता मोरना मूं ।

कौहतू : तू मोर बहणी एकी घेरे ऊँई बै नी हाँऊ कदो
देँदी ।

झाँफू : केर सवाहै । (कौन्हा पांधै दुहै हौथ डाहा सा)
 कौहतू : सवाहै डै । जाती तू राटू । (हौथै रा शारा केरा सा)

झाँफू : हाऊं लागा सा ओए झूरिए तबै मौरदा ।

चोउथी झांकी

(धौरनी बाहुड़ी पांधै लोमा पौड़ा सा)

कौहतू : उठ डै उठ । केरै नखरै । हाऊं ता रौजी तेरे
 इन्हा स्वांगान । खा होछा बौड़ा । (चकदी
 लागा सा)

झाँफू : तू मौजिए बहणी शेती चादर खौट ।

कौहतू : मूं सबाहै खौटणी सा शेती चादर ता बेहणा सा
 हेरी रौदै ।

झाँफू : तू मुंभै बड़ा बौड़ा दै । तां ढौई नी मूं उठणा ।

पौजवीं झांकी

(कौहतू शेती चादर खौटा सा ता लेरा मारदी बेहा सा
 पर बड़ा बौड़ा नी देंदी)

कौहतू : मै लाए डै ग्राई शदाने । उठ ! खा होछा बौड़ा ।

झाँफू : नई मूं खाणा ता बड़ा बौड़ा खाणा ते बहणी मुंभै
 शोहली पांधै किबै नी फुकलै ।

कौहतू : मूं केरना डै सचिए ऐण्डा । खा होछा बौड़ा ।

बड़ा बौड़ा नी हाऊं देदी तू मोर बहणी बिहा
घेरै । उठ डै उठ !

झांकू : नई खाणा मूं ता बड़ा बौड़ा खाणा ।

छौबीं झांकी

कौहत्तू : (ग्राई बै शदा साता शुड़क कौना न बोला सा)
पर झांकू नी उठदा ता रोंदी वेहा सा) लोका
वमाणन पाइया ।

सौतबीं झांकी

फूकणै वै नेया सी ता शोहली पांधै डाहा सी शुड़क
कौना न बौला सा) ।

औठवीं झांकी

उठ डै उठ । लाई हा मैं औग तड़ाणी ।
झांकू : तू बड़ा मौझिए औग । मूं खाणा ता बड़ा सौ
बोड़ा खाणा । होछा नई ।

नौथीं झांकी

कौहत्तू : लै तवै तड़ाई मैं एबै औग । एबै तेरै दादु बी
तौभै नजर एणै । हाऊं ठुरी सा घौरा वै । (ए
सब गला शुड़क २ बोला सा)

दसवीं झांकी

झांकू : जाँ बै झांकू बै सेक लागा सा । शौहली पांधै न
छलांव मारा सा ता जोरै २ बोला सा ।) होछै

बडहै खानू ! होछै बडहै खानू । (शमथानी हागै
होछै बडै लोका हौआ सी आएँदै । ते बुझा सी
झै मुड़दा हुआ ज़िन्दा । ए कोई भूत सा जुण
बोला सा झै होछै बडहै खानू । सब डौरै लाइया
दौड़दै दौड़ेयेया आप-आपणै घौरा पुजा सी । तांबै
झाँफू वी पुजा सा घौरा ।

ग्यारवीं झांकी

कौहतू : किढ़ै ! आऊ तू गोठू बणिया बौरा बै ॥

‘निभू’



(लघु एकांकी)

धगड़

卐卐

(लुआदी नहिन्दै औधी ब्रोसै रै दुई दूहरू सी । दुहै एतरै कमजून सी झै कौसी बै पाणी रा टिपू नी पियाइया राजी । जैबै वी कोई पाहुणा एजा सा ते जोरै २ झरिंगा मारदैया लौड़ा सी ता ढिमिणा कौढा सी । ढिस-पटाक केरदै २ घौरान बाहर निकला सी । दुहै तां ढोई घौरा नी तुरदै जां ढोई पाहुणा नी भैगू । एकी घेरै एक पाहुणा ऐजा सा तोई सघै की बीता सा सी तुसै हेरा ।)

पहली झांकी

झगड़ू : सोन्हा की खाणा सा डै ?

भादरू : घीऊ ता खिचड़ो ।

झगड़ू : मूँ ता खाणै दाणै वेढ़वैँ सिहड़ ।

भादरू : पुछा ए किजी वै सा ए । तू मेरी ता शुणदी नैई ।

झगड़ू : ओ डै ओ । परसिन्द ता तू भी केरा सा ना ।

भादरू : ओए ओ ! तबै तण्डाए केर ।

झगड़ू : हाऊं लागी सिहड़ बणादी । चोपड़ वी सा नोहू रोजा न ओरू काढ़ने वै हुआंदा । ता तेई वी कादतूँ । तू गोरू बे गाह-पौच दै ता छून-पाणी वी केर ।

भादरू : तौ ता नीए छून पाणी कराणी ?

झगड़ू : लौज डै लौज । (सिहड़ू बणादी लागा सा)

भादरू : काल नीए औज ।

झगड़ू : फेटै मौर डै । तौ हागै ता मिकम सिन्धी री गला
होआ सी । छेका केरी । तौतै २ दाणै वेढुवे सिहड़ू
न होआ स्वाद ।

दूजी झांकी

(दुहै आपणै २ कौमान लागा सी । भादरू गाहपौत्र
देइया एजा सा)

भादरू : (बाहरै पौटड़ी पांघै वेशा सा) आणताए
नरेली न तमाकू मौरिया ।

त्रिजी झांकी

झगड़ू : एह लै तेरी एया । ता ठऊँ २ केरदा रौह ।
(नरेली न तमाकू भौरिया आणा सा)

भादरू : केतरी बलाग सा ए । मेरै ता घिउए री बासा
संघं लाला लागी औलदी ।

झगड़ू : एकी तमाकू री बलाग साडै । (आन्धरै जाआ
सा)

चौउथी झांकी

भादरू : (तमाकू प्रिया सा । थोड़ी देरी बाद) ऐन ए ।

झगड़ू : कुणी हागै डै तेरी तेसा या हागै । (ठठा केरा
सा)

भादरू : तीन ता हुजतै हेरिया साए । मेरा मतबल खांदा
ऐनू की नेई । (गल बदला सा)

झगड़ू : सिंहदू ता बुआल । चौपड़ रीहू काढ़नै बै ।

भादरू : हाऊं आऊ जंगल पाणी जाइया ।

पौजवी झांकी

झगड़ू : लैघी मूँ वी साड़ै आई दी । (दुहै बाहरै जाआ
सी ता झगड़ू सरोई बै एजा सा ता भादरू तमाकू
पिया सा)

भादरू : किए हुई तयार ।

झगड़ू : कुणी बै लागांदा डै तू बोलदा ?

भादरू : तीभै मोऐ - सरोई बै बोलू मै ।

झगड़ू : एडै एज ! छेका केर । (जाआ सा सरोई बै)

छौहवीं झांकी

(जां ग्राह खाखीन पाआ सी तांवै एक पाहुणा ऐजा
सा) ।

पाहुणा : ओ घौर आलै ओ ! ओ घौर आलै ओ !! (दुहै
दुहरू नडिप निहारै न बाहरै निकल सी)

दुहरू : कुण सा डै ? की कौम सा ?

पाहुणा : ढौल आई सा ओ भणोइया ! ढौल आई सा ओ
दाइए ।

दुहरू : ढौल डै ढौल ! राजी-बाजी ता सा डै ।

पाहुणा : हमै सब सी ताऊण्डै तकड़ै उरमपुरै काडणी
आलै । ताम्है ठीक-ठाक ता सी !

झगड़ू : हाऊं आणनू नरेलीन तमाकू भौरिया ताम्है

वैशा । (झगड़ू तमाकू भौरिआ आणा सा ता
दुहै पीदे लागा सी । झगड़ू थोड़ी देरा बाद महा-
भारत शुरू केरा सा) ।

सौतवीं झांकी

भादरू : झगड़ू आ । ज़ाता औग भौरिया आण ता चिलमा
न । ए ता हिठी ।

झगड़ू : (चिलम हौथा न लैइया) । कि डै ! गौरू वै गाह
पौच धिना की नई ?

भादरू : नई ओ नई । लुणुआदा नी आथी ता देणा कौन ?

झगड़ू : तेरी या रै खसमा । ज़ा एबैज्जा । जवाड़ा सेरीवै
ता गाह आण लुणिया ।

भादरू : तेरै बाबै री जोइए । तेरी होछी फुटींदी सी । एवं
निहारै न ज़ाणा मूँ गाह लुणदै ।

झगड़ू : ज़वै तौभै पेहिल बोलू थो । तौन हेरिदा नी थी ?

भादरू : तू दस तैं रोटो-पाणी केरी की नई ?

झगड़ू : घौठै री कुल्ह थोड़े हौदैं ड़होसींदी । मूँ पिशण
किहां पिशणा थी । घौरा न पिठा ता न चाउल ।
ता न भाजी न दाल ।

भादरू : तैवै दिहाड़ी केरदो की रौहीए ?

झगड़ू : तेरी ते कौहत भेड़ा ता नुआली कुणी चारनी थी
डै ? तेरै तेई बाबा एणा थी ?

भादरू : घुठनून जौ ता पिण । पाहुणै वै झै ता रोटी
खिया !

औठवीं झांकी

झगड़ू : जौ सिए की ? हाऊं चौली पेऊकै वै (बुहार
चकिया भादरू रै चौढ़ै पांथै मारा सा)

भादरू : (भादरू झिकिया सा ता मुसल चैका सा ता
चौढ़ै न ढौका सा झगड़ू वै) । तेरै बावै री
जोइए चौलीदी कौवै ?

झगड़ू : (झिका संघै शोठै रा पटाका मारा सा) मूं कि डै
तेरी नोकरन वणिया रौहणा । हाऊं चौली
आपणी धर्म वहणी हागै ।

भादरू : (मुसल मारा सा) एह लै तवै । हारे खा होर
खा । (दुहै लौड़दै २ दूर भगा सी)

झगड़ू : एवै ता मूं, तौ भौरिया बी नी डै एणा !

भादरू : गोरू किए भुखै मारनै । तू ता सा परसतण ।
हांऊ चौलू गाहा आणदा । (किरड़ा दाची चैका
सा) (दुहै एकी दुजै पिछै भागां सी)

नौवीं झांकी

पाहुणा : (सोचा सा मना न) ऐबै की केरतू ! कौबै
जानू । रात बी बड़ी पौई । रस्तै न चोरा-डाकू
री बी डौर सा । तबै एण्ठा केरतू औखै रात
काटतू । होर केरतू की । शेला बी बड़ा सा ।

झोरी ताकी वी बन्द केरी नौठै । जुहरी ना गाह
री लीली जौन्दरै रीहनु तुरिया तबै । रात ता
काटणिए पोई लोमै सफरान भुख वी बड़ी
लागींदी थी । मेरी खरिए कौबै जानू ? (जहरी
न-तुरा सा)

दसवीं झांकी

झगड़ू : जाता डै हेर ता पाहुणा भगू की नई । (शुङक
बोला सा)

भादरू : (शुङक जाआ सा ता एजीया बोला सा) मूं न
ता नी हो हेरवा । तू हेर भला जाइया ।

झगड़ू : (टु टुप जाआ सा ता हटी एजा सा) झाकू डै
मैं । पोऊ डै पाँधैं कोइये नी आथी बेठां दा । नौठा
हौणा । खासी बलाग हुई । (पाहुणा शुणदा
रौहा सा शुङक)

भादरू : चोल तबै झुरिए । खाअम ब्याली ।

ग्यारहवीं झांकी

झगड़ू : हेरी हाऊं कैसी नार-चकी बुहार (आपणी शेखी
लागा सा दसदी) । (पाहुणा आगै २ सिका
सा) ।

भादरू : हेरू हाऊं कैसा बुसल-चकू मुसल (आपणी
भादरी दसा सा) । (पाहुणा दरवाजै हागे-
पुजा सा) । जाँ दुहै एक २ ग्राह धिऊवा न
चोकिया सिंहू रा मुँहां न पाआ सी । तां बै

[/ १५५]

पाहुणा टुपा-टूप दुई दूहरू रै मुण्डा हागै खडै
होइया बोला सा) ।

बारहवीं झांकी

पाहुणा : हेरु हाऊँ कैसा धगड़-बछाऊ हैठे बगड़ ।

: निभू :

‘ ॐ सत्सत ’



कुलुई एकांकी —

डुलकणू

स्थान : घर का वातावरण

पहला दृश्य

शुक्रू—ओ किमतुआ ! किमतुआ-कौ नौठिए तू ?

किमतू—आई डै-आई । आपणै एई शौधै वै धिख-राम ता देया कर !

शुक्रू—ओए ! ओ गोरू बै गाअ धोना कि नैई ?

किमतू—आपु दै डै । मेरै नी देईदां हाऊ हुई तौ हागै झैण्ठी हालण ।

शुक्रू—किबै ! बजिहाणिए, औज तू थमरुइं दी किबै सा ? झुरी संघै ता मैला दुणनी बुझिदी यै नैई ।

किमतू—झुरी संघै गैला केरने वै तू मेरा लगाए की सांडै ?

शुक्रू—किबै तेरा खसम होला न हाऊं ? माण्हू साही ता तें गैला दुणनीए बुझिदी ऐ नैई पता नी कुणीरा चेदू सा तोबै शौतांदा लागांदा ? हांऊ जैण्डै तेरा बैइरी सा !

किमतू—खसम झै होंदा तू-सा सूनहै रे डुलकणू नी देंदा ? छो शोहरू जौणै तौ संघै ! पर औज दीई डुलकणू नी देऊऐ तेरे बोले ?

शुक्रू—किबै ए हर्जा ता मौरू तेरा ?

किमतू—सौ घीना डै तैं ठींगा बै ! मेरी तैइयें तैं की झैं केरू ?
पौंजा शौऊआ रा जेऊर श्री केरूदा शटामा लिखदी
घेरै । सौ तंग ता धिना नीं ? लुब्धुए आपणी जोई
सुब्धू सुन्है संघै पीउली केरी ।

शुक्रू—देनु न देनु ! पर केरतू की । इन्हें झिगटैए मारू ।

किमतू—ओड़ै ओ छौ शोहरू हौणै ढौई नी धीनै फिरि किडै
तौ शौहली पांधै पुजिया देणै ?

शुक्रू—तू कि अ खापरी हुई ? हाजी ता जवान सा ।

किमतू—ओड़ै ओ पिछले खैसमा संघै भी पौंज शोहरू जोणै
पर तैइये वी किछ नी धीना । तैभै ता तौभै
बौसी थी हांऊ । जवानी न नी लाऊ-खाऊ तैबै किडै
बुडिदी घेरै लाणा-खाणा ? तेरी ता ऐहै मरजी
होली । तौ संघै ता जिन्दगीऐ बर्बाद सा । सम्हाल
ऐसा शोहरू री फौजा ता गोरू-बौच्छू ता भेड़ा
बाकरी-हांऊ ता चौली तेऊकै बै । हांऊ हुई उमर
भर इन्हा लिहरै झलांदी :

दूसरा दृश्य

स्थान—घर का आंगन

मुक्रू—प्रतापुआ ! ओ प्रतापुआ !

प्रतापु—किडै बाबुआ ?

शुरू—हांडै बेटैया-गोरू बै गाअ ता देडै तेरी सौ या ता नौठी रूशिआ पेऊके बै ।

प्रतापु—रेबतु, डुगलु लिह्त्तु ता ब्रेस्तुए बी सा झीं-झापड़ी पाईरी (चारों बच्चे खूब झगड़ते हैं आपस में और स्टेज पर आते हैं । किमतू भी थोड़ी देर में वहां पहुँच जाती हैं । और शुरू और प्रतापु उन्हें देखने जाते हैं)

चारों बच्चे-ऐहू या मातै ज़ांदी-बाबु ता आसै मकाणा ए ।
(किमतू को पट्ट से पकड़ते हैं तथा खूब रोते हैं ।)

किमतू—धौहड़ा डै तुसरै तेई बाबा बै ।
(सब चले जाते हैं और उतने में शुरू जो अन्दर चला गया होता है-मंच पर हुक्का गुड़गुड़ाते हुए प्रवेश करता है । तभी शुरू का मित्र रामदास आता है)

रामदास—किडै शुरूआ ! कि हाल-चाल सा ?

शुरू—राम ! राम डै बाहिड़ा !

रामदास—राम-राम भाई ! राम-राम ! औज तू मौथा ढोकिया किबै सा बेठांदा ?

शुरू—की दैसनु डै बाहिड़ा ? दिहाढ़ी थो बजिहै रै मौला वोहंदा, त्रकालै ढोई निह्च्छै छौड़ी बोला नबाड़िया-जा । ऐई बाँषै री थी आखीरी बगार देणैबै । तेसा बनाड़िया ए आऊ थी ऐबै पै । पर बाँझिए बी सी ऐंढै झै सारी कसर कौढ़ी । पीठी रा बी निकता लोषड़ा । सौन्हकी घेरै नी चाही बै बी पुच्छू ।

रामदास—लोचूआंदा ता सा ना पर औज किच्छ खासै गप
सा । एबड़ा दुःखी मैं नी तु कंदी बी बुझू ।

शुक्रू—ब्रेस्तुआ ! ओ ब्रेस्तुआ !

ब्रेस्तु—की डै बाबुआ ?

शुक्रू—तमाकू ता आण लै मौरिया (तम्बाकू भर कर लाता
है पीते हुए) काल राति न बाहिड़ा आसै आपू दूहर
न बादुए तुई पीछे लाई तेसै औज पेऊके बै ठौर ।

रामदास—बादुए किजो पीछे डै ? (तम्बाकू पीता
है तथा खांसता है)

शुक्रू—हांडै बाहिड़ा बोहू वीर्षा न औरू थी सौ डुलकणू
मौगदी लागींदी-ता शटामा लिखदी घेरै थी पौज
शौऊरा जेऊरे देणा केरुं दा । ता ते नी मेरे बोले
देऊए मुंभे लागी एबै झौंख ! पता नी एली बी कि
नैई । एकी घीरै लिहतू जवान हुई दी सा । घौरा रा
बेहणा मीठा ।

रामदास—तेरा बेटा जालफू की सा डै ?

शुक्रू—तेई रै बी सा काला न ओरू डांढा न दाह निकती दी-
औज सा ग्राहणू मिये हागै भेजूंदा सा ओकती री
तैईये । हटदैया एणा सा तेई 'या' बोतिए ।

रामदास—जालफू री या बौतिए कि तेरी या बौतिए डै ?

शुक्रू—नैई डै जालफू री या बौतिए। तू ता गाजी ठैठ पौऊ ।

(डुगलु लखड़ के साथ प्रवेश करता है)

डुगलू—बाबुआ ! हांऊ ता चौलूडै पिगणा पिगदा घौरठा हागै ।

शुक्रू—पशदा ता चौलू पर इन्हा नुआली बै बी ने चारने बै ।

डुगलू—हाच्छा तैबै झीफा जोन्दरे रोहनु चारदा हौरतै ता ए टेकदीए नैई ! (जाता है)

रामदास—जुवान जोई लोड़ी हौआ सा गाज्जी पतिआइया डाई ।

शुक्रू—सौ ता सा-बोला गोंठी न धेला-ता जोई लौड़ो थो ठेला । आपणी लाड़ी बै सुन्हें रुप पीऊली केरना कुण नो चाहँदा ?

रामदास—ऐंडी शोभली जोई तौभै फिरी मेलणी बी नैई ।

शुक्रू—बोला सो झै शोभली जो हौआ सा खतरे लायक ।

रामदास—खतरै लायक ना नैई खतरनाक बोलै ।

शुक्रू—हांडै आसै सी ना नपीढ़ ओष ।

रामदास—हाच्छा हांऊता ना चौलू । मुं सा कोहू धारे रै टेकु मिये संघे कौम । हैटदी घेरे आऊ ।
(जालफू का प्रवेश)

शुक्रू—किड़ै बैटैया-तेरी दाह कैढी ?

जालफू—हांडै बाबुआ तेई खसैईए दूईयै पूड़ी धिनी ओकती री खाणे री देरी कि एकै भांगरी छुटी शोधनो री दाह दुह नौठी सीधी पाकिस्नाना बै ।

शुक्रू—किड़ै तेरी सौ या किसी ।

जालफू—सौ भी आई डै बाबुआ, पर सौ सा मौला खोलदी खुड़ा न ।

(शुक्रू खुशी के साथ खड़ा होकर आवाज लगाता है)
धन भाग भाई ! देऊ नागै पेज्जी होली । किमतुआ ! ओ किमतुआ !

(किमतू पीठ में गोबर का किलटा उठाए प्रवेश करती है) 'किडै ? की गल ? झाँकुआ ता नी थी ? डुलकणू देई तू नी ता मै 'तू राटू ।

शुक्रू—जा जा आपणा कौम केर । शिरढ काहिका आऊ ऐवै नैड । तैवे होली गल ।

(ग्राम सेवक का प्रवेश)

ग्राम सेवक—की डै शुक्रूआ की हाल-चाल सा ? तकड़ा ता सा ?

शुक्रू—ढौल आई सा होज्जी ! (झुक कर नमस्कार करता है)

ग्राम सेवक—(उत्तर देते हुए) ढौल । तेरै केतरै शोहरू-शोरनू सी ? पाँज की छौह ?

शुक्रू—छौह सी जी ।

ग्राम सेवक—तेरे ग्रां न बोहुए लुआदी नी हीणें रा डाक्टरी प्रेशन केरू । तू किबै नी केरदा ? बोहू शोहरू होआ सी जानी बै झिगट ।

शुक्रू—पेहिले किबै नी जी बोखू ? झै ऐण्डा बी होआ सा । होआ ता होली एई सैमे न कैई गैला पर-आसा ओवा बै की थोघा ।

ग्राम सेवक—केरना तौ तैवै प्रेशन की नैई ?

शुक्रू—हां जी ! किबै नैई । किमतू ता हांजं दुहै सी आसै
घड़-घड़िए सुजणै न तंग हुएं दै ।

ग्राम सेवक—लै तैवै तोभे खुशखबरी शणानु ।

शुक्रू—कैढी खुशखबरी जी ? (अपने बेटे को आवाज देता
है) 'जाल्फुआ ! ओ जाल्फुआ !

जाल्फू—की डै बाबुआ ?

शुक्रू—तुमाकू आण ता डै लोमी ठुट्ठी न भौरिआ । ग्राम-
सेवक होरै खुश-खबरी लाई शणाणी ।

ग्राम सेवक—किबैडै तैं नी शुणी ? (उतने में जाल्फू का प्रवेश)

जाल्फू—हांडै बाबुआ सौहरा न एकी जीपा न धौतरू जेहें
लागांदा थी—तूई नी थी किछकी बोलणा लाउदा ।
किछकी २० सुतड़ी पोड़गड़म जैहें शुणुआ मूं न ।

ग्राम सेवक—हां ! हां ! ठीक बोला सा तेरा बेटा जाल्फू । औज
म्हारें मैत्री होरा नौ तोड़ा रै पैटै बोंडणे ता शिरड़
सैड़का रा उदवाटण बो केरना सा । किबै डै तौभै
नी ढौत हुई ।

शुक्रू—नैई ओजी ।

ग्राम सेवक—ता २० सूत्तरी प्रोग्रामा रै भुताबक २० फाइदै सी
गरीबा बें पजाणै लाएंदै । तूई रे मताबक मजारे
मालक बैगें ता जिमी रै करजै माफ हुए । एक ता
बगार निभी ।

शुक्रू—होर की-की सा झी इन्हां २० सुत्तड़ी न बौहूं वा ?

ग्राम सेवक—तौ बौहलदा लैणें बै, ता बेजै ता खादी लैणें बै करजा ता नी लैऊंदा ?

शुक्रू—किवैं झी बौहलदा लैणें बै थी—एक हजार रुपय्यै लै दे ।

ग्राम सेवक—ऐबै हेरी इन्हा ढैवए देंदा । ऐंढै एहै कर्जें ता माफ हुए । धौरा बणाणे बै, जरसी गाई ता हौला बोलघा लैणें बै कर्जें भेलणें ता होर बोहू किछ सा । गरीबै रै ता पौऊंवारै हुंए डै ।

शुक्रू—हां जी ! मैं ता पौंज शौऊए री पेहिलो किशत थी तयार डाहिं दी । किमतुआ ! ओ किमतुआ ! लैए शुण । खुश-खैवरी धाफा न झै पौंज शौहू रुपय्यै सी डाहें दे तूई रै तू आपुबं डुल्कणू आण माघू सनयारा न लैइया ।

ग्राम सेवक—ए गैला केरी त ना तुसै फिरी ऐबै । चौला एवै जाणा आसा राहीसण सेऊआ हागै । ता होर नौऊंई-नौऊंई गैला शुणा तुसै ऐबै तौखै मैन्त्री होरा न । तिन्हा दसणी ए सेभै गल्ला तौबे ।

(शुक्रू प्रसन्न होकर यह गीत गाने लगता है तथा उसका परिवार भी उस गीत में शामिल हो जाता है)।

ओ आगें तौ ओंढें ओ इन्दरा/पिछै औंढली बिन्द्रा ओ ।

आसै सी तौ संघै-संघै/छौड़ी आसै घौणी निन्द्रा लो ॥

ओ आगै.....

देशा बचाणै रा हेसरू लाऊ/इन्हा गरीबौ री तैईएँ लो ।

ओ आगै ॥

बीहा सुतरै रा सुतर फेरू/दीन दुःखी री तैईएँ लो ।

विपतै रे चेदू-भूत दूर भगाए/पेठी सुख शान्ति री गैया लो

ओ आगै ॥

— : इति चामुण्डा अर्पणमस्तु : —

‘ ॐ तत्सत् ’



तुजा खण्ड कहाणी

(१) रिछ ता माहणू

कौसी समै री गल सा ! एक माँहणू नौठा बौणा न छिड़ी आणदा । जां सौ छिड़ी रा भरोदू कछोइया धौरा बै लागंदा थी एन्दा-तांबै तेइऐ एक रिछ हेरू ।

विझ वौणान ता रौहू सौ जंघबड़ंघा दौड़दा । पर जां हेरू तेइऐ झै एबै बचणै रा मोंका नी रौहू । तेइऐ भरोदू शेदू ना फेटै ता झटपट धौरनी लौमा पौऊ ता आपणा शाह रोकू ।

रिछजा नेड़ पुजू, तेइऐ सौ आपणै शूठा संघै सिधू सारैन । रिछा बै बाशह हुआ झै ऐ मुअंदा सा । द्रौढ़ने बै तश रौहू नी । (रिछ जिन्दै माहणू बै द्रौढ़ान सा खांदा नी आथी । ढौगा भ्याऊ शेटा सा)

रिछ हेरू, ऐबै की केरतु एई रा । तेइऐ सौ उथड़ै ढौगा पाँधे नेऊ शैटणै बै । जां सौ माँहणू न आमै होइया लागंदा थी भालदा झै ढौग उथड़ा सा की नैई । तांबै तेई माहँणुए सिम्भरी हौछिए हेरू । तेइऐ ठोक एक लोता रा पटाका ता रीछ-राछ शेदू ढौगै भ्याऊं डुहौ नालान ।

ऐण्ढी तरह हिमती संघै तेइऐ सारे रिछ शेदू ता आपणी जान बचाई ।

(२) गोंठू ता गिदड़

एकी समै री गल सा एक थी गिदड़ ता एक थी गोठू । गिदड़ रोज़ बौड़ै-रोटी पकाइया डाहा थी दिहाडी एजिया खाणै बै ता तबै जाआ थी सौ कौमा हागै । एक गोठू रोज़ शुड़क चाणै तेसरै बौड़ै-रोटी खाइया भगा थी ।

एक रोज़ सौ जां दिहाड़ो घौरा बै रोटी खांदी आई, तेसै की हेरू झै बौड़ै-रोटी ता कोई खाइया नौठा ! भुख ता बड़ी थी तेसा बै लागींदी, पर केरदी की । सौ भुखिए कौमा पांघै भी नौठी ।

दुजै रोज़ बी ऐणढाए हुआ । ऐणढा केर दै २ या बोहू दिहाड़ै निकतै । पता निःछा लागी झै बौड़ै-रोटी कुण खाइया जा सा !

एक रोज़ तेसै स्कीम सोची । तैदी सौ तिसै कौमा हागैन डेरै (घौरा) बै आई । गोठ आंधरै तुरिया शुड़क रोटी खांदा लागांदा थी । तदी तेई बै भगणै नी मेलू ।

गिदड़िए पता लाऊ झै आंधरै सहा कोई शड़शड़ात केरदा लागांदा । तेसै शूका बाड़ ता गाह आपणै डेरै फेर आणिया लाऊ ।

हाका पाई, “ओ डेरैया । ओ डेरैया !!” कोई निःछा शुणी । जोरै २ बोलदी लागी, “ओजा ढाई ता ए डेरा रोज़ हाका शुणा थी औज किनै निःछा शुणी ! फुकणा पारै मूं ऐ डेरा । तेई डेरै रा केरना ए की जुण हाकी नी शुणदा ।”

गिदड़ हौआ सा बड़ी चलाक ! तेसै बोलू, “येक बार भी हाक पाइया हेरतू फुकणै न पहिल-कोई शुणला ता । ओ डेरैया !” गोठू ए केरी डौरै लाइया, “ऊँ” । गिदड़ियै

पछियाणू, “आछा ता तू साड़ै माऊए रैया खस्मा ! तैं एतरै रोज हाँऊ रोज भुखी मारी !”

तेसै तड़ाई झिकै लाइया औग । गौठू दियाऊणा जौलुदा २ जंगला बै भगू ।



(३) लेणै-देणै रै सम्बन्ध

एक बार लड़ाई लागी । सभी फौजी बै हुकम हुआ लड़ाई बै जाणैरा ।

सब आपणा २ सोठा-सभाला केरदै लागै । एकी जवानै टिकम रामै आपणी सारी कमाई फौजी कटीनै रै ठेकेदार नन्दू हागै जमा कराई । तेई दियाऊणै रै आगा-पिछा ता कोई थी नी ।

जवानै बोलू, “ऐही ठेकैदारा झै ता ना हाऊं लड़ाई न बचिया आऊ ता मेरी सारी रकम बाफश केरी । झै भाल नौठा मुँआ गोली लागिया ता रकम रौही तौभै ।”

तांबै विगुल बजू ता पलटना सँधै सौभी नौठा ।

बोहू अरसे बाद जबै लड़ाई बन्द हुई । किछ नौठै-भुँएँ ता किछ बचिया पलटना सँधै बाफश आए । तिन्हा मौं झै सौ जवान भी थी । सभी जवान बै आप आपणै परिवारा सँधै मिली जुलिया ऐणै री लोभी छहो मेली ।

टिकम रामै एन्दी घेरै जां आपणी रकम नन्दून मौंगी । नन्दू ता बाबा कतई मुकरुआ । गल निभी नभायी । बोहू-अरसे बाद भी लड़ाई लागी । तेइऐ भी तण्डाए केरु । ऐई फेरै टिकम-राम ना लड़ाई न शीद हुआ नन्दुए नन्द बुझी ।

नन्दु ठेकदारै रै लुआद नई थी होंदो । एई फेरै तेईरै एक चोच बी हुआ । बड़ी खुखी मनाई । चोच जां जवान-पतान्न हुआ । हेरना शुणना एण्ठा झै राज कुअर कौ पाणा !

किछ अरसै बाद नन्दु रा ऐ बेटा हुकम चन्द साथरै न पौऊ । रझ २ लाजकारी केरी निछा राम होई ता निछा राम होई । बड़ै २ डाक्टर बैद शदाए । रगेजै रै मुलरवान तंग नन्दुए मांहगी न मांहगी ओकती मंगाई । पर राम जी हुए ए ।

हुकम राम कमजोरी सघै थुकै तौल्हदा हुआ । ठेकदारै लाजकारी केरिया मन पतियाऊ । मोरदो घेरै हुकमचन्द आपणै बाबू नन्दु न पौज रुपय्यै मांगै ता ते कौसी होरी जवाना बै धिनै ता आपणै बाबू बै हुकम केरु केरु ? “शुणल नन्दु ठेकदारा ! तु जुणी माहवारी री मेरी कमाई बै मुकरुआ थी ना सौ मै औज पूरी केरी । हाऊँ सौऐ फौजी जवान टिकमराम सा । औज मेरा तेरा सहाव बेवाक । ता हाऊँ एबे चौलू ।

मेरा तेरा कोई सन्बन्ध नी रौह ऐबै” एण्डै हुणदै हुणदैया हुकम राम नन्दु ठेकदारै रै फाड़ै न आपणै प्राण धी नै ।



(४) भगवान् नेड हौआ सा

एबी घेरै लड़ाई लागी ता सभी फौजी जवाना बै हुकम हुआ झै शादी शुद्धा जवान आपणै २ टबरा बै घोरा छौड़िया एजा ता होरा मिली-जुलिया ऐजा ता फिरी पन्द्रा-रोजा आन्धरै २ बाफश एजिया लड़ाई बै ज्ञाआ ।

एकी जवाने री जवान जो सुजदी थी ता सौ वी तेसा
बै घोरा पंजांदा नौठा ।

दुहै रेला न वेठै । सफरा केरदै केरदैया तेई री लाड़ी
(जो) पहिली घेरै भारै न हौलकी ता हुई पर दयाऊणी जांदी
रौही ।

फौजी जवान घोरा जाणै वै नी रौहू । किबै झं तेईरी
छुट्टी निभो-ऐई तालान ।

एकी जंगलै रै स्टेशन न रेल रुकी । तेईए लाड़ी खाच
कोतिया पौथी ता तेसरै माँऊ डाहै नांगै ता जिन्दा चोच डाहू
तिन्हा माऊ संघै तड़ाइया । ता आपू बाफश होइया लड़ाई वै
नौठा ।

दूई, त्रा साला बाद लड़ाई बन्द हुई ता सौ जिन्दा-ज्रा
गदा कम्पणी बै बाफश आऊ । सभी फौजी जवाना वै आप-
आपणै घोरा जाणै री छुट्टी मेली ।

सफरा न सौ तेही स्टेशन पांधै उतरू किबै झं तेईबै आपणी
लाड़ी री बड़ी भारी याद आई । तेई रै मन निःछा मारुआ ता
सौ तेही खाचा हागै नौठा तेसा वै मिलदा ।

तौखे जाइया सौ की भाला सा झं तेईरा सौ चोच
माऊँ वी पींदा ला गांदा ता खेलदा पटिकदा वी लागांदा ।
थोड़ै जैह रोज ता सौ चोचै रा माऊँ संघै रा मोह छड़ांदा
रौहू । जबै मोह छुड़कू ता ताजी लाशै रै माऊँन दुध निकलना
भी आपणै आप बन्द हुआ ता लाश वी शौड़ी तबै जाइया तेईए
तेसा लाशै रै माऊँ दबाए ता आपणा याणा घोरा बै आणू ।

मौरिया वी मारी ममता ता भगवाने री माया पांधै तेई
वै बड़ी भारी हैरानी हुई ता सौ भगवाना रा भक्त वणू ।

ए हुई बीतीदीं गला सी कोई गप नी आथी ।



(५) राज़ै रै शीगं

कौसी ज़माने री सच्ची गल सा । एकी राज़ै री चोल्हीन एक शीगं लागांदा थी । ऐसा गला रा पता राज़ै री राणी वै बी नी थी । किबै झै शरमै रै मारै सौ आपणी पघड़ी कदी नी थी खोलदा ।

तेई रै नाई बै केलहै थी ऊँईरा पता जुण तेईरी ज़ामत बणाआ थी । राज़ै नाई बै बोलूँदा थी, “एई नाइया ! झै तैं कौसी संघै दसू झै राज़ै रै शीगं सा ता मूँ तेरा कोल्हू घाण केरनै ध्याणा सा हेरी”, राज़ा थी बी बड़ा भारी ज़ालम । दयाऊणै ज़ैह नाइए डोरै रै मारै नी कई साला कौसी संघै दसू । होर ता होर घोरै रै टबरा संघै नाण नैई दसू किबै झै कौंहिचै भेद खुलू ता तबै आई बारी ।

एक रोज़ तेई रै बड़ीऐ अति आई । तेइऐ की कैरू झै जंगला न नौठा । तोखै तेइऐ खरा डुघा खाच कोतू ता तूँई भितरै तुरिया आपणी भड़ास कौढी । “राज़ै रै शीगं । राज़ै रै शीगं । ...राज़ै रै शीगं । ज़ैबै तेईरी हलफली बेठी तेइऐ खाच भीरू ता घौरा बै आऊ ।

बड़ै अरसे परान्त तेसा ज़गा न एक सनाई रै पौत्रू रा झोट लागा । एकी घणंतर हेसीए एक चान्दी री सनाई बणाई एकी सनियारान ता तूँई बै पौत्रू तोखैन चौड़ ता आपणी सनाई री पिपणीन लाऊ । तेइऐ बुझू झै मूँ आपणी चान्दी री सनाई सभी न पेहिल राजा साहब बै शणाणी । शाइद मुँभै कोई बड़ा इनाम मेलला ।

जां सौ पिपणी मुँहा न पाइया पीं २ केरिया नौऊवीं चान्दी सनाई लागाथी बाजदा तां तूँई न सुर लागा

निकलदा—“राजै रैइ शीगं !” तेइऐ पिपणी सनाई न खोलिया भी मुँहा न पाइया पीं २ केरी ता भी सनाई न तड़ाइया बाजदा लागा थी—तां भी सौहै सुर, “राजै रैइ शीगं । राजै रैइ शीगं ।” तेइऐ सौ पौत्र बदलू होर लाऊ । भी सौहै सुर—“राजै रैइ शीगं । राजै रैइ शीगं ।”

राजा जुण राम फर मांदा लागांदा थी । तेई बै आई झीक ता तेइऐ मणहूर बेलू हेसी गौला ढीकू, “तेरी माऊऐ रै खसमा कुणिए दसू डै तोभै झै राजै शीगं सा । सच्च २ दस, नी ता मूँ एबै तेरा कोलू घाण केरनै ध्याणा ।”

बेलू हेसी दियाऊणा राजै साहब रै जोंहौ—पैइरै पौऊ । “महाराज ! नारायण जाणै ! कौसिए नी दसू । इन्हा पौत्रू न ए सा कोई करामात ।” राजै सौ पौत्रू रै झोटा हागै नेऊ । भी ट्राई मारी । भी सौ है गल ।

तेइऐ सितू नाई शादाऊ । सौ शुड़क जै हैं । पूछू । “किडै सितु नाइया तैं खोजू डै बेलु हेसी वै झै राजै रै शीगं सा ? मूँ ता तेरी ए करतूत लागा सा होर कुणी वै पतासा झै राजै रै शीगं सा । एबै मूँ तेरा कोलू घाण केरनै ध्याणा । नी ता तू सच्च २ दस किहा ऐ भेद खुलू ?”

दियाऊणा सितू नाई बी राजै रै जोंधै पैइरै पौऊ ता तबै तेइऐ सारा किस्सा शणाऊ झै ऐण्डा २ हुआ तबै जांच-पड़ताल केरने बाद कौ हिचै तिन्हा दुही रो जान बची ।

राजै तबै सौ पौत्रू रा झोटर पेचणै धियाऊ ।



tharabharadu.in

शुद्धि पत्र

पृष्ठ	लाइन	अशुद्ध	शुद्ध	पृष्ठ	लाइन	अशुद्ध	शुद्ध
३	५	करवा	कखान	१६	१०	भेदु	भेद
४	८	शभला	शोभला	२०	६	दअमी	दशमी
४	१८	शुचा	शुची	२०	६	बढासी	बढासा
५	२	सूघै	सघौ	२०	२३	हारे	होरा
५	६	झौकहू	झौकड़	२१	१०	धीरै	धीरैरी
६	२२	आस	आसा	२१	११	लोक	लोका
७	२	पौहपा	पौहरा	२७	३	ढोला	होला
७	६	आरा	आसा	२८	४	ढोहा	टोहा
७	१६	वाणी	पाणी	२८	१६	केरा	केरै
७	१८	श्वानी	खानी	३०	२३	औलादी	लुआदी
८	४	वणाए	वणाणे	३२	२३	दैबुआ	ढैबुआ
८	६	परभेशरै	परमेशरैरी	३३	१०	आल	आलै
८	१७	चीड़	चीड़ू	३३	१६	लौड़ी यहाऊ	लौड़ी
१०	६	सर्गा	सुरगा			कशी कशी ए यहाऊ	
१०	२०	रकराहली	खराहली	३३	२३	तसरा	तुसरा
११	२	अप्ला	आला	३६	६	धीरै	धीरै रै
११	८	जणा	जाणा	३७	३	आऊ	शाऊ
१४	२	मिड़िदी	भिड़िदी	३७	१७	की	की पै
१४	१४	उबार	उआर	३८	११	गूड़	गूड़
१५	१३	असताण	असताणा	३६	३	फला	पूला
१५	१५	र	रै	३६	६	टोक	टोकै
१६	३	घुढै	छुढे	३६	१०	शृगार	शृंगार
१६	३	घुढै	छुढे	४०	१४	बौरा	बौण
१६	४	झ टै	बुटै	४०	१४	फौकड	झौकड़

पृष्ठ	लाइन	अशुद्ध	शुद्ध	पृष्ठ	लाइन	अशुद्ध	शुद्ध
४०	१६	पत्तोड़	पत्रोड़	५८	११	नेलणी	मेलणी
४१	३	सहोत	सहोतू	५९	४	हेरा	फेरा हेरा-फेरीकेरा
४१	१४	भागली	कागली	५९	२४	शरबा	खरबा
४२	६	री	सी	६०	५	युगा	जुगा
४३	८	चाली	चौली	६०	१६	अमरै	अमरैरी
४३	२१	अपने	उपने	६१	६	सैभा	सैमां
४४	१	सिहड्ड	सिहड्ड	६२	७	नपोद	नपोद
४४	४	दुख	दुखा	६३	४	स्वर्ग	सुर्ग
४४	१६	औण्डण	औण्डणा	६३	२३	हाड़ै	हाँडै
४५	७	सर	सूर	६४	१७	नौउवी	नौउवी
४५	१५	मुण्ड	सादामुण्ड	६७	२	ता	× ×
४७	३	भाइयो भाइयो की		६८	६	भाग जागै	भाग जागै
४७	८	एक धौत एकी धौत					(गजल)
४७	११	भौटिदे	झौटिदे	६८	१६	बौर	घौर
४७	१३	बरखोडी	बरशोडी	६८	२३	ठौग	ढौग
४७	१४	किजबै	रैकिजबै	६९	४	गरीबै	गरीबैरै
४८	१०	—गणतन्त्र दिवस					शीभलै
४९	१०	रीझउटी	संझीउटी	६९	१५	वणाऊ	बणाऊ
५०	१६	भारत	भारत देश	६९	२१	मांहणुए	मांहणुए नी
५१	८	हेरा	डेरा	७१	१४	सन्बन्ध	सतबन्ध
५१	१८	सौघै	शौघै	७१	२०	मा !!	माँ !!
५२	१३	भालै	मालै	७२	१०	दू	तू
५४	१६	कलुऐ	काल ऐ	७२	२२	छड़िया	छछौड़िया
५५	७	शुकी	शुकी रोटी	७६	१	तेदै	तेरै
५७	१७	—आधुनिक युगै रै		७६	४	मीर	मीरी

पृष्ठ	लाइन	अशुद्ध	शुद्ध	पृष्ठ	लाइन	अशुद्ध	शुद्ध
७६	१८	—	पौड़ी	६५	४	ऑटलै	ऑढलै
		२ जाणा परछिहां		६५	२२	एफ	एक
७७	३	छरी	झूरी	६६	७	हछियाणी पछियाणी	
७८	१६	घूरी	झूरी	६६	१७	बरी	बुरी
८१	१०	उप	ठप	६६	२३	फोमा	कौमा
८५	२	न पौढ़ा	नपौढ़ा	६७	११	धोइया	धाइया
८५	३	दै	दै	६७	१५	तवै	तबै
८५	५	न पौढ़नी नपौढ़नी		६८	२२	ढौकी	ठौकी
८५	१०	जीणा	जाणां	६६	१३	ती भेए	तीभे ए
८५	१२	न पौछा	न पौढ़ा	१०१	८	छाड़िया	छौड़िया
८५	२३	देउसर	देऊसर	१०३	१७	ऊभी	ऊझी
८६	१२	होती	दोती	१०४	६	नी नी	नी
८६	२१	देउसर	देऊसर	१०५	५	गऊँजी	ग्राउजी
८६	२३	मुण्डेए	मुण्डकुए	१०५	१८	प्यासा	प्याशा
८८	५	आबाश ओ	शाबाश ओ	१०७	५	लाया	लामा
		शाबाथ	शाबाश	१०७	६	हेसरू	तेज हेसरू
				१०८	२	हुशा	हुशाउदबोधन
८६	५	मना रौही	मना न	११०	६	चगणा	चु-गणा-
			रौही	१११	६	मै भै	मुंभै
८६	१०	टाण माण-टाणा-		१११	१७	शक्तीना	शक्तीना शक्तीना
			माण	११२	८	गुट्टी	गुटी
९०	१८	रघुनाथ	रघुनाथा	११७	२	बरणी	बहणी
९१	१	रानी	रा नी	११७	१७	शाड़ा	दिहाड़ी
९१	८	शोहरू	शोहरू नौठे	११७	१८	मोराज	मोटरा
९४	१२	गुघंता	गुघता	११७	२१	रोही	रौही
९४	१३	आयु	आपु	११६	१७	हई	हुई

पृष्ठ	लाइन	अशुद्ध	शुद्ध	पृष्ठ	लाइन	अशुद्ध	शुद्ध
१२१	१५	सीझउटी	सझिउटी	१४७	८	सी	सी कौतहू
१२२	२	बौफरिये	बौकरिये	१४७	११	उठ डै उठ	कौतहूः
१२२	८	शोभी	गोभी			उठ डै उठ	
१२२	१२	लाणा	लाणा	१४७	११	ही	हो
		चान्दीरा	चान्दी	१४७	१२	बड़ा	बौड़ा
		रा मणिए		१४७	१२	सौ	सौए
१२२	१७	बौखें	बौसे	१४७	१३	बड़ा	ला
१२३	३	बागा	लागा	१४७	२०	झांफू	झांफूः
१२३	१६	ढाढ़िए	दाढ़िए	१४८	३	ए	ऐ
१२४	७	रौणा	रोहना	१४८	८	बौरा	घौरा
१२५	३	साली	सालै	१४६	६	तोई	तेई
१२५	१०	कुणिएवे	कुणिए	१४६	१८	नोहू	नौऊ
१२५	१६	पूर्ण	पूर्णी	१४६	१६	कादनू	काढ़नू
१२७	२	भेरक्ली	भेखली	१५०	४	मिकम	निकम
१३१	१७	सोऊआ	सेऊआ	१५०	६	होआ	होआ सा
१३६	३	भलिए	बौलिये	१५०	११	मौरिया	भौरिया
१३६	४	भलिए	बौलिये	१५१	११	मीए	नीए
१३६	५	भलिए	बौलिये	१५३	१२	हारे	होश
१३७	१४	झौशुंए	झौखुए	१५३	१५	परसतण	परासतण
१४२	१८	पौक्षू	पोत्रू	१५३	१७	भागा	भगा
१४२	२१	मुशै	मुशैरै	१५४	४	जहरी	जुहरी
१४४	७	रै	री	१५४	६	दसवीं झांकी	
१४५	६	बहणी	बहणीन			तुरासी)	दसवीं झांकी
१४५	११	थाली	थाल न			(दुहे	शुड़क सरोईबै
१४६	१८	शोहली	शौहली	१५६	६	शौघै	शौघै

पृष्ठ	लाइन	अशुद्ध	शुद्ध	पृष्ठ	लाइन	अशुद्ध	शुद्ध
१५६	८ ओए ! ओ ओए ओ !			१५६	२२	लखड़	खलड़
१५६	११	थमरुइं	घमोरुइं	१६०	३	पशदा	पिशदा
१५६	१२	संघैता	संघैता तैं	१६०	३	बे	बै
१५६	१५	ढुणनीए	ढुणनी	१६०	७	सा	सी
१५६	१६	जैण्डै	जैण्डै	१६०	७	डाई	ड़ाही
१५६	१८	तू-सा	तू-ता	१६०	८	न	न नी
१५६	१९	ओज	ओजा	१६०	१०	ना	नी
१५६	१९	दौई	ढौई	१६०	२०	शोधनो	शोधणी
१५७	१	मौरू	भौरू	१६१	४	पेजी	भेजी
१५७	२	घीना	धीना	१६१	७	झौकुआ	झौखुआ
१५७	४	जोई	जोई	१६३	१	वौहूँवा	बौन्हूदा
१५७	१६	तेऊकै	पेऊकै	१६३	४	हजार	हंजार
१५७	१६	बाकरी	बौकरी	१६३	७	बोलघा	बोलधा
१५७	१७	झलांदी	झलांदी !	१६३	१२	खैवरी	खैबरी ।
१५७	२०	मुक्रू	शुक्रू	१६३	१२	घाघा	घांघा
१५८	१	देडे	दैडे ।	१६३	१२	झै	जे
१५८	८ चारों बच्चे	चारों बच्चे:		१६३	१२	रपय्यै	रपैय्यै
१५९	५	मौरिया	भौरिया	१६३	१३	आपुब	आपुबै
१५९	१२	जेऊरे	जेऊर	१६३	१५	केरी त	कैरी-त
१५९	१४	धीरै	धीरै	१६३	२१	तौ	ता
१५९	१५	मौठा	भौठा	१६४	४	गंगा	सिद्रा
१५९	१८	सा	सौ				

Charabhai

tharakardu.in

tharahkardu.in

tharakardu.in

tharahkardui.in